



DE APPARENTE
MAGNITVDINE
SOLIS HVMLIS
ET SVBLIMIS.

EPISTOLA PRIMÆ.

*In qua difficultas breuiter proponitur,
& explicatur.*


PETRVSGASSENDVS, GABRIELI
NAVDÆO suo, S.

SIGNIFICASTI, mi Naudæ, ob-
scurum euasisse me, dum breuis esse volui:
Ecce igitur vt multam expendam. Di-
xeram Solem horiZonti vicinum, ac in-
vapores degentem conspici maiozem, quàm in

A

athere sublimi, ac puro; id verò neque intellectu videtur esse difficile, neque à quoquam abnuitur, quum *autem* ipsa probetur. Nemo certè est, qui etiam à pari non obseruârit in Luna, dum orbe præsertim pleno collucescit; quippe vel statim ab exortu, vel mox ante occubitum, deprehenditur vastior, quàm dum refulget in alto cælo. Adieceram Solem prope horizontem maiorem proijcere umbram, quàm dum excelsus graditur; potueramque id etiam exemplo Lunæ asserere, quando ea de re mihi constat indubitatis experimentis. Hoc autem esse video, quod fecerit difficultatem. Quippe si umbra maior est, dum Sol horizonti incumbit, debet ergo Sol apparere minor; quod tamen priùs expositæ obseruationi aduersatur. An etiam non satis perspicuè rationem illam exposui, quam tum concepi animo, quum præter omnem expectationem grandescere umbram iuxta horizontem conspexi? Id vereor: quamobrem res tota dicenda paullo vberius est, vt luculentiùs innotescat.


II. Itaque quum dico in primis *maiorem umbram proiici*, longiorem non intelligo: certum est enim umbram longiorem ab humili Sole creari supra horizontis planitiem, ac breuiorem ex edito. Intelligo potiùs crassiolem, siue secundum latitudinem, & in diametro transuersa spectatam; quæ nimirum discernitur, & cum minore (siue maius cum angustiore) comparatur in eadem distantia ab opaco, cuius est umbra. Vt res graphice declaretur,



to A, corpus opacum ; & vel idem, vel ipsi æquale sit
 Lucidum maius esto D. Lucidum minus esto E. Non
 quiro iam vtra vmbra sit euasura prolixior ; si nempe
 ra F, aut G, continuata intelligatur. Limitatam vtram-
 e volo ad ipsum planum F G, a quo eadem opaci A,
 æ opaci B, sit distantia. Hoc autem posito, nihil est
 cesse, vt tibi demonstrem vmbra opaci A, ab ipso
 maiore lucido creatam, vbi recipitur in F, esse con-
 stantior, quàm sit vmbra opaci B, creata ab E, lu-
 cidum minore, dum recipitur in G ; quando res ex se est
 is conspicua. Dico hoc solum ; si supponamus So-
 lum, dum est prope horizontem, esse lucidum D, &
 n est sublimis, esse lucidum E, debere, si illic sit
 ior, minorem projicere vmbra, videlicet qualis est
 & si heic sit minor, maiorem, videlicet qualis est G.
 qui non ita se res habet, quantum quidem mihi ob-
 stanti constat. Siquidem *prope horizontem Sol maiorem*
proicit vmbra, vt putà qualis est G, adeò vt tunc se
 habeat quasi lucidum minus E. Et *quum sublimis est, mi-*
nor, vt puta à qualis est F, adeò vt tunc se habeat quasi

4 *De Apparente magnitudine*

Lucidū maius D: quod idem de Luna est intelligendum
III. Si modū quæris obseruationis, intueri sequetē figu-



rā. Ea refert valdè quidē simplex, sed appositum tamen
organum, quo Solis, ac Lunæ aucupari diametros so-
leo. Nempe H I, repræsentat læuigatam trabeculam
quatuor propemodum orgyiarum, siue toisarum
Parisiensium; & K L M N, & O P Q R, sunt duo æquali
pinnacidia dimidium propè pedis lata, ac ipsi plano tra-
beculæ, eiusque extremis ad normam erecta. Trabecu-
lam cum pinnacidiis ita erigo, & suffulcio (idque intus
ædificium quantum fieri potest aliunde obscurum),
trabecula componatur secundum Solis radium, & pin-
nacidio K L M N facto superiore, Sol dirigat ipsius
vmbra in inferius O P Q R. Et quia Sole existente ma-
iore, quàm sit superius pinnacidium, necesse est vmbra
ipsius sic procedendo decrescere, vt cum ad inferius
pinnacidium exporrigitur, non ipsam æqualis sit, se-
intra illius planitiem planè decurtata nigrescat: ideo
ratione habita tum huiusce decurtationis, tum distan-
tiæ inter pinnacidia, ratiocinor de diametro, ac pro-
inde de apparente magnitudine Luminaris. Quippe,
distantia inter pinnacidia ad dimidium lucis in lateribus

pinnacidij inferioris residuæ, ita radius ad tangentem
semidiametri illustrantis. Sed hoc iam Geometricum est,
& Trigonometriam perspectam supponit. Redeo igitur
ad experimentum. Aduertis, opinor, depictam um-
bellam intra pinnacidium inferius; ea est, quæ ipsi im-
primitur a pinnacidio superiori. Obseruauit autem illam
impliorem creari, quum Sol est prope horizontem; contra-
ctiorem, quum abest procul; idque demum est Paradoxum,
quod vulgaris illa obseruatio ferre non posse videbatur.

IV. Iam, vt rationem explicem, qua vtrumque experi-
mentum, quantum quidem mihi videtur, cohæreat,
attingo pauca quædam ex iis, quæ inter nugas illas
meas circa Epicuri Philosophiam prosequor vberius.
Vnum est, Ex disco Solari (de hoc videlicet dicendum)
tot sensibileis euibrari radios, seu in oculum, seu in pin-
nacidium (pro opaco id vsurpemus) quot sunt in eo sen-
sibilia, & seu versus oculum, seu versus pinnacidium res-
pectantia puncta. Alterum, Vaporem nihil esse aliud,
quàm texturam quandam corpusculorum minutissimo-
rum, quæ singula singulos radios reuibrare, diuerteré-
que à traiectione valeant: ex quo efficitur, vt si vapor
tenuis, & pauca fuerint corpuscula, pauci radij præpe-
diantur, & Sol nihilominus lucidissimus adhuc relinqua-
tur: sin vapor crassus fuerit, & corpuscula multa, con-
fertaque sic disposita, vt qui radij præcedentia euase-
rint, in subsequencia incurrant, pauci tandem radij su-
perstites sint, & Sol hebetatus non multum resplendeat.
Tertium, Visionem fieri in oculi fundo, seu tunica Re-
tina, & quodvis obiectum tantò apparere extrinsecus
maius, quantò illius species per pupillam traiecta am-

pliozem locum occupat intrinsecùs, seu in eo fundo adeò vt, etiam res distantes minores seipsis vicinis appareant, quòd pro ratione distantia, tantum ex speciebus refecetur continuò, quantum ex cuiusque superficie est, quod circumquaque rectà immittens suiradium, seu speciem, effugit oculi pupillam. Postremum Pupillam effici aliunde tantò angustiozem, quantò in maiore luce constituta fuerit, tantò ampliozem, quantò in minore. Id obseruare autem potes non modo in felibus, sed in quocumque etiam homine, si ufferis illum nunc ad claram lucem, nunc ad umbram respicere, & ipse in utroque statu spectâris illius pupillam.

V. Heinc dici posse videtur Primò: Solem humilẽ oculo spectatum ideò apparere maiorem, quàm dum altius egreditur, quia dum vicinus est horizonti proluxa est series vaporum, atque adeò corpusculorum, quæ Solis radios ita retundunt, vt oculus minùs conuiueat, & pupilla quasi umbrefacta longè magis amplificetur, quàm dum Sole multùm elato rari vapores intercipiuntur, Solque ipse ita splendescit, vt pupilla in ipsum spectans contractissima efficiatur. Nempe ex hoc esse videtur, cur visibilis species ex Sole procedens, & per pupillam amplificatam intromissa in Retinam, ampliozem in illa sedem occupet, maioremque proinde creet Solis apparentiam, quàm dum per contractam pupillam eòdem intromissa contendit. Dici videtur posse Secundò: à constituto ibidem Sole maiorem umbram proiici, quoniam Solis species reuerà decrescit ob vaporis corpuscula ipsius radios circumcidentia; quum aliunde neque umbra, neque pinnacidium, res inanimæ,

isdem, quibus organum visus, affectionibus subiiciantur. Nempe, si quando in confinium lucis, ac umbræ respicias, attendere poteris debilissimam illeic esse lucem, quòd ea pars spatij non nisi ab ora Solis extrema illustretur; at fortiolem esse, ubi est remotior, quòd spatium illeic respiciatur ab vberiore portione Solis; denique multum iam remotam esse splendidissimam, quòd spatium illeic a toto Sole (quippe nihil opaco iam impediante) lucem accipiat. Porro, si contingat ut radij, qui singulares propè emissi ex ipsa Solis extrema ora debilissimam illam lucem creant, à corpusculis vaporum interpositis præpediantur; nonne vides fore, ut spatium, quod in luce erat debilissima, luce iam spontetur, & in umbra sit, ipsaque umbra, quæ prius fuit, intundem adaucta censeatur?

VI. Quanquam hæc propono tibi verecundiùs, quòd antiocinio meo diffidam, & dijudicari rem malim ab eximio illo Liceto, si difficultatem cum illo communicandam censueris. Mihi satis est, si de re obseruata fererim fidem; quæ ut tibi non absone confirmetur experimento, scias velim Lunam mihi obseruatam per nocturnam obscuritatem diametri maioris, quàm decipiens in aurora; & per auroram maioris, quàm exortum Sole; & tunc etiam maiorem adhuc, quàm per diurnum splendorem: quod ego hucusque non habeo, quòd referam aliò, quàm in memoratam pupillam, quæ quòd fit illustratior, eò euadat contractior; & minori specie transmissa minorem creet apparentiam. Et de continuo illo quidem decremento non cogitarem; sed me fortuita propemodum admonuit obseruatio; ac tum

rationatus sum debere ipsum contingere ea proportionem, qua stellæ quoque aduentante luce imminuuntur, & euanescent; apparituræ denuò, quotiescumque non modò nox, sed in ipso etiam meridie vel putei profunditas, vel Lunæ interpositus circumfuderit tenebras ad spectui. Id notandum, tametsi Luna minor interdum ad oculum, quàm per noctem appareat, apparere tamen adhuc maiorem, quàm reuerâ sit, octaua penè diametri parte: ut comprobatum habeo per expositum organum, quod perinde ac oculus, non est tot fallaciis obnoxium.


VII. Quòd obseruationes aliquas deposcis pro Cl. Scipione Claramontio, exhibere paratus sum, si modò constet qualeisnam velit. Omneis certè exscribere, quascumque habeo in commentariis, ne per annum quidem liceret; tametsi aliunde illæ nudæ sunt, quòd calculum adungere, nisi in quàm paucissimis, nondum per otium fuerit concessum. Nimirum illas excipere, conscribereque contentus, opportunitatem exspecto, qua reuocentur ad numeros; quum pòst myriadas etiam annorum id præstari commodè possit. Id itaque velim significes illi, ac simul promptum animum, quo ad obsequium sum comparatus. Seu eclipses enim velit tam Solis, quàm Lunæ, quàm etiam Stellarum; seu Planetarum elongationes, stationes, oppositiones, quadraturas, & cætera; deligat modò, communicabo. Tu, mi Nau-dæ, bene vale, & me, quod facis, perpetuùm ama. Scribebam Aquis Sextiis, Non. Decemb. M DC. XXXVI.



EPISTOLA SECVNDA.

*IN QVA RATIONES SVPE-
riore propositæ uberiùs dicuntur.*

Clarissimo, & doctissimo viro FORTVNIO LICETO
in Bononiensi Archigymnasio Philosopho emi-
nenti, PETRVS GASSENDVS S.

ELIBERANDVM diù non fuit,
Fortuni Licete, vir eximie, an ac-
cepto tuo de Quæsitis libro, deberem
ad te scribere; cum tu me in eo sic ob-
strinxeris, vt planè oportuerit meum
ergate gratitudinis adfectum testari. Quippe cum an-
te quatuor annos exposuissem Naudæo nostro (ami-
o illi eruditionis, bonitatisque adeò raræ) Problema
e vmbra, quæ humili Sole latior creatur, quàm
sublimi, exoptassemque vt illud tuo examini sub-
ceret; ipse, quæ tua comitas fuit, non improbasti
consilium, & quod in votis habueram, cumulatis-
simè præstitisti. Ac annus quidem ferè est, ex quo
ille significauit rem abs te insertam inter ea Respon-
sa, quæ de Quæsitis per Epistolas à claris viris edita
sunt; verùm nuperis solùm diebus peruenit ad me
quod exemplum à Martio vsque destinatum Parisios,

per viarum ambages fuit hûc referendum. Versabar
tùm Dinîæ, eramque in procinctu, vt in hanc urbem
discederem, cùm vix licuit volumen totum vel le-
uiter percurrere, & quâ problema expendere non es-
dedignatus, tantillùm hærere. Heic verò, postquàm
concessum fuit non-nihil à negotiis otium literarium
conturbantibus interquiescere, librum resumpsi præ-
manibus; vt re vberius cognita, esset quòd vberius
gratias agerem, &, quod non ingratum tibi fore
duxi, de tuo Responso sermones conferrem. Etenim
quia vidi meam illam tenüem commentatiunculam ita
fuisse abs te exceptam, vt discussione benè longa il-
lustrandam censueris, dici non potest quantum me ti-
bi deuinctum esse existimâtim, qui id non fueram
meritus, vt tu vir tantus, tantam mei, meæque opel-
læ haberes rationem. Ingenti præterea deputavi lu-
cro, quòd mea illa solutio tibi probata non fuerit
quando exinde facta est ansa agnoscendi vireis im-
becillas ingenij, & cognoscendi quæ tua illa *πολυμάθεια*
intertexuit. Quin-etiam animauit me singularis hu-
manitas ad reponendum aliquid, vnde proposita
me qualiscumque opinio videri posset nisi neruorum
saltem lucis quidpiam mutuari. Intelliges verò id fa-
ctum, non quòd certandi studio ducar, detrectem v-
te arbitrum; sed quòd officij mei putem significar-
opere ipso quàm non perfunctoriè mihi fuerit elucu-
bratio tua pellecta. Quòd si interea ad opiniones
Peripato abhorrenteis excurrentem me videris, ne mi-
propterea eum habero, qui Aristotelem non susp-
ciam, sed qui suspicer illius principia non vbiqu-

sufficere, esseve idonea ad enucleandum veritatem. Docuit nos ipse suo exemplo, qua libertate esse debeant, qui rem quærunt adeò præclaram, simulque adeò abditam, ut foelices habendi sint, si qui umbra tenus assequi eam possint. Quare & nolim imaginere haberi à me prorsus ratum, quicquid aliundè extulero; nam utcùmque loquar, mens mea non est prætergredi sineis probabilitatis. Veritatem Diis, Deorumque filiis, ut loquebatur Plato, relinquo: mihi satis, superque est, si inter multa verosimilia id concedatur deligere, quod præ se ferat maiorem quandam similitudinem veri. Sed ne præfando tempus teratur, accedamus ad ipsam rem.

II. Videtur autem initium ab obseruatione ducendum, quæ causam dedit problemati, & cuius causà id debeo, quòd tametsi experimenta tibi, amicisque non successerint, nihilominus fidem mihi, qui periculum sæpius fecerim, censueris esse adhibendam. Et sanè cùm nihil sit mihi veracitate antiquius, absit ut rem inexploratam pro explorata venditem. Hoc tu es præclare subodoratus, varietatem illam latitudinis umbræ esse exiguam admodum, opusque esse exquisita in adnotando diligentia. Meam qualemcumque sit accipe. Pedem Regium, seu Parisiensem (cuius in 1000. parteis diuisi exstant in Romano antiquo 906) accuratè diuisum habui in duodenos digitos, digitum in duodenas lineas (ita nempè nominant) & lineam per transversos ductus in duodenas particulas, quarum fuit proinde numerus in pede 1728. Trabeculam postea dimensus secundum lineam si-

ducia, ac inter ipsa pinnacidia extremis eius adposita, longam deprehendi Regionum pedum 22. digit. 2. lin. o. partic. 4. vniuersè particularum 38308. Dimensus verò pinnacidia, altitudinis aliàs debita, latitudinem deprehendi digitorum 5. lin. 6. partic. 4. vniuersè particularum 796. Ad hæc erectam trabeculam ad fenestellam habui, vt præclusa aliunde luce, umbra superioris pinnacidij nigricantior, atque distinctior in inferiore depingeretur. Rationem autem semper habui solius umbræ nigerrimæ, quàm tu, & Aquilonius perfectam, & plenam non immeritò dicitis; quòd alioquin crepera illa, seu imperfecta, diminutaque, quæ in confiniis visitur, & penumbra Kepplero vocatur, non sit à tota diametro, seu mauis, discoluminaris. Speciales præterea cautiones circa Lunam adhibui, quòd illa umbram sui faciat hebetioris delineationis, quantumuis scena obscura sit. Nam cum Solis umbra possit definiri lineis occultis, punctatisve in inferiore pinnacidio, aut etiam in pura, ipsique adposita charta pedibus circini acutis, quorum intercapedo transferri in pedem chalybeum, diuisumque modo exposito possit: haud licet tamen rem perinde circa Lunarem determinare; ac in fuga præsertim illa, qua ob continuū cœli motum umbra continenter præterlabitur. Habeo proinde semper ad manum complura alba foliola inferiori ipsi pinnacidio applicanda: adeò vt cum in singulis conspicuæ sint duæ lineæ parallelæ, variique in variis interstitij, adpareat denique ex multis successiuè applicitis, quodnam inter lineas interstitium Lunari umbræ exæquetur, quòdque trans-

ferri circino in memoratum pedem valeat. Vt habeas quoque exiguam quidem, sed obseruatam tamen vmbrae varietatem Sole humili, ac sublimi, ecce, cum ad nostrum Naudæum literas darem anno 1636. recens eram à variis circa id negotium obseruationibus, ijsque mense Iulio præsertim peractis. Cæteras inter, Sole exorto die 12. ac iam alto gradibus tribus, creata est vmbra superioris pinnacidi in inferiore recepta digitorum 3. lin. 3. partic. 6. alto verò gradibus 5. dig. 1. lin. 3. part. 6. alto gradibus 8. dig. 3. lin. 2. part. 8. sicque deinceps decrescendo, donec à 15. circiter altitudinis gradu, ac in ipso meridie vmbra fuit dig. 3. lin. 2. part. 4. Ne memorem quòd eadem serie à meridie increuerit, donec Sole ad 3. vsque ab horizonte gradum depresso, fuit rursus dig. 3. lin. 3. & part. 6. Quæ commemoro, vt si quando lubeat obseruationem vel per te, vel per amicos repetere, certum quid habeas, quò collinees, nec pœniteat fuisse adhibitam fidem:

III. Quod consequenter aggredieris edisserere circa Primam causam, id negotij non parùm facit: doleo siquidem me non satis euasisse perspicuum, vt ansam propterea tibi fecerim connectendi causas, quas disjunctas volui. Scilicet cum duo viderentur effectus inter se pugnantes, alter in oculo, & alter in vmbra; in illo putà species major Solis humilis, quàm sublimis; in ista minor diffusio Sole sublimi, quàm humili; mens mea fuit causas vtriusque separatim sic reddere, vt de varietate in oculo loquens, nihil de opaci vmbra commiscerem; & de varietate in vmbra,

nihil de oculi affectione confererem. Patere proinde, vir eximie, transcribi hūc articulum, quo vtramque causam dicere contendi. Rebus quibusdam suppositis, quæ præmittenda visa sunt, mea deinceps verba hæc fuerunt. *Heinc dici posse videtur primò: Solem humilem oculo spectatum ideò adparere majorem, quam dum aliùs egreditur, quia dum vicinus est horizonti, proluxa est series vaporum, atque adeò corpusculorum, quæ radios Solis ita retundunt, ut oculus minus connueat, & pupilla quasi umbrefacta longè magis amplificetur, quam dum Sole multum elato rari vapores intercipiuntur, Solque ipse ita splendet, ut pupilla in ipsum spectans contractissima efficiatur. Nempe ex hoc esse videtur, cur visibilis species ex Sole procedens, & per pupillam amplificatam intromissa in Retinam, ampliorem in illa sedem occupet, majoremque proinde creet adparentiam, quam dum per contractam pupillam eòdem intromissa contendit. Dicitur posse secundo, à constituto ibidem Sole majorem umbram projici, quoniam Solis species reuerà decrescit ob vaporis corpuscula ipsius radios circumcidentia: cum aliunde neque umbra, neque pinnacidium, res inanimæ, iisdem, quibus organum visus, affectionibus subjiciantur. Nempe si quando in confinium lucis, ac umbræ respicias, attendere poteris debilissimam illeic esse lucem, quod ea pars spatij non-nisi ab ora Solis extrema illustretur; at fortiores esse, ubi est remotior, quod spatium illeic respiciatur ab uberiore portione Solis: denique multum jam remotam esse splendidissimam, quod spatium illeic à toto Sole (quippe nihil opaco iam impediante) lucem accipiat. Porro si contingat ut radij, qui singulares propè emissi ex ipsa Solis extrema ora*

debilissimam ille lucem creant, à corpusculis vaporum interpositis præpediantur; nonne vides fore, ut spatium, quod a luce erat debilissima, luce iam spoliatur, & in umbra sit, utraque umbra, quæ prius fuit, tantundem adaucta censeatur? Vides proinde quàm adnexus fuerim discernere causas discretorum effectuum; tamen si non fuerim ea celeritate, ut qua luculentia oportuit exsequutus rem uerim. Hac enim de causa tu initio ais, tibi difficile satis esse quomodo latior pupilla conferat ad perspicendam umbram in imo Sole latiore, & e contra pupilla contrastrictior causa sit, ut in editiore Sole spectetur eiusdem paci corporis umbra strictior ob minorem quantitatem speciei visibilis per angustius pupillæ foramen ingredientis alto am Sole, ac vice versa, &c. Tandemque ais, me primo neo ratiocinio diffidere, quo dicebatur causam, ob quam umbra prodiens ex eodem opaco corpore videatur, & sic uerâ latior Sole prope finitorem amplioris magnitudinis apparente: strictior e contra Sole procul ab horizonte minorem orbitam visui exhibente, referendam esse tum in dilatationem pupillæ ab imbecilliore lumine Solis humilioris, & in restrictionem eiusdem foraminis à uiuidiori lumine Solis editioris, tum etiam in maiorem, & minorem magnitudinem speciei visibilis umbram representantis in retina tunica. Ego verò, quia vel non dixi, vel dicere nolui causam ampliatae vel restrictæ umbræ ad ampliationem, vel restrictionem pupillæ referendum esse; sed ampliatae, vel restrictæ umbram esse effectum alterius causæ; ampliationem, vel restrictionem pupillæ esse causam alterius effectus; ideò non est cur meam mentem, qualem tu supponis, excusem. Quin etiam nihil ad

rationes aduersus dictam à te Primam causam respondendum foret, nisi quod tu instas de vmbra supra pinacidium conspecta, vrgeri posset de specie intra oculum existente. Itaque quantum video illæ referuntur ad capita tria, quorum Vnum spectat ad objectum visum, quatenus eius species per pupillam nunc angustiore, nunc laxiore transmittitur: Alterum ad ipsam met speciem, quatenus integra, robustave, minuta, infirmave est: Tertium, ad partem oculi, in qua visio peragitur, quatenus controuersia est, ea-ne sit humor crystallinus, vt senioribus placuit; an tunica retina, vt juniorum plerique censent.

IV. De his ergo vt aliquid, sed ordine tamen retrogrado dicam, non est primum quod immoretur circa controuersiam de loco visionis, quod plurimi illam iam expenderint. Obseruo solum videri mihi totam eam rationem, quam aduersus pro crystallino militare pro retina, esseque prætereà cur ea præferatur. Etenim, quod ais, *videndi functionem fieri debere in ea parte potissimum, in qua recipi valeant, & contineri species omnium visibilium, imaginesque omnium colorum* id videtur tam retinæ, quàm crystallino conuenire, a retinæ etiam tantò magis, quantò ipsa est in oculi fundo, in quo tandem species, ac imagines per diaphanam media trajectæ recipi valeant, continerique. Quod assumis verò eam partem debere esse diaphanam, omnique coloris expertem, id videtur quoque non retinæ minùs, quàm crystallino conuenire; est enim adeò teresa, tenuis, pellucida, excolor, vt adhærens choroidi relinquat illam planè conspicuam, & non visa ipsa pos-

fit pro superficie illius haberi: cum crystallinus magis obster, distinctiorque adpareat à rebus circumstantibus; ne obijciam retinam nunquam (tametsi centies explorârim) esse visam quod ipse refert, *corpus opacum, colore proprio candidum, aduentitio rubrum*, vt putâ *uamplurimis refertum arterijs, & venis floridissimo sanguine lenis*. Quod subdis proinde ex Aristo tele de similitudine tactus, qui ob temperatas in se qualitates non-nisi excessum externarum percipit; itemque de effato illo, *ut, existens prohibet alienum*, & similibus; id nihil best, si retina quoque non minùs quam crystallinus, enudata sit natura, seu specie sensibilis rei cognoscendæ. Addo, cum visio fieri debeat per impressionem imaginum, congruere visionem illeic elici, vbi imago adparet sensibilibiter impressa, & facultas spiritibus ministrantibus immediatè adest. Constare autem ex obseruatis fundum oculi, seu choroïdem esse speculum concauum, in quo rerum imagines distinctissimè depinguntur, conferente atro humore, quod nonè imbuta opacitatem nanciscitur; itemque retinam nihil esse aliud, quàm opticum neruum dilatatum in membranam tenuissimam, politissimam, & pelucidissimam, quæ choroïdi immediatè superducta in speculari superficie sit: denique spiritus visorios deferri per opticum, vt retinam tandem animent, qua parte imago est, facultatè videndi foueant. Quocirca congruere visionem elici in retina, quæ choroïdi adjacet in oculi fundo. Neque dicas imaginem in crystallino quoque recipi: siquidem imago non tam recipitur, quàm traicitur per crystallinum;

quandò nihil est ponè opacum , quod transmissiōi illius obstat , ipsamque contineat instar speculi ; sed adest solùm vitreus humor , qui est ipse quoque perspicuus. Heinc videtur crySTALLINUS non alio fine interpositus , suspensusque consistere , quàm vt sua perspicuitate transitum præbeat imagini , & duplici illa sua seu sphærica , seu parabolica superficie eam refractionem faciat , ex qua situs imaginis in oculi fundo debitus sequatur. Nam cùm exempto crySTALLINO imagines rerum in oculi fundo , vt putà concauo inuersè pingantur , supera nempe infera , dextera læua , &c. crySTALLINUS imagines refringendo ita restituit vt supera supernè , dextera dextrorsum , & cætera quæque suo situ appareant . Quod obseruando quidem constitit , vt constitit etiam de radiorum decussatione intra humorem vitreum in ea distantia à speculo , vt res disertè repræsentetur. Id notatu dignum , cùm medium nerui optici non sit directè è regione centri pupillæ , sed paulò inferiùs (fortè eâ prouidentia , nimirum splendor per axem directus , & in eum ingressus nimirum facillè læderet) speculum tamen fulgore quodam quasi metallico conspicuum circumductu quodam ita terminari , vt ipsius centrum , seu medium pupillæ centro , seu medio è regione opponatur. Ne mirabile minùs est , id quod ab illo circumductu superest antrorsum , atrore quodam sic infici , vt quæ lucum imagine impingitur in speculum , intra capacitatem illam humore vitreo plenam reflexa , insignem prorsus splendorem creet , vnde & imago luculentior appareat. Plurima in huiuscere confirmationet

congeri possent ; sed ea sufficient, quæ inferenda circa alia capita sunt.

V. Scilicet dicendum iam est de natura specierum, seu imaginum è corporibus emanantium. Tu enim, vir eximie, adhærens Aristoteli vis esse formas sine materia, & non modò immaterialeis recipi in sensu, sed in medio etiam inter oculum, & rem visam interjecto ; quandò cum multæ fuerint, vnaquæque spatium vniuersum replet. Sunt verò alij, qui non capiant quomodo ex re materiali, seu ex corpore prodire possit res immaterialis, siue incorporea, quæ & medium repleat, & adficiat sensum : ac probabilius proinde putent species, seu imagines esse ἀμύψους hoc est effluxus substantialeis, membranulas nempe, seu quasi exuias derasas ex corporibus, & oculos versus per medium trajectas. Quod quidem potest prima fronte videri perabsurdum iis, qui vnico generi philosophandi assueti sunt : non tamen tibi, qui ita probas Peripateticum institutum, vt expendere quoque velis quid sit rationis in cæteris. Et sanè si species nihil sunt substantiale, sed mera, vt volunt accidentia, ecquid illas creat ? cum objectum quidem penicillum non vsurpet, quo sui effigiem momento pingat, & transmittat. Ecquid fulcit ? cum ipse aër gente vento dispellatur, species autem directò semper transferantur præter aërem. Ecquid vehit ? cum accidens quidem progredi solitarium nequeat. An eadem verò perseverat species in progressu per aërem ? at qui migrare accidens de subiecto in subiectum non vult. An propagatione mutatur ? at quis est modus

propagationis ? & cùm partes spatij innumeræ sint, & in vnaquaque fieri successiuè propagatio debeat, & momentum saltem, seu imperceptibile tempus ad vnamquamque desideretur, quandonam tandem progressio vel digitalis peragetur ? An siue prima productio, siue propagatio ex nihilo est ? at hoc excedit vireis naturæ. An ex materiæ potentia ? at quomodo materia medij, putà aquæ, aut aëris, ad tantam colorum varietatem, tantamque partium concinnitatem, qualis est in specie, sine præuia dispositione, & quouis momento comparata esse intelligi potest ? Ad-hæc, si nihil substantiæ, si nihil prorsus materiæ est, quomodo potest eâ vehementiâ in speculum contendere, in ipsum impingi, ab eo resilire ? quomodo constare ex partibus variis, tueri illarum inter se situm, colores singularum seruire inconfusos ? quomodò ampliari, contrahi, detorqueri, inuerti, & similia, quæ prorsus propria sunt corporum, rerumque materiâ constantium ? Dicent hæc etiam luminis, & quibusdam aliis qualitatibus conuenire: at par de illis difficultas, videnturque non modò lumen, de quo dicendum inferiùs est, sed calor quoque, & sonus, & odor, & virtus magnetis, & huiusmodi cætera substantiales esse effluxus.

VI. Ad species quod spectat, videtur præsertim effluxus tenuitas obstare: sed prouocare licet ad eos, qui in meditanda naturæ subtilitate sunt assuefacti. Videmus certè animalculum acari dictum esse nudo visui quasi candicans punctulum, & microscopio tamen habere & rostrum, & crura, & caudam villosam

& cæteras parteis externas suâ cute circumuestitas. Cogita verò prætereà parteis interiores tum oris, quo alimentum adsumit, tum ventriculi, quo id concoquit; tum intestinorum, foraminulique, quo excrementum egerit; tum membranarum, muscutorum, solidiuscularum, & aliarum partium, quæ alimento utili nutriuntur; tum hepatis, eiusve, quod Aristoteles analogum vocat, itemque venarum, seu canalium, per quos alimentum transmittitur; tum cordis, siue organi elaborationis spirituum vitalium, vnaque arteriarum, seu meatuum, per quos illorum diffusio fit: tum cerebri, seu eius partis, in qua animales spiritus creantur, simulque neruorum, qui eos deuehunt; tum ipsorum-met spirituum, ac fusæ per totum corpus animæ; si tamen ea est aliquid à spiritum flore distinctum. Cogita, inquam, has omneis parteis, quippe sine ijs omnibus consistere nequit quicquid nutritur, viuit, sentit, imaginatur, progreditur; & peruidebis naturam exsoluere posse, & secernere, compingeréque innumeras propè particularum myriadas ad contendum corpusculum, quod nudo visui est quasi punctum. Cùm natura porrò exsoluendo non possit in infinitum progredi, sed in aliquo tandem minimo, ac inexsolubili desinat, hoc ipsum est, quod Philosophi plærique Atomum dixerunt. Quare hoc sensu vocare liceat atomos particulas illas minimas, & inexsolubilibus, quarum tam multas myriadas concipere in acari licet. Iam si supponas membranulas ex simplicibus atomis contextas, quam-multæ, imò potiùs quam-innumeræ compingendæ erunt, priusquàm ad craf-

situdinem acari, aut aranæ telæ perueniatur ! Tales
 igitur membranulæ sunt, quales illi dicunt continuè
 ex superficiebus, siue partibus extremis rerum defluere.
 Et vis defluxum continuum, diuturnumque concipere
 absque vlla sensibili superficiei diminutione ? Cogita
 primò candelam accensam, cuius digitus calore el-
 lychnij vnus horæ spatium absumatur : cum hæc ab-
 sumptio continua sit, nullum discerni potest in hora
 momentum adeò exiguum, in quo non membranula ex
 digitali massa eximatur. Quot verò putas momenta,
 seu parteis imperceptibileis temporis per horæ lapsum
 posse distinguere ? Quot certè particulas impercepti-
 bileis in vigesima quarta parte extimæ superficiei pri-
 mi mobilis, captum omnem videlicet sua multitudine
 fugienteis. Hoc autem præmitto, ut innuam cuius
 tenuitatis esse debeant membranulæ illæ, quas na-
 tura caloris vi ex mole ceræ, adipisve digitalis excer-
 nere nouit. Pergo, ac suppono non candelam, sed
 vas aliquod plenum oleo, cuius superficies diametri sit
 plurium orgyiarum. Accendatur verò in medio
 ellychnium : nonne vix tandem post multos dies ea
 superficies, seu maior altitudo olei tantum decreuerit,
 quanta est telæ aranæ crassitudo ? Et certum est ta-
 men fuisse in ea decrementum continuum propter
 continuam actionem flammæ, quæ, ut numquam in-
 terrupta est, ita nullum momentum assignari potuit,
 in quo diceretur, iam non decrescit altitudo, cum
 mox ante decreuerit, & mox iterum decretura sit.
 Quòd si iam ante mirabamur multitudinem, ac tenui-
 tatem membranularum, quæ ex digitali candela horæ

spatio deriperentur: ecquid dicemus de multitudine, ac tenuitate membranularum, quæ ex tantilla olei crassitudine complurium dierum spatio delibantur? Quid verò, si prætereà materiam combustibilem compactiorem habuerimus, & depascentem segniorem calorem? Profectò cum perspectum fuerit calorem sua voracitate membranulas plureis aceruatim decerpere, & membranulas, quas dicimus species, singulareis, vt putà sola naturæ sponte defluere, agnoscemus quoque vix tandem post aliquot annos, anteriorumve centurias aliquid deradi ex superficiebus rerum, quod casurum in sensum sit. Ecquis redit porrò post dimidium, vnum, aut aliquot sæcula, vt metiendo exploret num eadem rei magnitudo, quæ antea fuerat perseuerarit? qui tantillum decrementum agniturus fuerit? qui usurpare mensuram possit, quæ non decreuerit quoque ipsa? Præclare sanè Auerroës, aut quisquis est libri Destructionis destructionum auctor, arguit neminem agniturum decrementum in Sole factum, tametsi ab eo circum deperierit quantitas palmi, aut etiam major.

VII. Obstat prætereà videtur ipsa effluxus facilitas, celeritasque auolationis. Verùm quia id pendet ex mobilitate principijs rerum ingentia, vereor ne res foret æquo altius, & cum magni nimis tædio repetenda. Scilicet explicanda foret origo, & radix omnium motuum, quam ad atomos referunt acceptam. Quippe iisdem Philosophi præter magnitudinem, & figuram, agnoscunt in ipsis pondus insitum, quo pernecitate incredibili moueantur,

quandiù liberæ fuerint, & quo, tametsi irretitæ in complexibus corporum, ita perpetuò connitantur, vt exsolutionem tandem pariant, ac tantò citiùs, quantò contextura ex ipsis fuerit spirituosior. Quare ne nimis digrediamur, licebit, seu etiam præstabit rem hoc loco supponere, & maximè cùm ipsa quoque Peripateticorum sententia supponat, gratisque obtineat, potiùs quàm probeat, creationem spontaneam, celeritatemque specierum. Docent illi proinde species tantò faciliùs deripi, auolaréque continuò, quantò, cùm atomi, ex quibus texuntur, mobilius næ sint, ex semper nullo negotio excedunt, & abeunt, quæ in superficie corporis occurrunt; idque continenter, cùm vna exeunte, eodem momento alia succedat. An adijciam verò lucem sollicitare continuò atomos illas superficiales? Profectò lux intingitur non coloribus modò, quos peruadit, sed ijs etiam, quos superficie tenus, & resiliendo solùm adtingit, vt res opacæ, ac speculares, in quas radij seu trajecti, seu reflexi impinguntur, satis demonstrant. Ac fortè quidem illi tuebuntur hanc lucis sollicitationem non esse necessariam, quòd corporibus etiam constitutis in densissimis tenebris auolare species ex illis non negent: at in confesso saltem est species ad visionem inutilis esse, nisi ex illustrato corpore procedant, sintque adeò ipsæ cùm luce conjunctæ: ex quo fit, vt oculus in tenebris degens res in luce procùl positas conspiciat, non conspiciat verò in luce existens constitutas in tenebris. Quare & fide non carebit, si quis voluerit defendere non emitti species ex corporibus, nisi lux

in ea incidat, & repercussa secum absportet. Nec
verò est, quòd opinemur solam primariam lucem re-
flecti: quippe quòd lux jugi fluore emanet à lucido,
& non desit vnquam, quæ à tergo instet; inde fit, vt
corpore primùm occurrente variè repercussa, re-
percutiatur iterùm ab occurrente alio, iterùmque à
primo, seu alio, neque sit reflectendi finis, donec
fluor constiterit, neque interuenerit obex. Quòd au-
tem factò obice lux antè diffusa statim euanescat, per-
inde est, ac dum àqua tubulo exsiliens, procùlque con-
stendens, collabitur statim, ac tubulus occluditur, tan-
quam non instante, quæ transuersum pellat. Nempe
lux, quæ in aëre, nisi ex continuo impulsu à lucido
isque, non constat, concidat statim necesse est, cum
non ampliùs est, quæ à tergo instet. Quòd etiam per-
xigua luce superstitè rem obscurè videas, id ex eo est,
quòd pauci radij ex ea reflectuntur, veluti adtingentes
aras partium illius particulas, adeò vt plurimæ intactæ,
& consequenter inuisæ remaneant, vt speciem sui vi-
bilem defectu lucis non emittentes. Sed utcùmque
est, potest saltem illa specierum celeritas exemplo lucis
intelligi, quæ ipsa quoque effluxio est, & celeritate
amen supra omnem captum maxima transfertur.
Celeritatem dico, non verò, vt vulgò, motum in-
stantaneum; quia fieri non potest, vt mobile quidpiam
in locum distantem feratur indiuisibili momento, &
non duratione potiùs temporanea, breuissima licet, ac
imperceptibili: cum medium parteis habeat sic succe-
dentes dispositas, vt pertransiri singulæ, nisi succeden-
ter, hoc est propinquæ priùs, quàm remotæ, non possint.

VIII. Cùm iam ex his sequatur speciem, seu imaginem rem esse corpoream, non est cur mirere illam abs me dici majorem, minorem, integram, resectam, ampliata, contractam, & huiusmodi cætera, quæ corporea contextura, & quantitate sunt non aliena. Id fortè potius videatur mirum, si species fuerit re incorporea, vt putà forma sine materia, quomodo repleat totum medium, seu (vt ita interpreter, quod iam antè attigimus) sit in toto medio, vel per totum medium diffusa consistat: hoc enim sine corpore quadam extensione capi non potest. Et quæso te, cùm subijcis virtutem repræsentandi, quæ est in speciebus iugiter imminuï, ac tantò magis, quantò remotius ab sunt ab objecto; Nonne hæc imminutio affectio est rei corporeæ, sensibilemque alterationem, & laborationem expertæ? Et cùm addis, ex eo, quòd non perinde procùl, ac propè conseruentur ab objecto eiusve præsentia, vim motiuam sensus diminui ad entitatis ipsarum detrimentum; Quæso te, istud detrimentum nonne est rei partis habentis, quæ quòd sensus deterantur, & excedant, ideò entitatem in progressu exilem, ac denique nullam relinquunt? Et cùm admittis denique speciem ob debilitatem, ac minimam entitatem fatiscere planè in itinere, vel peruenienter ad oculum mouere ampliùs ipsum non posse? Qui ampliùs quæso dixeris de entitate corporea, seu molis imbecillitatis, corruptionisque non incapax? Sed agnosco duo quædam esse, quæ possint præsertim videri. Nam, inquis, videmus vnâquamque speciem sic esse totam in toto spatio, vt sit etiam tota in

qualibet parte illius; cum in quacumque parte spatij ad-
motus fuerit oculus, totum objectum, quod per illam
repræsentatur conspiciat: constat autem hanc esse pro-
priam affectionem incorporeorum. Aliunde, sunt
simul in aëre medio innumerarum rerum species; quo-
modo id autem nisi admittantur naturæ esse incor-
poreæ, cum non possint corpora multa in eodem lo-
co consistere, seu se inuicem penetrare?

IX. Ista porrò vt explicentur, simulque totum &
specierum, & modi videndi aperiatur negotium, As-
sumo primò, nullum corpus exquisitè planum, poli-
tumque esse; sed in vnoquoque esse protuberationes,
depressionesque innumeras; in istis tamen maiores,
sensibiliorefque, in illis verò minores, minusque sen-
sibileis. Cogitabis illicò marmor, vitrum, metallum,
alia, in quæ perhibetur ars inducere perfectissimam po-
lituram. At tamen si nec oculus, nec manus agnoscat
inæquabilitatem tantillam, non sequitur tamen quin
aliqua sit, quæ sensus nostros ob magnam eorum he-
betudinem fugiat. Ac ne videar vanis vtî conjecturis,
nonne vulgò res expoliuntur aut limiâ ex chalybe duro,
aut sabulo, cuius granula fragminula sunt vitreæ na-
turæ? nempe microscopium ita arguit. Porrò tam li-
neæ denticuli, quàm arenacea granula deradunt qui-
dem maiores quisdam poliendorum asperitates; at in-
terim tamen fossulas inducunt, siue cavitates ijs inter-
jectas eminentijs, quas intercepta denticulis, granu-
lisve spatiola relinquunt. Et fossulæ quidem, atque
eminentiæ decussationibus variis interciduntur variè;
attamen & postremi ductus exarationes prolixiores

relinquunt, & non desinunt cæteri habere variè inter-
 cistas; quantumcùmque seu oculi, seu digiti impares
 sint, qui discernere ipsas possint. Quod idem dicen-
 dum de ligno, cæterisque rebus, quæ cultro, dolabro,
 aliave ferri acie poliuntur. Nam cùm ipsum ferrum, seu
 limâ acuatur, seu cote, quæ ipsa est lapis arenaceus, si-
 ve granulofus; planum videtur nullam aciem ita ad sen-
 sum æquabilem esse, ut ob relictas per extremam po-
 lituram fossulas, non instar ferræ sit concipienda. Ex
 quo notari obiter potest, nihil posse reuerâ, & abso-
 lute secundum rectam lineam secari, ut neque duci re-
 uerâ, & absolutè potest recta linea; tum quòd non pos-
 sit fieri cuspis cùm exquisito acumine; tum quòd dari
 non valeat planum non inæquabilis polituræ. Nec ve-
 rò est modo in planis inæquabilitas illa, quæ per limam,
 aut arenam inducitur; sed etiam alia longè subtilior, ac
 insensibilior, quæ ex principiorum contextura pendet.
 Cogita certè tantillum spatium, quantum apparet acari;
 & cùm ipsa acari cutis visa æquabilissima, aspere-
 tur tamen innumeris propè inæqualitatibus; cogita
 idem cūtenire in quantacumque portione cuiuslibet
 corporis; quantumvis ad sensum polita appareat.
 Soleo certè requirere, musca ne hæreere aut vitro, aut
 columnæ erectæ possit? Et si possit quidem, infero
 esse ergo asperitates, seu quasi foraminula, in quæ il-
 la pedes immittat, & retinacula quibus innitatur, cor-
 pusque suspensum contineat. Si non possit, iubeo co-
 lumnæ perfundi aqua, humectarique; & tum in-
 fero superesse adhuc asperitates simileis, tamen si mi-
 nores, quibus aqua hæreat; cūm, nisi partes aquæ hæ-

erent, à quo tenerentur, momento omnes diffluerent, nihilque columnam humefacerent, sed relinquerent planè siccam. Assumo secundò, vt species, seu imago tota effluit ex tota superficie, siue extremo corpore, ita ex singulis superficiei partibus singulas partes speciei effluere, adeò vt quotquot designari in superficie atomi possunt, ex totidem partibus atomi excedant, quæ aliis, aliisque semper succedentibus exsistant quasi radij quidam insensiles eò versus tendentes, quò superficiei particulæ, ex quibus prodeunt, spectaverint. Cum verò nulla pars superficiei ita ad sensum exigua sit, quæ non propter asperitatem, seu inæqualitatem iam expositam varias veluti facies habeat, quibus ad varias medij parteis conuertatur; heinc fit, vt radij ab ipso effluxu variè per medium dirigantur, alij sursum, alij deorsum, alij dextrosùm, alij lævorsiùm, alij antrorsùm, alij aliò secundum omnem obliquitatem, prout variæ illius partis facieculæ spectaverint. Contingit proinde vt species, cum primùm manat, disceditque à corpore, densissima, vt ita loquar, & vnitissima sit: scilicet contexta existens ex omnibus radiis simul, confertimque excedentibus: quò autem longiùs auolat, eò semper euadat magis quasi rara, disgregata, atque discerpta, radiis nimium abs se mutuò, & quoquo versum discedentibus in amplitudinem medij. Quàquam necesse est rationum decussationes innumeras fieri ob singularum partium facieculas varias: quippe cum nulla pars ad sensum adeò parua sit, vt non variis facieculis quoquo versum ponè respiciat, radiosque aliquos transmittat.

X. Ex quibus iam dico, esse quidem speciem, seu imaginem diffusam per medium: at non esse tamen totam in toto, nec totam in qualibet parte; sed totuplicem effici, quot sunt in medio partes, seu loca, ex quibus obiectum conspici licet. Heinc Paradoxum quidem est, sed verisimilitudine tamen sua non caret, cum spectatores plurimi in idem obiectum spectantes fuerint, neminem eorum eadem videre, quæ quivis alius in ipso videt. Quin etiam eundem spectatorem eadem non videre suo utroque oculo, imò neque eodem, si ipsum vel tantillum emouerit. Causa autem est ipsius obiecti inæquabilitas declarata, propter quam varij radij ex singulis eius partibus prodeuntes variè in medio coeunt; & cum singuli referant eas solum partibus, ex quibus procedunt, non possunt non alias, aliasque referre, prout in aliis, aliisque locis, alij, alijque in oculos spectatorum coierint. Ac vniuersè quidem spectatores omnes dici possunt attendere, videreque idem obiectum: dici quoque possunt videre in illa eadem parteis maiuscula, aut, si velis etiam, minimas ad sensum: verum non propterea singulariter easdem earum partium particulas vident, neque alio sensu admittendi sunt aut idem obiectum, aut eandem eius partem videre, quàm prout obiectum, vel pars illa complectitur visas à variis varias particulas. Ut exemplo dicam; sit homo, quem duo aliqui, vnus coràm, alius pone respiciant: ij dicentur quidem eundem hominem respicere: at non profectò eandem parteis, cum vni solas anteriores, alij solas posteriores obuerti manifestum sit. Loquamur de facie, quam si vnus qui-

dem à dextra respiciat, alius à sinistra, tertius à fronte, quartus à mento, dicentur ij quidem videre eandem eiusdem hominis faciem, at non eiusdem faciei parteis, tanquam non obuertas easdem omnibus, verùm diuersas singulis. Vnde etiam cùm dicentur omnes videre frontem, nasum, os, mentum, genas, non propterea tamen dicendi erunt videre easdem frontis, nasi, oris, menti, genarum parteis, propter inæquabilem situm, qui id efficit, vt tota specieis ex facie prodiens non tota tendat in totum medium, sed pro variis partibus in parteis medij itidem varias. Porro quia inæquabilitas non spectatur modò in maiusculis hisce partibus, sed in minutissimis etiam, cùm prorsus nulla cutis pars sit, in qua non minores, minoresq; eminentiæ, ac depressiones vel appareant, vel intelligantur; efficitur, vt si oculos eorum spectatorum sensim circumduci faciei concipias, imaginere quemadmodum successiue detegant alias, atque alias faciei parteis, non grandiusculas solùm, sed etiam minusculas, occultatis interea aliis, aliisque: quasi in particulis illis deuexitem habentibus particellæ nullæ possint detegi, quin totidem aliæ semper occultentur. Heinc dici potest in toto medio esse vnus corporis non tam vnā simplicem speciem; quàm aggeriem innumerarum, prout ex diuersis partibus prodeunt diuersæ inter se existunt; & vna tamen species dicuntur, prout ab vno obiecto sunt, quod singulæ quidem per parteis, omnes verò simul vniuersum repræsentant. Dico rursus, cùm reperiuntur in aëre medio plurium obiectorum species plurimæ, non illas propterea magis esse simul, aut se

vicissim penetrare, quàm in tela stamen, & subtegmen: cum satis in aëre sit itinerulorum inanium radiis illarum transmittendis. An non obseruasti, si plures candelæ eandem cameram illustrârint, & corpora quædam opaca interposita fuerint, varios umbrarum, & lucis gradus penitus arguere radios ex qualibet candela directò, atque inconfusè prætermearè aërem, nihil obstantibus cæterarum radiis alias in parteis tendentibus? Pari sanè modo specierum, seu imaginum radij ita inconfusi procedunt, vt quamuis multi esse videantur in minimo ad sensum loco, reuerâ tamen sint in distinctis; cum vt in acari concipimus atomorum myriadas, ita in loco, quem occupat, concipere liceat myriadas multas loculorum. Nec verò hæc iuxta-positio cum inconfusione videri incredibilis debet, cum videamus aquam, & vinum ita misceri in cyathò, vt non possit quidem assignari sensibilis pars, in qua non vinum, & aqua sit; & certum sit tamen particulas vini non esse in iisdem inuisibilibus loculis, in quibus sunt particule aquæ; aliàs enim tanta moles solius vini, aut aquæ esset, quanta vini, & aquæ simul. Sed nempe commistio eodem modo fit, quo frumenti, & hordei intra idem horreum; cum eo solùm discrimine, quòd heic miscibilia, & loculamenta sint longè maiora, sensibiliaque, quàm illeic. Concludo proinde quod ais, vnâquamque speciem replere vniuersum medium, simile esse, ac si dicamus vnumquemque, vel vtrumque liquorem replere totum cyathum, quatenus nulla est pars spatij sensibilis intra cyathum, in qua non aqua, non vinum sit, cum in ea tamen loculi, subtili digito

naturæ

naturæ sic discreti sint, vt reuerâ dicere liceat, vbi
num est, alterum non esse.

XI. Superest caput aliud, quod exceptionem ima-
ginis, trajectionemque per pupillam attingit. Ac
maginem quidem recipi in oculi fundo; remque ob-
iectam illic depingi cùm ijsdem-met coloribus, par-
tibus, figurâque, & situ partium, quibus exterius præ-
dita est, iam antè declarauimus. Quòd autem seu
visus, seu facultas interior pro conditione imaginis
de re externa iudicet, id videtur sanè indubium. Qua-
nim precor alia de causa pronunciare possit rem es-
se istius, illiusve coloris, nisi quia imago impressa
solum, illumve colorem refert? Cur occultata rei par-
te, obice interposito, residua solùm conspicitur, &
de ea sola iudicatur, nisi quia imago mutilata impri-
mitur, similitudinemque vnus, & non alterius partis
gerit? Et interpone vitrum coloratum; Quamobrem
res videbitur coloris alieni, non sui, nisi quia ima-
go colore vitri inficitur, & cùm imprimitur, eum
seruat colorem? Interpone quoque vitra ad id com-
parata, vt situm inuertant; Quorsùm facultas rem
apprehendet alio partium situ, quàm reuerâ erit,
nisi quia imago talem situm referet, eumque im-
pressa retinebit? Sed ne heic hæream, constare vide-
tur talem exterius rem apparere, qualis imago inter-
ius adest; atque idcirco facultatem, quæ iuxta il-
lam iudicat, non malè dici imaginatiuam. Porrò si
imago est causa cur res appareat hoc colore, his
partibus, hoc situ partium prædita; nonne eadem
quoque causa erit, cur appareat tali prædita quanti-

tate, & maximè, cùm cætera in quantitate cohæ-
reant? Cur certè res appareat magna, parua, medio-
cris, nisi quia imago impressa magna, parua, me-
diocris est? Cur etiam vna tota res sui parte major
appareat; nisi quia tota imago major est parte ima-
ginis? Itaque proût major, vel minor impressa imago
in oculo fuerit, videtur facultas de rei quantitate
ferre iudicium. Cùm autem locus imaginis sit spe-
culum illud in oculi fundo superius descriptum;
Sciendum est nullam imaginem complere totum
eum locum posse, nisi processerit à re hemisphæri-
cipenè circumductus. Huiusmodi verò est non mo-
do fornix cæli, aut alius; sed quicumque ambitus
complectitur varietatem rerum oculo aperto partim
directè, partim ad latera obliquè, & circumquaque
objectarum. Ex quo fit, vt semper oculo aperto
pingatur in illius fundo vna aliqua totalis imago,
cuius variæ partes dici possint speciales imagines ob-
jectarum simul diuersarum rerum. Quare & videtur
facultas de quantitate rerum ita iudicare, vt quò ima-
go quæque specialis major pars illius generalis fuerit
majoremque fundi illius portionem occupauerit, eò
rem visam majorem ducat: quò verò minor, an-
gustioreque sedem obtinuerit, minorem. Et quia
res, dum propinqua est, majorem circumductus illius
penè hemisphærici partem occupat, quàm dum est
remota; heinc fit, vt imago illius specialis portio-
nem quoque illius fundi occupet majorem, sicque
res major appareat; decrefcere autem videatur, ac
tantò minor fieri, quantò ex eius abductione imago

decrefcit, locumque facit imagini nouæ; rei nempe, quæ ex illius abductione detegitur, & in memorato circumductu apparet. Atque heinc quidem eft Paradoxum, quòd oculus non ampliùs vno profpectu videat, quàm alio; quantumcùmque nunc intra ædeis, aut in cauam manum refpiciat; nunc in totos montes, aut cælum adtendat; fed res eft ampliùs cognofcenda ex iis, quæ fubijcienda funt.

XII. Etenim caufa dicenda eft, quamobrem res non modò major, fed diftinctior quoque appareat, dum propè, quàm dum procùl eft; itemque cur virum convexum interpofitum illam adaugeat, difcernatque; concauum minuat, & confundat; tametfi eadem femper facie verfus fpectatorem conuerfa. Ad hoc verò id repetendum, quod paulò antè dicebamus, vnamquamque rem vifibileis radios circumquaque diffundere, & cùm omnis fuperficies fit næquabiliffima, nullam effe illius partem, quantumvis ad fenfum exiguam, ex qua, ob facieculas varias, radij propè innumeri variè in orbem non emittantur. Neceffe eft autem huiufmodi radios tantò effe confertiores, quantò propiùs à re difcedunt, tantò rariores, quantò remotius. Itaque quantò oculus objectæ rei fuerit propior, tantò radios excipiet plureis ex illius partibus, ipfarumque particulis; quantò remotior, tantò pauciores. Nempe in progreflu nunc illi, nunc alij variè præterlabuntur, aliòque, quàm in oculum tendunt. Quare & benè dici poteft imaginem rei in oculo pingi ex pluribus radijs, ipfiusque rei videri parteis, feu particulas plureis, dum

propè abest, quàm dum procùl. Enimverò quia dum est procùl, illi soli radij in oculum coëunt, qui procedunt ex partibus oculo directè obuersis, nec interceptantur alij radij interceptarum partium, quòd, ut dictum est, aliò dirigantur; heinc fit, ut imago coalescat ex radiis dissitarum quidem, sed quasi connexarum partium; sicque contractæ partes appareant, quæ in re disparatæ sunt; atque idcirco res videatur minor, quasi constans videlicet ex pauciore numero partium; ac proinde confusior, quasi partibus non perinde discretis. Rude exemplum esse potest, cum juga montium conspiciamus, ac pro eodem monte habemus, quòd interceptæ valles non pateant, aut dum campos intuemur, habemusque pro mera planitie, quòd fluuios, fossas, & alia loca depressa non interuideamus. Ut iam perspicilli effectum habeamus, cum radij per vitrum convexum trajecti ita refringantur, ut coëant; necesse est huiusmodi vitro interposito plureis eiusmodi rei radios intra oculum recipi, quàm illo sublato. Quia enim radij ex certis rei partibus in pupillam allabuntur, & alij ex circumvicinis allabuntur in iridem, & alij ex remotioribus in cilia, supercilia, frontem, genas, &c. efficit vitri convexitas, ut qui terminarentur in iridem, aliasve circa oculum parteis, refractione deflectantur, & coëunt in pupillam ingradientur in oculum, imaginemque in fundo pingant tot adauctam partibus, quot radij de nouo incurrunt. Quare res videtur major, & distinctior, ut cuius partes plures appareant; & quæ prius conspiciebantur, exhibeantur magis in-

ter se discretæ. Ex opposito, quoniam radij per vitrum concavum trajecti ita refringuntur, vt dissiliant, necesse est huiusmodi vitro interposito pauciores radios recipi, quoniam plusculi ex ijs, qui in pupillam concurrerent, diuertuntur in iridem, remotioresve oculi, & faciei parteis. Quare & necessarium est imaginem pingi in oculi fundo minorem, sicque rem minorem, & confusiores conspici, vt constare visam ex partibus paucioribus, vnitioribusque. Atque ex hoc denum intelligitur, quod dicere volui Epistolâ illâ ad Naudæum, *Res distantis minores seipsis vicinis apparere, quod pro ratione distantia tantum ex speciebus refecetur continuo, quantum ex cuiusque superficie est, quod circumquaque rectâ immittens sui radium, seu speciem, effugit oculi pupillam.* Nempe quia quantò res magis recedit, tantò eius radij secundum varias parteis, particulæve, earumque facieculas emissi, mutuò distrauntur; adeò vt qui initio in pupillam coibant, citrò coëant, primò in iridem, deinde in frontem, & alias circumpositas parteis, ac tandem extra corpus dilatantur, supersintque demum quam-paucissimi, imò vix vnus, aut etiam nullus; ex quo denique efficiatur, vt res sensim, & magis, magisque decrefcere visa, minima denique, ac nulla appareat.

XIII. Quod ad pupillæ ampliationem, contractionemque adinet, illam esse effectum lucis, hanc verò vmbre non repeto. Adnoto solùm, quod ex Galeno, & Aquapendente obseruas, pupillæ foramen angustius certissimam, & acutissimam; latius verò debilissimam, & imperfectissimam visionem efficere; intel-

ligendum videri de constitutione oculi constante; seu illa à natura sit, seu à morbo, aut alio casu. Id enim prior satis innuit, cum ampliacionem pupillæ incommodam dicit, siue à natali sit, siue post accedat; & posterior, dum consequenter loquitur de iis, qui pupillæ dilatatione laborant, eâ nempe, quæ præter vitiatam conformationem organi, id incommodi exhibet, ut pupilla debitæ coarctationis incapax cauere non possit ab iniuria lucis. Cæterum loqui eos non potuisse de foramine pupillæ angustiore in luce factò, & dilatatiore in vmbra; cum experientia aduerfetur. Et memini quidem vidisse qui existimaret, dum manum, galerum, aut rem aliam oculo obtendimus, superciliumve contrahimus, ut aliquid procùl, & in luce contueamur, id nos facere, ut pupilla contrahatur, & radij objecti vniores coëant: at errorem fuisse edoctum, cum iussus est aduertere pupillam ex huiusmodi vmbrefactione dilatari, debereque radios non tam vniores, quàm plureis oculum subire. Quod Anatomicus verò clarus asserit cuivis obseruanti constare vnus oculi reclusi pupillam dilatari, dum alter occluditur, mihi saltem non constitit, qui rem ad speculum explorare conatus, nihilo amplificari oculi alterius pupillam, altero occluso, agnouit. Ac in oculos quidem alienos intuens, visus sum interdum videre alterationem aliquam; sed nimirum, quia nisi contendendo, conuiuendo, palpebrasque aliquantisper obducendo rem præstiterunt. Ut ampliacionem autem aliquam concedam; eam profectò esse tantulam par est, ex qua mirari non debeas apparentem cuiuspiam

ei magnitudinem non sensibilibiter adaugeri. Et utrumque sit de dilatatione, quæ cum violentia aliqua fit, haud-dubium tamen esse videtur, quin naturalis illa, ac lenis, quæ ex loci obscuritate, umbrave contingit, ad id conferat, ut rei magnitudo crescere appareat. Non hæreo verò ut explicem id exiis deduci, quæ iam diximus de imaginis impressione. Si enim res major videtur, dum est propior, aut perspicillum, vitrumve convexum interponitur, quòd utroque modo imago in oculi fundo imprimatur vberior, amplioreque occupet locum: debet quoque sanè apparere major, quando per pupillam dilatatiorem conspicitur, quòd tum plures illius radij circumquaque sic ingrediantur, ut locum in fundo circumquaque ampliorem attingant, & imaginem creent vberio-rem. Agendum potiùs experimento; quando tu videris ad id prouocare, dum abnuens umbram (dixi-ram de Sole) manè, vespereque apparere ad oculum majorem, quàm meridie, ob dilatatiorem pupil-
lam, deberet, inquis, quodavis aliud visibile serò, & ma-
giè latitudinis amplioris inspicì, propè meridiem verò stric-
tioris, eiusdem specie visibili pariter ampliore per dilata-
tam pupillam ingrediente matutinis, & vespertinis horis:
& ex aduerso strictiore specie per coarctatam pupillam
intromissa propè meridiem; quod tamen experimento mini-
me respondet. Nam æqualis latitudinis est, atque videtur
idem corpus in meridiem pariter, ac oriente, vel occi-
dente Sole. Ac tu ita quidem, vir eximiè, qui gra-
uioribus studiis occupatus ad huiuscemodi minutias
explorandas non diuertisti; ego verò, qui etiam nu-

gas sæpenumerò confectatus sum, testari possum res sub meridiem, seu in clara luce apparere minores, quàm manè, ac vespere, seu in crepera, aut debili luce. Nec mirum: nam id quidem nemo sola oculi æstimatione consequatur; cùm neque ratio ad certam mensuram, nisi ex applicatione, esse tuta non possit; neque memoria satis sit fida, vt ad tantillam varietatem agnoscendam subsidium præstet. Enimuerò si oculus organo quopiam dirigatur, quod sit illi quales mensura diuersis horis applicita; id quod quæritur tum demùm apparet.

XIV. Atque id quidem in cæteris rebus, vt ædificiis, montibus, & quæ sunt alia huiusmodi, sua, vel aliena luce minùs collucentia: quod ad lucidiora enim attinet, videntur etiam sine organo perspicua esse experimenta. De cæteris enim stellis vt nihil dicam, quæ per noctem adeò conspicuæ, adueniente deinde, & crescente luce decrescunt, ac tandem euanidæ fiunt; cùm redeunte crepusculo, nocteque iterùm appareant, incrementumque obseruentur, Quæso te solùm, nunquam ne Veneris sidus in ipso meridie, aliisve horis interdum vidisti? Quantulum verò illud apparuit? Si consequenter verò attendisti vergente in occasum Sole non-~~ne~~ ampliari visum est? Et si in serum crepusculum, supra horizontem perseuerauit, nonne visum triplò, quadruplò, quintuplò, quàm per diem maius? Adferrem exemplum familiarius de flamma lucernæ, quam si ex passu centesimo interdum conspicias, per pusillam ducas; & videas tamen aduentantem crepusculo incrementum, donec per tenebras nocturnas

fax quædam ingens reputetur. Verùm præstat describere experimentum circa Lunam, quod citatâ Epistolâ indigitare fueram contentus. Memorato anno, ac die Iunij 24. horâque à media nocte penè secunda obseruaui diametrum Lunæ tam integram, quàm decurtatam, vsurpatâ trabeculâ, pinnacidiisque antè descriptis. Et quoniam vmbra diametri integræ, seu secundum extremas, obtusasque adhuc cuspides accepta, fuit digitorum 3. lin. 3. partic. 10. decurtatæ verò, seu transuersæ, & altera parte mutilatæ, digitorum 4. lin. 1. part. 0. idcirco habita ratione distantie, latitudinisque pinnacidiorum expositæ, deduxi Lunæ diametrum, integram quidem graduum 0. minutor. 28. secundorum 36. decurtatam verò grad. 0. min. 18. sec. 42. Erat tunc Luna inter apogeiam, & perigeiam media: Et quia sæpius obseruaui diametrum Lunæ apogeie esse grad. 0. min. 26. sec. 36. propter vmbra digit. 3. lin. 5. partic. 8. perigeie verò grad. 0. min. 31. sec. 5. propter vmbra digit. 3. lin. 1. partic. 6. capropter videtur diameter integra apparuisse minor, quàm oportuit, dimidio circiter minuti: verùm id fortassis, quia res lubrica, dum Luna pleno orbe non fulget; & res aliunde nullius fuit, quod spectat ad præsens negotium, momenti. Itaque obseruatione per vmbra tracta, vsurpauì Radium astronomicum suis pinnacidiis debite instructum, ac per easdem tenebras, seu antè auroram Lunæ diametrum sum dimensus. Ecce autem diameter integra fuit minutorum 38. & decurtata 26½. Inclarescente postea aurora, integra fuit min. 26½; decurtata 25½. Cùm deinde foret dies clara, integra

fuit min. 34²; decurtata 24. Exorto Sole, sed non val-
 dè alto, interceptisque vaporibus, integra fuit adhuc
 34²; decurtata 23¹; Denique Sole iam sublimi, nitidissi-
 móque, & die clarissima, integra diameter fuit min. 33.
 & decurtata min. 21. cùm semisse. Scilicet decurtata
 magis decrefcere visa, propter limbum ad maculas ni-
 gricantis imperfectiorem. Vides proinde vt non mo-
 dò Sol, sed reliqua etiam corpora latitudinis æqualis
 non sint, neque eiusdem videantur magnitudinis in
 meridie pariter, ac oriente, vel occidente Sole. Et de eo-
 dem Sole vt iterùm loquar, cùm is illo eodem mane
 foret iam altus gradibus tribus, idem Radius exhibuit
 oculo admoto eius diametrum minut. 33. cùm dodran-
 te; æquo maiorem scilicet; cùm vsurpata aliunde tra-
 becula minorem æquo exhibuerit, vt putà minut. 28
 sec. 52. propter vmbram digit. 3. lin. 3. partic. 6. Qui
 enim fuit tunc temporis apogeo quam proximus, idem
 esse diametro debuit, vt postea in meridie, minut. 30.
 secund. 12. propter vmbram digit. 3. lin. 2. part.
 4. vt i perigeus, seu per brumam obseruatus fuit eadem
 diametro, qua Luna quoque perigeia, videlicet min.
 31. secund. 6. propter eandem vmbram digit. 3. lin.
 & partic. 6. Sunt hæc fortassis scrupulosiora, quàm
 inferenda huc fuerint; Sed erunt tamen fortè non in-
 grata, neque omninò inutilia aut tibi, aut cuiquam am-
 co ex Mathematicis eruditis, qui Astronomiam pen-
 tiorum colunt, quique nōrunt salebras artis penè in-
 perabileis, ob Luminarium diametros nondum exqu-
 sitè satis definitas, imò, vt videtur, nunquam de-
 sciendas, quandiū in ipsa Luminaria oculos conuerter-

mus, propter apparentem in variis lucis, vmbraque gradibus inæqualitatem.

XV. Cùm igitur constet de experimento, id quodnam aliò referetur, quàm ad memoratam pupillæ ampliationem, restrictionemque, & consequenter ad ampliores, restrictioresque imagines? An adiciam eodè spectare, quòd cùm à lucis claritate subimus locum subobscurum, primùm quidem nihil videmus: et deinceps tamen paullatim plura, pluraque detegimus? Scilicet, quia lux perexigua in locum illum ingreditur, ideò perpauci radij per raras eius parteis attingunt, ex quibus radij visiles inire possint oculum: adeò ut initio quidè pupillâ contractâ, tam pauci radij admittantur, ut nihil sensibile, quod facultatem mœueat, depingant: & consequenter tamen eadè sensum dilatatâ, plures, pluresque sic subeant, ut pictura quædam sensibilis fiat, eaque sensum, & magis, magisque distincta. Quo loco probabile puto pupillam ita pro conditione obscuritatis dilatari, ut in densissimis tenebris ipsi iridi exæquetur. Id certè apparet ex oculis ferarum, quorum pupillæ in Solis splendore ita coarctantur, ut vix instar fili nigrescant; & in vmbra tamen ita dilatantur, ut noctu appareant, quasi duo globuli ipsa oculorum capacitate non minores. Quin-etiam inde esse videtur, cur nobis primùm expergefactis, vix minima lux necessaria sit, ut quæ circum sunt intra cubiculum, videamus (inconspicua planè ingredientibus, nisi ex tenebris adueniant) ex opposito verò lucis claritas incommoda adeò, ac molesta sit, ut intolerabilis videatur. Nimirum pupilla per somnum, &

dilatatissima est, & cum talis adhuc perseveret reclusis primùm palpebris, illud euenit, quod iam dictum est de loco obscuro. Tum verò, si lux nimia claritasve illam percellat, non potest sanè vim insuetam in retinam transmittere, quin ea laceffatur, laboremque, & noxam sentiat; ac in partibus præsertim à medio remotioribus, tanquam labori, ob contractionem solitam pupillæ, minùs assuefactis. De hisce autem partibus loquor; quoniam experimur easdem non parùm laborare, cum respectamus nosmetipsos intra speculum concauum, quòd circum extremæ partes speculi parem radiorum vim in eas, ac mediæ in medium retinæ fundum, transmittant. Hinc sensus quidem læditur atque eccellente sensibili; sed potissimùm inassuetus. Quòd autem oculus non magis assuescere possit Solaribus radiis, ac meridianis præsertim, quàm manus prunis ardentibus; causa est quidem vehementia, & caliditas radiorum; sed maximè tamen ea puritas, qua, sine ulli vmbellarum intermissione, oculos subeunt. Cum aduenientes enim ex Luna, ex flamma candelæ, ex cindela, & cæteris, interceptas vmbellas habeant propter interceptas cavitates, aut fuligines lucidorum ac idèò minùs continenter retinam afficiant, alternationeque velut subleuent, uti dum noctamus, & cilio rum pilis lucem introeuntem intercidimus: ex opposito Solis radij huiusmodi interceptionis, alternationisque defectu, ita afficiunt retinam, ut continent plaga exsiccent, corrugent, inurant, & quasi cauterio impresso inhabilem imagini deinceps excipiendæ & sentiendæ reddant. Idem propter Nivis candorem

contingit, qui nihil esse aliud videtur, quàm lux ex superficieculis penè innumeris reflexa, & seclulissima maxima parte ymbellis, illimis. Id ne mirere, cogites velim lucem quidem in diaphano nullius coloris videri; sed in opaco tamen terminante candicare, ac tantò magis, quantò densior, seu collectior fuerit. Deinde, a quam non esse quidem coloris ex se candidi, & radium tamen ex ea reflexum versus oculum candicare; Rursùs, cùm plana aquæ superficies, non nisi ex vna parte eam reflexionem faciat: si contigerit tamen illam in aliquot bullas intumescere, bullam vnâquamque reflexionem facere, & candoris speciem creare certa superficiei parte. Ad hæc, spumam ex aqua pura non alia ratione videri candescere, albescereve, quàm quòd sit congeries confertissima minutissimarum bullarum, quarum vnaquæque suum radium reflectit, vnde continens candor, alborve apparet. Denique Niuem nihil videri aliud, quàm speciem purissimæ spumæ, ex bullulis quam minutissimis, & confertissimis coherentis. Sed ridiculum me exhibeam, si taleis meas nugas vberius propinem. Vt cùmque sit, exilimo vulgarem illam opinionem de generatione colorum intermediorum ex albo, & nigro, seu ex perspicuo, & opaco, non posse alia ratione defendi, quàm pro albedine, & perspicuitate lucem, pro nigredine, & opacitate vmbra[m] usurpando: siquidem ex varia viri- usque mistione variati colores manifestum est; quam res prolixæ est disquisitionis. Adnoto solum, cùm vulgò dicunt albedinem disgregare, & nigredinem congregare visum, non esse ita accipiendum,

quasi illa pupillam dilater, ista contrahat; aut illa retinam diducat, ista comprimat; oppositum quippe contingit: sed quòd illa corrumpendo, quasi dissipet; hæc seruando, quasi corroboret visum.

XVI. Obiicis postea nescio quid de spatij, & vmbre magnitudinæ, eò quoque tendens, vt inferatur absurdum esse eandem rem maiorem manere, ac vesperæ, quàm sub meridiem apparere. Verùm quia iam concessum est, experimentòque probatum rem sic reuerà se habere; velim solùm consideres comparationem mensuræ cum re mensurata nihil inturbare negotium; quandò eadem vtrique est siue incrementi, siue decrementi apparentis causa. Applica enim pedem spatij, & postquàm nudo oculo æqualem iudicaueris, sume perspicillum convexum, vt de sola spatij magnitudine iudices; id tum quidem pede videbitur longiùs; at vbi simul eundem pedem perspicillo conspexeris, æquale iterum habebis. Idem eueniet, si perspicillum concavum vsurpaueris, quod quantitatem apparentem vtriusque ex æquo imminuet. Quid refert autem seu perspicillo, seu ampliatione, contractioneque pupillæ id euenerit? Admitto proinde, quod videri adhuc magis paradoxicum valeat, Rem eandem à duobus hominibus simul spectatam posse maiorem alteri, alteri minorem videri: Id nimirum, si illi major, huic minor pupilla à natura obtigerit, vt sunt hominum non omnia æqualia. Finge certè duos alios, quorum sint pupillæ æquales; Nonne si alter ex vmbra, alter ex luce spectauerit (parem suppono distantiam) res illi maior propter ampliata, huic pro-

pter contractam pupillam minor apparebit ? Quid
verò refert seu hanc habuerint, seu illam magnitudi-
nis, paruitatisque pupillæ causam ? Neque dicas rem
ergo vni amplitudine pedis esse, alteri non nisi do-
drantis ; Siquidem vtrique aut pes, aut pedis do-
drans videbitur, vt elicitur ex mox antè dictis. Admit-
to etiam consequenter, Quæcumque appareat rei ma-
gnitudo, illam esse veram : idque præsertim quia res
apparet eadem, aut æquali omnibus mensura, neque
partem vllam ostentat, quam reuerâ non habeat. At,
inquies, res parua apparens nudo oculo, perspicillo ta-
men, siue telescopio appareat duplò, decuplò, centu-
plò, millecuplò major : An igitur & parua simul, &
magna, maximaque erit ? Respondeo rem in eadem sem-
per quantitate perseverare ; quoniam perseverat sem-
per eadem seu pedis, seu vlnæ, seu alia mensura, quæ
similiter duplò, decuplò, centuplò, millecuplò major
apparebit. At cum digitus apparebit magnitudine fe-
moris, ea ne quantitas vera erit ? Erit profectò ; nam
præterquàm quòd femur eadem proportionem appari-
turum majus est, nihil in digito videbis, quod in di-
gito reipsâ non sit ; neque partes propterea erunt re-
uerâ majores, sed plures ; scilicet plures conspicientur,
quàm conspicerentur nudo oculo ob inæquabilitatem
cutis ; eaque erit causa, cur partes de nouo conspectæ,
prioribusq; interpositæ, & imaginem in oculo amplient,
& maiorem rei extensionem ostentent. Perinde est
enim, ac si quis pannum prius complicatum, palma-
remque visum explicuerit, vlnæque magnitudine ex-
tensum exhibuerit ; is quippe parteis nullas addet, ma-

joresve efficiet; sed proferet solum prius occultatas quæ prius visis, & pro contiguis habitis interpositæ illas distantiores inter se ostendent, totumque pannum extensorem facient. Eadem ratione, quò perfectius Telescopium fuerit, eò minorem quidem portionem disci Lunaris exhibebit; sed illam tamen ita extendet, & recessibus quasi patefactis, quæ sunt in ipsis quasi educat, & parteis minutissimas, priusque inuisas manifestas faciat, ac interuidendas exhibeat. At, telescopio seposito, erit-ne Luna, aut Sol pedalis dumtaxat magnitudinis, cuiusmodi nempe apparet? Id obiectum quidem Philosophis magnis; sed illi, quod sciam nunquam pronunciârunt aut Lunam, aut Solem pedalem; vt si mensura pedis in cælum translata apparitura foret tanta, quantæ illorum diametri. Dixerunt ergo solummodo tantum esse Solem, quantus apparet quia nihil vndecumque videtur ex eo, quod in eo non sit, & quia eius extrema nec majus, nec minus spacium complectuntur, quàm quod designat angulus ab oculis in oculo formatus. Vnde si Sol admoueretur, appareret quidem tunc major, quàm prius; at non propterea maior, quàm esset: quia esset tunc quoque tantus, & nec major, nec minor, quàm caperet angulus in eius extrema ab oculo ductus. Quod idem proportionem dico, si semotum conceperis. At nonne potest ex certa distantia magnitudo rei iusta designari? Id potest quidem, quantum ad vsum, mensurâ nempe, de qua constet, & quæ sufficiat, applicitâ: Sed quia proportionem distantiae species tam mensuræ, quàm rei mensuratae crescit, aut decrescit, ea de causa non video definiri posse

posse distantiam, ex qua, potiusquàm ex alia, pronun-
ciare possis videri abs te magnitudinem rei iustam.
Quippe si à passibus mille minorem iusto rem videris,
cur non videbis quoque à centum, à decem, ab vno-
cùm donec illam contigeris, species eius semper in-
crescat, nec sit ratio potior, cur vel digito citrà, vl-
tràve sistendum putes? Atque id quidem, si ad rem se-
cundum lineam rectam accedas: nam si secundum
circulum, ita vt in eadem tecum circumferentia fue-
rit, eiusdem quidem magnitudinis, seu propè, seu pro-
cul tibi apparebit; sed apparebit tamen diuersæ, si
amplitudo circuli, vt infinities potest, varietur; quæ
ex Geometrarum pendent ratiociniis. Prætereo au-
tem sciri non posse, quo situ res spectanda sit; nam
perpendicularis quidem maiorem, transuersus mino-
rem, obliquus maiorem, minoremve pro inclinatio-
nis ratione ostendet. Quod ego quidem primùm
obstupui, cùm distantiam inter duas stellas alteram
alteri imminentem nudo oculo contemplatus, jura-
turus fui maiorem, quàm videretur distantia inter ea-
rum stellarum vnâ, & tertiam aliam eiusdem
altitudinis; & postea tamen organo vtramque dimen-
sus priorem illam reperi aliquot gradibus minorem.

XVII. Vnum adijcio, quod videri *πρὸς διζήτων* pos-
sit, Nempe eandem rem ab homine eodem, in eadem-
que distantia, ac in eadem lucis, aut vmbre affe-
ctione visam, posse maiorem, minoremve, si oculo
vno, quàm si altero spectetur, videri; & quantum-
cùmque ille nitatur, fieri non posse vt eandem rem
vtróque simul oculo distincta visione conspiciat, sic-

que oculo plusquàm vno , aperto licet altero , legatur. Forteàn minùs mirabere rem eandem oculo vtrique inæqualis esse magnitudinis, si vt manuum , aurium, aliarumque geminarum partium inæqualeis vireis experimur (ea enim semper valentior est, quam naturæ sponte, & nihil cogitando priorem apponimus, ad-mouemus, &c.) ita persuasus fueris posse oculis à natura inæqualem inesse vim (quæcumque tandem fuerit Aristotelis hac de re opinio) possèque adeò alterum majorem habere, aut amplitudinem pupillæ, aut convexitatem crySTALLINI, aut concavitatem retinæ, aut quidpiam aliud huiusmodi, vnde magnitudo non eadem appareat. Possum ipse certè de me, oculisque meis testari, qui dextro oculo res video non-nihil quiddem obscuratiores, sed majores tamen, quàm sinistro, quinta proximè magnitudinis parte. Quod casum demùm animaduerti, cùm in librum intuens, factòque oculi sinistri confictu, dextro legens, caractere deprehendi sensibilibiter majores, quàm visi mox fuissent. Id inquam minùs mirabere : At nonne obstupesces magis, nos altero tantum oculo videre, & aperto licet oculo utroque, non nisi vno tamen legere ; ac præsertim cùm id videatur non aduersari experientiæ modò, sed repugnare etiam communis Opticorum effato, de visionis axibus coëuntibus inter se visa ? Enimuerò, rem, mihi saltem, experiri usu-venit, casusque mox expositus primam experiundi occasionem fecit. Nimirùm sponte ipsa naturæ, ac nihil aduertendo, sinistro lego oculo, quo caracteres minores quidem, sed clariùs tamen intueor ; dextro

culo neque magnitudinis, neque obscuritatis quicquam adhibente. Cùm volo autem, operâ datâ, extro oculo legere, tum mutari illius situm subsul-
i quodam sentio; ac tum characteres percurro, illosque majores, obscurioresque contueor; sinistro neque paruitatem, neque claritatem ullam conferente. Insinuavi porrò me loqui de visione illa, quam distinctam vocant, seu ad quam visionis axis terminatur: alioquin enim, ut experimur præter rem directè pupillæ objectam, distinctèque visam, plura circumstantia videri confusè vno, eodemque oculo; ita aperto oculo utròque, experimur res in utrumque obliquè incidenteis videri visione confusa. Quare & em ita proposui, ut eam declarare lectione voluimus, quæ non-nisi distincta visione peragitur, axis oculi successivè in alios, aliosque characteres, prius confusè visos, directo. Id autem mirum; oculorum axis ita esse comparatos, ut vno intento, alter relateretur; vno agente, alter otietur; nec uterque simul intendi, agerèque valeat; ut relaxari simul, & otari potest, quemadmodum constat, dum aperto, & in librum conuerso oculo utroque, scripturam duntaxat confusam videmus, characteres verò non discernimus. Non poteris fortè, vir eximie, eadem legendendo experiri, & maximè quidem, si exigua sit oculorum disparitas; sed prouoco te non ad rationem modò, sed ad alia etiam sensibilia experimenta. Rationem duco ex parallelismo motus oculorum: is enim facit, ut demirer, qui Optici non aduertunt impossibilem esse, quam deprædicant, axium coï-

tionem. Experimentum non longè peto : quæso te enim solummodò, vt in nasi tui summitatem respicias, & animaduertes te simul oculo vtroque non posse illam conspicerè, sed altero solùm ; atque ita quidem, vt postquam dextro videris, subsultum quendam experiare, vt videre sinistro possis. Et quomodò certè fieri posse putes, vt nasum dextro respiciens, nasum quoque sinistro videas, quem abducis prorsus à naso ? Id scilicet, quia propter motum oculi vtriusque conjugatum, & parallelum, fieri non potest, vt axis dextri versus nasum conuertatur, quin axis sinistri flectatur versus aurem sinistram. Itaque si axes non possunt in summitate nasi coire, quid est, quòd putes coituros in libro paucis digitis remotiore ? Quod si non coeunt, vides sanè alterum tantùm dirigi in eam libri, seu malis versus partem, quam legis. Vt verò neque in libro, neque longè remotius coire, sed perpetuo parallelismo, quanta est seu distantia, seu obliquitas oculorum ferri, experimento assequare, defixum quæso baculum habe, & non nihil semotus in eum inspice. Etenim clauso oculo dextro, videbis illum obtegentem certam partem parietis, alteriusve rei vltra constitutæ ; & clauso sinistro, agnosces obtegentem aliam, intercepto spatii parallaxi dicto. Apertum postea vtrumque habe ; & si axes quidem in oculum coeant, necesse erit baculum videas aut vtramque simul partem, aut parallaxeos medium obtegentem. Porrò neutrum eueniet ; nam medium quidem nunquam tegetur : partium verò altera solùm, ea nempe in quam oculum ma-

gis intentum habueris; cùm experturus aliunde fueris te vtrumque simul intendere frustra. Ex quo fit, vt sponso rem me bombardario sim præstiturus, non aberraturum à scopo, tametsi oculum vtrumque apertum continuerit; quippe qui vno collineans, contendere simul alterum non possit, secùs ac vulgò existimant: Verùm de his multa iam nimis.

XVIII. Venio ad Secundam abs te dictam causam, amplioris videlicet vmbrae Sole humili, contractioris Sole sublimi; quam declaratam sic volui, vt de pupillæ ampliatiōe, contractionēque miscuerim nihil. Quin vtramque etiam exclusisse videor, cùm dixi neque vmbra, neque pinnacidium, res inanimas, iisdem, quibus organum visus, affectionibus subijci: tametsi negare noluerim, quin aduocari in partem possent; sed eam nempe tantulam, vt visum necessarium fuerit causam aliam inquirere, quæ effectui adæquaretur. Itaque manè, ac vespere augeri vmbra, ideò dixi, quòd vaporis corpuscula circumcidentia radios, qui ab extrema ora Solis projecti, facere discrimen debilissimum inter vmbra nigram à nullo, & lucem claram à toto Sole inciperent, id discrimen fieri impediunt, vmbraque puram proinde adaugeant. Tu verò sic instas, *Primò, talis vmbra de nouo genita, non est reuerà corporis vnius, & eiusdem vmbra, de quo problema proponitur: sed est vmbra corpusculorum vaporis densioris opacitate propria prohibentium ne radij prodeuntes ab extrema Solis ora ferantur ulterius ad latera corporis opaci, & vmbrae suae: Secùs enim nulla dubitandi causa fuerit omninò, cur ab humili Sole latior vmbra*

bra pellatur ex aggregato plurium opacorum corporum. Ecce enim umbra latitudo major, aut minor sequitur proportionabiliter opaci corporis amplitudinem maiorem, aut minorem. Hæc porrò verissimè ais, optimèque declaras perspectissimam tibi meam mentem fuisse, quandò ac opacitatem pinnacidij accedere censui opacitatem corpusculorum inter partem aëris ipsi conterminam, & extremam oram Solis recta serie interpositorum. Quod autem dicis problema fuisse non de aggregato plurium, sed de simplici vnius corporis umbra propositum, non est cur multis excipiam, ne de nomine controuersia fiat. Problema quippe fuerat, Quare Sol prope horizontem maiorem umbram projicit, quàm dum excelsus graditur? Responsio verò, Quia ad pinnacidium aliudve opacum accedunt corpuscula umbram adaugentia. Nisi cùm quæstio foret de umbra pinnacidio Soli adtributa, aduocare aliquid aliud in subsidium non licuit, quandò id solum satis non fuit? Nonne tu quoque post-modum, cùm ampliandæ luci directæ non sufficeret, aduocandam esse reflexam censuisti? Sed, te volente, ut opinor, hærescendum in his non est. Consideremus potiùs quod deinde vrges his verbis. Quum talis umbræ differentia spectetur maximè sereno prorsus aëre, fieri non posse videtur, ut citranubium tetram corpulentiam sola corpuscula vaporis diaphani prohibeant radiorum transitum ad parteis aëris umbræ meridiana conterminas. Vapores enim, ubi puri fuerint, ac defecati prorsus omni sorde terrena, omnique tetra exhalatione fumida sensibili, ac exstiterint aquei solummodò, quantum vis densi ponantur, tantum abest, ut

exile lumen extinguant, & ipsum vertant in umbram novam, radiosque Solis ullos impedian, ne transeant ad locum verimque tangentem umbræ meridiana latera, quod potius ex adverso lumen Solis in aëre splendidius efficiant, liberumque transitum illi concedant ad ulteriora. Et luculenter sanè ista, cum de meridiana umbra loquaris, quasi de minima, ex cuius comparatione matutinæ, ac vespertinæ intelligi incrementum possit. Non immeror autem circa id, quod de serenitate dicis; quia tametsi pro variis serenitatis gradibus umbræ differentia varietur; certum est tamen differentiam tantò esse spectabiliorem, observatùque faciliorem, quantò aër serenior fuerit. Ac rursus: quia tametsi aër horizonti incumbens, & secundum planitiem spectatus appareat in maxima etiam serenitate turbidior, quàm sit interdum aër sublimis interpositis nubilis (quoniam ut heic nubilis paucis, rarisque interspergitur, ita illeic tam longa feriè vaporum intercipitur, ut admodum densus, caliginosusque euadat) nihilominus, quia hæc est rerum, & nostra conditio, ut aërem horizontalem prorsus defæcatum habere non liceat: idcirco serenum licet dicere, quum præter vapores solitos, nubibus quoque, aut nebulis crassioribus non obsidetur. Duo itaque restant, quæ negotium faciant; Alterum, quòd velle videris vapores omneis, qui per serenum aërem, seclusis atris nubibus, ac prope horizontem speciatim, sparguntur, diaphanos esse, & aqueos: Alterum, quòd hosce vapores, & corpuscula, ex quibus texuntur, statuis minimè prohibere transitum radiorum Solarium, ac

tantum abesse, vt vmbra creent, quin lucem potius intensiorem faciant.

XIX. Quod spectat verò ad prius caput, supponis, aut etiam concedis, si in aëre fuerint vapores, seu halitus non diaphani, fore vt illi radiorum Solis transitum impediunt, ipsosque retundant. Quæso te verò vnde nam nosti etiam serenum aërem huiusmodi vaporibus, vaporumve corpusculis non esse variè interspersum? Delige enim ædificium in aëre quantum voles puro, nonne qui radij foramine recluso statim subingredientur, innumera detegent corpuscula prius inuisa? Et ne pulueres pedibus excitatos, aliave causeris, ad para scenam per obscuram in quantum voles edito, ac herbido monte, nonne admissis rimulâ radiis innumeram adhuc congeriem corpusculorum deprehendes? Ea verò cur esse opaca non censueris, quæ radios Solis reuibrant, vnde albescere oculo apparent, simulque obstant ne perspicuè res ultra positas videamus? Nam quòd in charta opposita sensibileis vmbellas non faciant, causa non pelluciditas sed paruitas corporis est, quæ propter disci Solaris amplitudinem ita proijcit vmbellam in conum, vt retrò ad sensum statim euanescat, & locus in charta retuso radio destitutus tanta illustretur aliorum multitudine, vt oculus discernere imparitatem lucis non possit. Cur non aliunde terrea, potiusquàm aquea censueris, quæ siccam, potiusquàm humidam constitutionem aëris faciunt; quæque ita conclusa compressaque intra nouum bombardæ genus, vt tormentarium globulum explodant, nullam tamen humori

no ris speciem creant , aut humectationis vestigium
elinquant ; vt ea facere videmus , quæ ex aquæ eua-
poratione dispersa , iteratò coadunantur ? Non addo
erò præter corpuscula , quæ radiorum intromissione
isibilia fiunt , diffusam misceri inconceptam aliam
inconspicuum congeriem ; quippe quæ humani sen-
sis hebetudo peruidere non patiatur. Hoc potius
addo , huiusmodi corpusculorum congeriem , qua-
em intra eam scenam capis , diffusam esse secundum
totam horizontis planitiem ; & cum sursùm aspicien-
do aër tibi videatur purus , mirum non esse , si trans-
uersùm , seu versus finitorem aspiciens , non perinde
urum agnoscas. Siquidem altiùs respiciendo , & cor-
puscula semper rariora apparent , & quæ remotissima
sunt , breui distant ; at transuersùm occurrit semper
eadem illorum densitas , eaque diffusa per multa mil-
liaria ; adeò vt tametsi in parua distantia nihil esse vi-
deatur obstaculo visui , in maxima tamen videatur ;
quòd spatium relictum inane à vicinis corpusculis ,
intercipiatur deinde ab aliis remotioribus ; & quod
inter ista superfuerit , intercipiatur ponè ab aliis ; atque
ita cosequenter , donec tandem nihil , aut parum
quid vltra videatur. Id experimur sensibilius in ca-
ligine , nebulæve ; solùmque esse secundum maius , &
minus discrimen videtur. Ex quo dico , si nunquam
aër ita defæcatus , purusque apparet , vt prope hori-
zontem non appareat species quædam caliginis ; ar-
gumento profectò esse , quòd corpuscula , ex quibus
longa serie veluti contexitur , opacitate non destituan-
tur. Quid quòd , cum fatearis nubeis crassiores non

constare ex diaphanis, videmus non rarò huiusmodi nubecis subnasci fursùm in aëre, viso maximè illimi, ac puro: & abire rursùs in huiusmodi aërem, quò magis illinem, purumque visum non dixeris. Quod sanè arguit aëre toto, tametsi sereno, diffusa esse vaporum corpuscula, quæ non diaphana sint, sed opaca. Ad-
do autem æquum videri, vt cùm magis aquea, & pura, magis fursùm enitantur, ea quæ sunt terrea, & crassa magis, emergant minùs, & subsidant, consistentque potissimùm proximè terram, seu horizontem. Scilicet concipiendum est exhalari continuò ex densiore glo-
bo telluris, & aquæ innumera corpuscula, quorum alia quidem propius, alià longiùs auolent; sed omnia tamen circùm contineantur, creentque quam vocant atmosphæram, seu vaporosum orbem, & quasi am-
ictum, ad altitudinem vnus, alteriusve milliaris; prope terram quidem crassiorem: remotiùs à terra puriorem, causamque existentem tam auroræ, quàm vespertini crepusculi: quòd radios Solis partim directos, partim refractos excipiens, remittensque ad oculos, speciem crocei coloris creet, diemque anteuehat, & producat: cùm nisi vapores adessent, nulla futura esset lux ante Solis ortum, nulla post occasum; sed transitus foret ex tenebris meris ad claritatem diurnam, & ex diurna claritate ad tenebras omninò meras. Ex quibus efficitur, vt circa illud problema, *Cur, ubi per hiemem imber desit, stellæ illustriores videantur*, Alexandri solutio improbabilis non videatur, quòd decidens pluvia aërem attenuet, & abductis fumidis, tetrìs, impurisque exhalationibus, veluti elüat, ac detergat;

tametsi plures semper super sint, quibus etiam deduc-
tis, fieret adhuc purior. Argumento sane esse pos-
sunt venti serenantes, exsiccantesque, quibus vigen-
tibus, ne dixeris aerem posse sereniorum conspici;
cum tamen constet eiusmodi ventos ex minimè aqueis,
humefcentibusve corpusculis contextos esse.

XX. Ad posterius quod adinet, non disputo pri-
mum Lux-ne corpus sit, lucidique radij corporei. Tu
enim, quantum conijcio, mera vis esse accidentia; ip-
se in corporibus habeo tenuissimis, purissimisque, quæ
effluxu continuo ex suis fontibus scaturiant. Infœli-
citas tamen mea est, quod videre nondum licuerit
egregium illud tuum opus de natura, & efficientia lumi-
nis, de quo Naudæus pridem spem fecit. Etenim cre-
dere potest te eam naturam declarasse, comprobasse
que adeo perspicue, ut præbitura ansam fuerit meæ
sententiæ commutandæ. Interea pati, opinor, me
ab ea non discedere, donec afferri nihil video à Peri-
pateticis cæteris, quod persuasionem amoliat. Siqui-
dem dum considero bombardicum globum non exi-
re è fistula tanta pernecitate, quanta lucidus radius à
Sole, lucidove alio exsilit; neque pilam summa vi im-
pactam tantâ vehementiâ reflecti à pariete, quantâ
impactus radius ex eodem, aut ex speculo, resilit; ne-
que fila sericea tanta facilitate laxari, debilitarique, &
cogi, corroborarique, quanta ipsimet radij; dum hæc,
inquam, & alia huiusmodi considero; non possum
profectò non capere radios, ut corpuscula subtilissima,
quæ profilire, progredi, impingi, retundi, disgregari,
coire, & huiusmodi cætera, absque corpulentia, non

possint. Et non nego quidem illuminationem, siue claritatem esse oppacis corporibus, quæ illustrantur, accidens lucis; at lucem tamen ipsam, lucidumve radium corpore destitui, difficile conceptu est. Nam dicere quidem aërem, aquam, aut aliud medium esse luci pro subiecto, videtur planè incongruum; tum quia huiusmodi media merè passivè se habent, suntque transeunte luce immota; quæso autem quomodo potest pervadere lux sine subiecto alio, & quasi vehiculo, atque adeò corpore proprio? Quòd si moueantur, ut dum aër à vento impellitur, lux tamen, ut suprà de speciebus dictum, nihilo secùs traiecitur; quomodò id autem, nisi corpus habeat, quo per se, & sine aëris subsidio cohæreat? Dicere autem lucem mutare subiectum, partim non admittitur, partim capi non potest, quomodò eadem perseveret, & commutatis subiectis non mutetur ipsa; nisi simul admittatur habere unde per se subsistat, sicque substantia, & corpus sit. Dicere aliunde lucem non moveri, sed propagatione solum promoueri, uti circa species dici visum est; tum id cohærere non potest cùm observata pernecitate, à qua aliena planè videtur infinita illa novarum, successivèque factarum productionum multitudo; tum quia per absurdum videtur manum digito à candela distantem non accipere eandem lucem, quæ à candela prodierit; sed centies, millies, imò pluries, ac penè infinities millesimam à prima illa, quæ à candela emanârit, extinctaque fuerit, resignata alij vice, quæ rursus extincta resignârit, &c. Neque obstat, quòd radij per aërem purum inutiles sint: nam neque ven-

tum ipsum videmus, quem corpus esse, & ex corpusculis contextum manifestum est; satisque est, si ut ventum allabentem sentimus, ita sentiamus radios: cum radij præterea, incomparabiliter tenuiores, visibilia reddant corpora, in quæ incidunt, & ex quibus reflectuntur. An addam lucem vel ex eo comprobari posse corpus, quòd subjectum simul sit, & vehiculum caloris? Profectò si ignem corpus dicimus; quid ni & lucem corpus dicamus, quæ videtur nihil aliud, quàm tenuissimus quidam ignis? Id facilius feres, si quodammodò comparisonem tuleris, qua flammam cum aqua, lucem cum vapore pridem conferre solitus sum. Ut enim aqua in vaporem tenuiatur: ita in lucem circumfusam extenuari flammam concipio; & ut vapor ille nihil aliud videtur, quàm rarefacta aqua esse, quæ nihil, aut parùm propter raritatem humectet, humectare autem tantò magis possit, quanto facta coactior fuerit: ita lux nihil aliud, quàm rarefacta flamma videtur, quæ parùm, aut nihil propter raritatem calefaciat: tantò autem magis calefaciat, quanto facta fuerit collectior. Denique, ut vapor quantumlibet tenuis existimatur nihilominus substantialiter esse aqua, quòd sola coitione partium diffusarum, veluti in alembico, aqua denuò appareat; ita planè videtur lux esse flamma existimanda, quòd sola radiorum disperforum coalitione candeat, flammescatque; quemadmodum ex speculis vistoriis notissimum est. Neque dicas cicindulas, ligna putrida, squammas piscium, & id genus alia non sentiri calida: Id contingit videlicet tum propter humorem commixtum, tum ma-

ximè ob raritatem lucis , quæ cùm euanescat in lucē Solis secundaria , non est sanè mirum , si manus illius calorem non sentiat , quæ ne calore quidem Solaris secundariæ afficitur. Prætereo autem quæ possunt præsertim obijci de Sole (ex quo lux tanta continuò dimanat) deque essentia illa quinta (à qua omnem alterationem corruptricem faciunt alienam) pluræque item alia : Etenim & difficultates abirent tandem in immensum ; & res potest quomodocùmque intelligi ex iis , quæ superius dicta de effluxu specierum sunt , & quod ad negotium præsens attinet , sufficere potest , si radij concedantur quomodocùmque exsilire , transilire , resilire , coalescere , distrahi ; & mihi liceat supponere ista ad naturam corpoream vel analogia quadam spectare.

XXI. Non disputo etiam vtrum detur Vacuum interspersum corporibus ; cùm tu quoque , quantum persentio , inficiaturus illud sis , mihi nihil videatur esse probabilius. Id certè ; donec peruidero qua ratione tu declarâris in opere eodem diaphani naturam , quæ cùm non videatur absque raritate esse , nondum capio quâ fieri possit , vt aliquid rarum euadat , aut sit , nisi inane intermisceatur. Nolo porrô imaginere spatia quædam inania grandiuscula , sensibiliave : talia enim sunt , quæ natura dicitur vulgò exhorreere ; non in vniuerso quidem , in quo esse possunt , quæ separata dicuntur (necessaria videlicet discernendis inter se globis , partibusve præcipuis ; vt necessaria sunt intervalla satis in quincuncem viridarij arboribus) verum intra circumferentiam globi cuiusque particula-

ris, cuiusmodi terrenus est, aëre etiam comprehenso, quasi epidermide, siue instar lanuginis malum cotoneum circumuestientis. Velim potius imaginere spatiosa quædam inania, quæ infra sensum omnem sint, cuiusmodi quoque esse descripsimus atomos, particulasve innumeras, quæ in acari reperiuntur. Videlicet ut cutis nostra (& quælibet etiam pars alia) quæ minimum vulnus non patitur, innumeris tamen porulis ita perforata est, ut tota quasi cribrum sit, neque absque iis esse possit: Ita globus iste telluris, ac aër ipse nominatim, cum ferre non possit inania quædam grandia, quæ illi quasi vulnera sint; insensilia tamen, quasi porulos non modò non horret, sed nec sine iis quidem esse potest. Quòd rarefcere autem aliquid non possit, quin inane intercipiatur, id mihi semper fuit argumento, quòd corpus rarefcens maiorem, quàm priùs, locum occupet, & circumvicinum è suo loco pellat. Nam primò, dum corpus est densum, adæquatumque locum, seu maius spatium, occupat, non dices profectò esse plureis spatij, quàm corporis particulas; alioquin enim aliquæ corpore vacarent, essentque inanes. Sunt ergo saltem totidem; nam si pauciores existerent, partes aliquæ corporis sine loco essent, aut se inuicem penetrarent, quorum neutrum concesseris. Cum verò corpus rarefit, & diffunditur in circumvicinum spatium, nullæ profectò illi de nouo acquiruntur particule, & acquiruntur tamen eius spatia: Igitur cum sint plures spatij, quàm corporis particule, nonne fatearis necesse est quosdam ex ijs esse inaneis? Nec dicas parteis corporis circum-

vicini subingredi. Nam, vt præteream dici non posse quid in æolipilam incalescentem subingrediatur, esto aër ipse liber, qui rareseat: quæso quid possit aliud, quàm aër in eius locum subingredi? Si tantundem verò subingreditur, quantum rarescendo diffatur, nonne eadem semper erit densitas, & nulla prorsus fiet rarefactio? Deinde, dum corpus, vt aër, rarescens abigit parteis circumvicinas, quæso quónam se hæ recipiunt? An in loca iam occupata, an in prorsus inania? Hoc non concedes; at si loca sunt occupata corporibus, cedant hæc illis necesse est, cùm plura simul exsistere, penetrareve sese non possint. Hæc ergo pulsa in alia loca, aut illa plena offendent, aut vacua: & cùm dicturus hoc non sis, vides, cùm illud admiseris, fore processum nisi infinitum, saltem quousque peruenieris ad extimam vsque mundi superficiem, vltra quam spatia inania sint. Heinc ergo satius semper est visum spatiola vacua imaginari, in quæ partes corporum fluxiles receptæ initium, progressum, & finem omnibus motionibus faciant. Nam, vt hoc quoque adijciam, Si mundus yniversus ita foret plenus, vt nihil prorsus inane foret, nihil planè posset intra eum moueri, cùm nulla omnino pars posset alteri locum cedere, tanquam non habens aliam cedentem, in cuius locum abire posset; vnde mundus totus, quasi cautes quædam rigiditatem tueretur.

XXII. Vt de Diaphano aliquid iam dicam; id videtur tum raritate, tum certo partium situ constare. Nam quòd aër quidem Solis radiis facilem præbeat transitum, partium raritas causa est; quòd autem aqua,

vel vitrum faciliorem præbeat, quàm papyrus, facere
situs partium videtur. Id. vt declaretur, concipien-
dum est nihil esse veriùs pronunciatum, quàm simi-
lia naturæ lege aggregari similibus; quacùmque tan-
dem vi id fiat, quam disquirere non est huius loci.
Videmus certè non omnia in omnibus prouenire ter-
ris, & parteis omneis eiusdem terræ non perinde alli-
ci à plantarum radicibus, vt neque cibi à nobis sum-
pti particulæ quælibet ad quælibet particulas corpo-
ris nutriendas accedunt. Quin-imò, si verum sit se-
men ex omnibus generantis partibus esse deciduum,
existimaui semper non alia ratione prima foetus sta-
mina texi, conformationemve primam fieri, quàm
quòd partes homogeneæ ad homogeneas, omnesque
pro situ, quem in generante obtinebant, aggregentur.
Neque id est verisimile modò in animalibus, & plan-
is; sed in rebus etiam inanimis, quæ videntur ipsæ
quoque non-nisi ex certis prouenire seminibus. Pos-
sunt alia esse exempla; sed dissoluito solum aquâ
lumen, & commune Sal; & vbi aquam solis calore
exhalari permiseris, deprehendes corpuscula, quæ
per aquam variè commista, confusaque fuerant, ita
esse discernere, vt aluminosa coëant in grandiora quæ-
dam octahedra, & falsa similiter in quadrata, seu mi-
nores cubos latitudinis altitudine majoris. Scilicet isti,
liquæ sales suæ quisque figuræ sunt, obseruanturq;
majores moles ita ex minoribus contexti, vt quadrata
alis communis grandiora ex partibus constent, quæ ip-
sæ quoq; quadratæ sint, & istæ rursùs ex aliis quadratis,
donec verisimile fiat atomos, ex quibus sal primùm
contextitur, esse quadratas, compositasve ex quatuor

triangulis isoscelibus. Et, si res tibi videatur mira, experire sal in magno lebate dissolutum abire, aquâ euaporatâ, in quadrata majuscula; dissolutum in minore, abire in minutiora: & ita consequenter, donec si gutta aquæ falsæ supra vitrum effluerit, sis observaturus, humore exhalato, vestigium guttæ albicans, quod microscopio adhibito agnoscas nihil esse aliud, quàm quadratulorum minutissimorum numerosissimam congeriem. Videntur proinde corpuscula prima, ex quibus aqua componitur, eum inter se fitum appetere, ut cum aliunde pro sua figura sese leuissimè contingant, & spatiola varia inania circumquaque intercipient, variæ illorum series in omnem partem disponantur (eo modo, quo arbores solent in quincuncem dispositæ) atque idcirco intercipientur quoquoeversum viæ inanes, per quas patere transitus minoribus corpusculis possit. Idem censendum de vitro, aliisque huiusmodi, quæ eius haud dubiè contexturæ sunt, ut corpusculis ex ordine positæ spatiola quoque intercipientur sic posita ex ordine, ut in omnem undique partem itinerula inania creentur. Secus autem fit in papyro, aliisque rebus similibus, quæ laxiora vitro videntur. In ijs enim partes non sunt sic ex ordine positæ, ut spatiola quoque intercepta spatiolis occurrant; sed primis statim porulis occurrant ponè non poruli, sed corpuscula obturantia: & nisi primis, aut secundis, saltem tertiis, aut aliis; sicque eorum series prolixa sit nulla. Non fanè quòd in aqua, vitro, cæterisque diaphanis non præcludantur semper viæ aliquæ; sed quòd nisi in profunditate admodum prolixa

non videatur res posse obseruari. Non etiam quòd præter rectos tramites, deflexi, tortuosique non sint; sed quòd ad præsens negotium, illis duntaxat indigeamus. Cæterùm enim excalefactio, euaporatio, fusio, incandescencia; alijque similes effectus, nisi ex occursionibus intra illos mæandrulos, intelligi posse non videntur. Vis-ne porrò etiam argumentum huiusmodi mæandrulorum semitas rectas non impediendum? Considera aquam marinam, per quam totam diffusum sal nihil obstat limpiditati. Quin-etiam aqua fontis Morienſis, in nostratibus montibus, nihilo minus limpida est: tametsi illam compererim duodecies marinâ falsiorem. Quo loco, si quæram, quomobrem aqua denum sic saturetur, vt sale ad certam mensuram soluto, in seque recepto, non amplius ex illo nec soluat, nec recipiat? id quonam aliò refertur, quàm ad inania spatiola, quæ oppleta cum fuerint, nihil tale amplius recipi possit? Ego sanè olim sic ratiocinabar: & cum animaduertissem alumen quoque, & saccharum, & halinitrum, & ammoniacum, & alios sales ad certam vsque mensuram solui, & intra aquam recipi: meditabar, ac inferebam, si hæc euenirent propter inania spatiola, debere igitur esse intra aquam loculamenta non cubica modò pro sale, sed octahedrica etiam pro alumine, & pro cæteris aliter configuratis alia; adeò vt cum Sal non oppleret nisi cubica, deberet aqua, satura salis, dissoluere adhuc alumen; & satura aluminis, dissoluere adhuc saccharum, & consequenter alia, ac alia. Itaque fœlici successu rem sic se habere experiundo comperi, simul-

que intellexi quamobrem ex fena, rhabarbaro, alijsque id genus rebus aqua exsoluat, & combibat, seu, vt vulgo dicunt, tincturam accipiat ad certam duntaxat mensuram. Verùm hæc solùm dicta sunt, vt intelligamus stupendam naturæ subtilitatem in texendis corporibus, neque facilè inficiemur inanum illorum spatiorum interceptionem. Dico proinde, cùm tu videaris corpus Diaphanum sic concipere, vt nihil omninò transitum radiorum solarium impediat; mihi aliunde sic concipi, vt transitum quidem radiis præbeat, quacùmque occurrerint viæ, itinerulave inania; sed prohibeat tamen, ac reuerberet, vbi cùmque occurrerint corpuscula, ex quibus est ipsius diaphani textura. Ac ne probationes studiosè conquiram, accipe quæso vitrum planum, quantum volles tenuë, ac purum, illudque Soli exponito; deprehendes quidem complureis per illud radios trajici: at complureis etiam videbis reflecti in parietem, aliudve citrà positum corpus. Non omnibus ergo patet transitus: argumentoque prætereà est, quòd si charta purà trajectos radios exceperis, obseruaturus sis vitri umbram, tenuem licet, atque dilutam, vti si eidem chartæ obtenderes tenuissimam telam. Nempe, vt intercepta filis foraminula transitum permittunt, & fila ipsa prohibent; sic in vitro fieri concipiendum est, subtilitate foraminulorum, corpusculorumque incomparabiliter majore. Idem dicendum est de aqua, quam cùm peruadant plurimi radij, plurimi tamen non peruadunt, sed reflecti obseruantur ex ipsius superficie; ali haud-dubiè, qui non in poros, inaniave spatiola,

sed in corpuscula aquæ incidunt, solida, & vacui expertia. Ex quo fit, vt aqua etiam vmbram creet, vt non modò pluvix guttæ Sole aduerso decedentes indicant; sed oppositum quoque Soli vitreum, formæque quadratæ vas, quod fuerit aquæ semiplenum. Id enim vmbram obscuriorem, qua parte erit aqua, creabit, quàm residuâ. Accipio autem vitrum planum, & quadratum vas, ne propter formæ deuexitatem hallucinationem fieri suspicemur. Quanquam par est ratio in superficiebus convexis, atque concavis: siquidem per vitrum convexum traijciuntur radij, qui coëant, reflectuntur qui disgregentur; & per concavum ex opposito traijciuntur, qui disgregentur, reflectuntur, qui coëant.

XXIII. Quòd si requiras, vnde nam sint effectus illi mirabiles, coalitio nempe radiorum trajectorum per convexum, & reflexorum ex concauo, in radium perpendicularem; similiterque discessio trajectorum per concavum, & reflexorum ex conuexo, à radio perpendiculi: excusabis fanè, si rem balbutiendo declarare tentauero, tum ex mox dictis, tum ex iis, quæ antè de superficie cuiuslibet, etiam politissimæ, inæquabilitate sunt dicta. Imprimis ergo, cùm superficies etiam politissima concipienda sit quasi interstincta insensilibus porulis, granulisque alternatim interceptis; concipiendum etiam videtur quodvis granulum quasi quidam monticulus, qui & fastigiolum habeat, & latuscula circum-circa deflexa versus porulos, quasi vallicellas conceptos. Deinde, si planum quidem vitrum Soli obuersum fuerit cùm ex

vna superficie in aliam itinerula maxima ex parte recta, parallelaque fiat, efficitur, vt radij omnes incidentes in porulos recta, & paralleli pergant, neque ultra vitrum aut cœant, aut disgregentur. At si vitrum fuerit convexum, quia porulo vno directè Soli obuerso, alij aliorsùm aperti respiciunt, efficitur, vt radius quidem in eum incidens recta traiciatur; pergatque vterius; sed incidens alius non tam in alium porulum, quàm in latusculum vterioris monticuli; ibi refringatur, itinerulumque non priori parallelum, sed cùm illo coiturum, vteriusque ducturum ineat. Necessè est autem angulum huius refractionis tantò obtusorem esse, quantò propius radio directo, seu perpendiculari factus fuerit; tantò acutiorem, quantò remotius; quoniam ille radius incidit profundius in occurrentem porulum, feritque inferius latusculum oppositum, vt minùs obstante protuberatione citerioris monticuli; heic verò radius incidit, latusculumque ferit altius, & deuius, vt obstante magis citerioris monticuli protuberatione. Quòd si vitrum concauum fuerit, quia etiam vno porulo directè aperto, alij aliorsùm ab eo diriguntur: efficitur, vt radius incidens in ipsum recta traiciatur, & pergat: alius verò non tam recta in porulum alium, quàm in citerioris monticuli latusculum incidens, ibi refringatur, & itinerulum teneat non priori parallelum, sed ab illo magis, magisque abductum. Est autem necessè angulum quoque huius refractionis esse tantò obtusorem, quantò radius fuerit perpendiculari propior, quòd & intimius porulum ineat, & citerius latusculum

infernè magis feriat , vt minus obstante vltiore monticulo ; tantò acutiorem , quantò remotior , quòd altiùs ineat , & deuexiùs feriat , ob maiorem monticuli vltioris obfistentiam . Atque ita quidem de radiis vitrum pertranfeuntibus . De reflexis verò ; fi vitrum quidem planum obuersum Soli fuerit , quia monticulorum fastigiola omnia sunt Soli directè obuersa , fit vt omnes radij in ea incidentes in Solem ipsum reflectantur , nisi per easdem lineas , saltem per attriguas . At si vitrum convexum fuerit , quia vno fastigiolo directè obuerso , cætera aliò diuertuntur ; fit vt radio vno directè , seu perpendiculariter reflexo , cæteri aliorum flectantur , & angulo quidem tantò acutiore , quantò fastigiola propiora directò illi fuerint , tantò obtusiore , quantò remotiora . Sin verò fuerit concauum : quia vno similiter fastigiolo directè obuerso , cætera aliò conuertuntur , fit vt radio quoque ex illo directè reflexo , cæteri ex aliis versus eum flectantur , coëantque , & angulo quidem tantò semper acutiore , quantò propiùs , tantò obtusiore , quantò remotiùs reflexi coaluerint . Dicenda hæc pluribus forent ; sed intelligenti sufficient ; cùm aliunde causam contineant eius varietatis , quæ tam in refractionibus , dioptrisque , seu perspicillis contingit ; quàm in reflexionibus , catoptrisque , seu speculis . Nempe quia eodem modo se habent tam lucis , quàm imaginum radij , fit vt homini perspicillo plano vtenti res eadem , seu æqualis sibi nudo oculo spectatæ appareat , ob extremorum angulum eundem ; vtenti convexo maior , ob amplificatum : vtenti concauo minor , ob diminu-

tum. Similiterque, vt rem spectanti in speculo plano imago illi æqualis appareat, ob paritatem anguli; spectanti in conuexo minor, ob decrementum; & in concauo maior, ob augmentum. Quippe exinde est æqualis, aut maior, minorve pictura in oculi fundo. Ita si re quapiam exteriùs, & in luce posita, imaginem eius intra ædificium foraminulo exceperis; fiet, vt vitro conuexo interposito, visurus sis ponè positus rem maiorem; & purâ tamen chartâ vbi faciem priùs habueris, constitutâ, visurus sis in ea minorem; cuius oppositum continget, concauo vitro interposito. Id videlicet, quia vitrum convexum cogens radios in oculum (vnde est *φάσις* seu apparentia maior, ratione ante exposita) cogitetiam eosdem in chartam: vnde non potest in ea imago non contracta pingi, ac videri. Concauum autem disgregans ab oculo radios (vnde ex paucis superstitibus est in eo *φάσις*, seu adparentia minor) diffundit illos per totam chartam; ex quo necesse est in ea imaginem pingi, viderique amplificatam. An heic adiiciam, quòd paulò antè, cùm de foetus formatione mihi in mentem occurrerat? Nimirùm, cùm imaginem hominis prægrandis perpusillam intueor, aut præter perspicillum concauum, aut in superficie speculi conuexi, aut in charta exposita; videor mihi quasi videre specimen illius industriæ, qua Natura in tam parua mole exprimit totum corpus humanum. Vt enim radij pauculi ex omnibus superficiei partibus superstites eo ordine coëunt, vt imago adhuc persimilis corpori pingatur: sic particulæ seminis ex omnibus partibus generantis deciduæ eo

situ coalescunt, ut ex iis foetus persimilis generanti elaboretur. Sed digressio hæc nimia est.

XXIV. Redeo ergo, ut inferam, tametsi concesserimus corpuscula omnia vaporis per aërem fusi esse aquea, & diaphana; nihilominus ea non fore pervia secundum se tota radiis omnibus; sed cum facilem trajectionem aliquibus radiis per inaneis porulos, itineraque præbuerint, obstaculo futura aliis corpulentia particularum propriae texturæ interceptarum. Neque obstat sanè, quod affers exemplum *de phiala vitri purissimi continente limpidam aquam, quæ opposita Soli, vel ardenti faculae, lumen, & radios à lucido corpore suscipiens eos illustreis extra se retrò spargit in aëris diaphani partem ulteriorem.* Etenim, si videres quidem eos illustreis radios charta, aliave re exceptos tantæ diffusio- nis, seu amplitudinis esse, quantus est phialæ circus- us, fatendum esset diaphanum non modò non impe- lire, sed iuvare etiam radiorum per se trajectionem. At quia illi contrahuntur ad tantam angustiam, ut vel in punctum coeant, vel certè in spatium lenticula- rinus, tametsi phialæ diameter semipedalis exstiterit: gnosces sanè illustreis fieri non ob simplicem traje- ctionem per diaphanum corpus, sed ob coalitionem liorum cum aliis, facto intereà spatio, quod iis cir- cum destituitur, umbrosiore. Scilicet ex radiis inci- dentibus in phialæ partem Soli obuersam alij refle- ctuntur, ut est antè dictum; alij verò pertranseunt quidem, sed non recto itinere; refringuntur enim propter phialæ convexitatem interiùs; unde & coire apprehenduntur paucis digitis ultra phialam; quo loco

non candescunt modò, sed flammula etiam purissima sunt: non modò quippe adurunt manum, sed inflammant etiam pannum, papyrus, lignum, & alia. Et vis experiri quid exinde fiat? Radios vltteriùs excipe, & minùs minùsque illustreis obseruabis fieri. Non sanè quòd semper non transierint per diaphanum; sed quòd facta coitione, aut decussatione, iterùm spargantur, paulatimque tam rari fiant, quàm fuerint in phialam ingressi. Idem est proinde dicendum de speculo crystallino, quod *vrages admissos in se Solis radios emittere post se tam viuidos, ut amburant non rarò tomenta, in quæ feruntur.* Quippe & illud convexum est; & non omneis radios admittit; & quos admittit, refungit, ponè coituros; & ambultio non-nisi circa decussationem fit; & radij post decussationem iterum disgregantur, fiuntque tandem non minùs rari, quàm in crystallum fuerint admissi. Et loco sanè speculi convexi usurpat o concavum, non-ne longissimè aberis, ut habiturus sis radios illustreis, atque amburenteis; cum ne sis quidem habiturus, si planum usurpaueris? Et tamen constat trajectionem semper fieri per diaphanum corpus. Idem dicendum ad id, quod subdis, *intuenteis Solem per crystallina perspicilla grauiùs affici ab intensiori lumine quàm nudis oculis discum, Solarem inspicienteis.* Quippe intensius illud lumen non à simplici trajectione per diaphanum corpus huiusmodi est, sed à trajectione refracta, & ad coalitionem tendente, ob perspicilli convexitatem. Ex quo fit, ut intuentes per plana, concavae perspicilla minùs grauitè afficiend sint ob lumen remissius à refractione vel nulla, vel ac

disgregationem tendente. Idem ad id, quod subijcis, *lumen Solis illustre, viuidumque recipi in oculum, & char-
tam, ad ea corpora transiens per crystallinas dioptræ lami-
nas, observatu quoque Cl. Galilei.* Neque enim puto Cl. Galileum alias dioptræ laminas intellexisse, quàm con-
vexas; cùm alioquin lumen per planas, concavasque
transiens, euadat illustre, ac viuidum minùs. Idem po-
stremò ad id, quod ais ex Seneca, *omnia per aquam vi-
dentibus longè esse majora; literas quoque minutas, & ob-
scuras per vitream pilam aqua plenam majores clarioresque
cerni.* Nam quæ sub aqua quidem videntur, majora
cernuntur, quatenus refractione elata apparent, ma-
joresque suis extremis angulos in oculo creant; at ap-
parent etiam simul obscuriora, quòd densitate aquæ,
eu corpusculorum eius resistentiâ, multi earum radij
 præpediantur, auertanturque ab oculo. Quod ad vi-
tream pilam aqua plenam spectat, si literas conspex-
is vltra, majores quidem intuebere, videlicet ob re-
fractionem, & coalitionem specierum; at non profe-
ctò etiam clariores, propter papyrum non idcirco plu-
ribus radiis illustratam. Sin autem citrà, clariores qui-
dem, propter claritatem quæsitam papyro: at non ma-
jores, ob refractionem, coalitionemque specierum nul-
lam.

XXV. Quod pergis porrò, *hæc tollere positionem
leccernentem vapores matutinos, ac vespertinos aërem plus-
quam nimium incrassanteis, & addensanteis, impedire peni-
tùs, & omninò transitum radiorum Solis ad ultiores
radij parteis, ipsosque reuibrare totos ad lucidum corpus, à
quo profluxerant:* Non fuit quidem illa mea positio pla-

nè huiusmodi, quandò potiùs supposui non omneis radios reuibrari, sed aliquos semper superstites esse, qui Solem faciant conspicuum; cùm quæstio nempe fuerit, non de Sole penitus sublato ex oculis, sed de Sole clariùs, & obscuriùs viso; vnde & mea hæc verba fuerunt, *Vaporem nihil esse aliud, quàm texturam quandam corpusculorum minutissimorum, quæ singula singulos radios reuibrare, diuerteréque à traiectione valeant.* Ex quo efficitur, vt si vapor tenuis, & pauca fuerint corpuscula, pauci radij præpediantur, & Sol nihilominùs lucidissimus adhuc relinquatur. Sin vapor crassus fuerit, & corpora multa, confertàque sic disposita, vt qui radij præcedentia euaserint, in subsequencia incurrant, pauci tandem radij superstites sint, & Sol hebetatus non multùm resplendeat. Verùm vtcùmque sic positum, suppositumve non fuerit; non inficior tamen quin poni, supponive potuerit: cùm possint præterea tam multa corpuscula interijci, vt nullis tandem radiis superstitis, Sol omninò non conspiciatur. Velim duntaxat verba illa, *corpuscula singula singulos radios reuibrare*, explicari consequenter ad ea, quæ præcedunt, *Ex disco Solari tot sensibilibus reuibrari radios, seu in oculum, seu in pinnacidium, quod sunt in eo sensibilia, & seu versus oculum, seu versus pinnacidium respectantia puncta.* Siquidem vt vnus sensibilis radius ex innumeris penè aliis subtilioribus, & quasi radiusculis, qui infra sensum, contextitur; ita intelligendum est corpusculum vaporis sensu minimum ex innumeris aliis minutioribus, & vt ita dicam corpuscululis, quæ sint infra sensum, contexi. Ex quo fiet, vt quemadmodum totus radius reuibrari potest à toto

corpusculo: ita radiusculi reuibrari possint à singulis corpuscululis: & vt corpuscula possunt non sic esse conferta, quin singulis reuibrantibus radios, reliquantur itinera aliis radiis peruia: ita possint corpusculula non sic esse pressa, textaque, quin singulis radiusculos reuibrantibus, intercipientur aliqua inania itinerula, per quæ radiusculi alii traiciantur. Ac talia quidem esse dixi corpuscula aquea, & diaphana, ex quibus proinde contexti vapores non permittent radiis traiectionem sic liberam, quin factis confertissimis, & aliis per sua corpusculula radiusculos reuibrantibus, antecedentia præterlapsos, Sol euadat tandem nisi inconspicuus, saltem admodum hebetatus. Heinc dum ais, *puros vapores aqueos corpus aëris quantumvis incrassenteis, & addensanteis, liberum semper ad ulteriora transitum lumini, radiisque permittere per suam corpulentiam*: vide, amabò, præter iam dicta, quomodò id possit cum nimbo, copiosave pluvia constare? Cùm enim aër (quidquid istandem vel sit, vel non sit) tam incrassari nequeat purioribus vaporibus, quàm sunt pluviales guttulæ: obseruamus tamen aërem per vnum, duo, tria, plurave milliaria ab iis occupatum eam opacitatem induere, vt quæ ultra pluviam constituta fuerint, planè non videantur. Cogita etiam quam ob causam specula vstoria, & vitrea pila aqua plena, de qua est paulò antè dictum, non perinde idonea sint, quæ tomenta manè, vesperèque accendant, ac in ipso meridie; & cùm profitearis matutinos, vespertinosque vapores esse puros, & aqueos, agnosces oportere illos nihilominus non permittere lumini, radiisque Solis liberum prorsus tran-

fitum, per suam corpulentiam: idque, cum radij non tam conferti manent, vesperéque, quam in meridie incidant; incidant verò tantò minùs, quantò vapores magis incrassauerint, addensauerintque intermedium aëris corpus.

XXVI. Nihil dico ad ea, quæ attingis de Solaribus Maculis, quas cum Cl. Galileus naturam nubium habere dixit, non intellexit sanè concretas exterrenis halitibus, qui vix ad vnius, alteriusve miliaris altitudinem adtolluntur: sed ex Solaribus potiùs, qui ex globo Solis perinde eructentur, & concernantur, ac nostrates solent ex globo Telluris. Cum res porrò τοῖς φαινομένοις consonantissima sit, nihilque meo iudicio afferri probabilius possit: præter rem tamen excurreremus, si quoquo modo adniteremur fidem sententiæ conciliare. Quare dico solùm, Cleomedem nihil tale videri somniasse, quales Maculæ istæ sunt: cum omnia, quæ enumerat, totam Solis occupent faciem, & sint affectiones, quas densi vapores in nostro hoc aëre existentes Soli affingunt: Maculæ verò, de quibus heic sermo, sint solùm quidam quasi nœui, siue punctula, quæ per-exiguas particulas disci Solaris intercipient. Heinc est, cur vulgò detegi sine telescopio non possint: per-rarumque est, vt tantulæ sint, quæ sine telescopio detegi, & spectari possint. Taceo autem, cum id contingit, respectari Solem debere in decliui situ, ac non procùl ab horizonte: vt eius splendor hebetetur, oculusque à vaporibus intervmbrefactus tolerare possit: aliàs enim id euenit, quod Cleomedes ait, *fieri non posse, vt cum aër purus, & sine ullo obijce fuerit, contra*

Solem obtueamur. Quare & non-nisi casu contigit, ut respectantes aliqui Solem Caroli magni temporibus, ac vergente quidem ad occasum Sole, Maculam illam animaduernerint, quam tu quoque dicis eclipsasse Solem. Et quantulam quidem eclipsin illi potuerint existimare, vel ex eo intelligitur, quod non maiorem habuerint stellæ Mercurii corpusculo: quippe cum Mercurium esse autumârint. Hallucinatos autem fuisse, cum maculam esse Mercurium censuerunt, tum argumentum à tempore, & quod tu quoque à conditione motus recensens, palàm testantur: tum comprobare ipse possum argumento alio ab exilirate corporis deducto. Id mereri sanè non potui, ut exemplum eius libelli, quo obseruationem hac de re factam exposui, ad te usque peruenerit, uti neque ullus commentariorum, qui in illam ab aliquot claris viris editi sunt, at non propterea necesse est, ut res tota heic explicetur. Nosse sufficit, Mercurium, cuius diametrum vulgò habent minutorum duorum, vel trium, quémque proinde speraueram occupaturum duo, vel tria in disco Solari minuta, ut posset nimirum absque telescopio, & quasi macula ex illis grandiusculis esse conspicuus; tantillum tamen apparuisse, ut per tubum quidem vix; ponè autem, seu citra telescopium, ac in circulo chartæ puræ, radios Solareis excipiente, sese non exhibuerit viginti secundis, seu triente minuti majorem. Id nempe dum mihi ut primo, ita fortassis hætenus soli id spectaculum exhibitum fuit Parisiis, anno M. DC. XXXI. die Nouembris VII. ac matutino tempore, cuius hora X. ac minuto XXVIII.

Mercurius denique excessit ab occiduo margine Solis (fuit nempe retrogradus) distans iam versus boream ab Ecliptica minutis VI. secundis XX. Quod quidem heic adtexere operæ-pretium existimaui, tanquam vel tibi, vel amicis, qui harum rerum fuerint studiosi, exstiturum non injucundum. Virgere heic possem, quòd tutiùs, & cùm minore oculorum nocumento respectare liceat in Solem, dum non longè ab horizonte, quàm dum fursùm elatus est, argumento esse vapores supra horizontem effusos (quantumcùmque eos puros, aqueos, diaphanosque statueris) obstare, ne tot radij (atque adeò ne tam viuidi) prætervehantur, & oculos feriant, ac si spatia forent ab iis libera : sed ad tædium vsque res est inculcata.

XXVII. Sequitur causa Tertia, quam ipse & statuis, & probas. Afferis nempe, *Propriam opaci cuiusque corporis umbram eius esse latitudinis per se, qua spectatur, dum Sol est horiZonti proximus ; verùm per accidens imminuì, decrescereque, dum Sol excelsior procùl abest à finitore ; Quia lumen Solis alti vegetum, viuidis, & multis radijs innixum repercutitur ab aere contermino, & reflectitur in proximum locum umbræ ; qui radij viuidiores corrodescentes, & absumentes umbræ limbum, & oras lateraleis extremas, introductione noui luminis repercussi diminuunt umbram, arctiorem ipsam efficientes ; quod efficere non valent imbecilles, & pauci radij manantes ab oriente, vel occidente Sole ; quia lumen adeò paruum, & languidum afferunt, vt id in umbram repercussum ab aere proximo destruere nequeat vllam umbræ plenæ particulam ; sed hæc eludens infirmi luminis circumfusi conatus omneis, integram suam sibi magni-*

magnitudinem seruat. Sanè verò est hoc abs te & solerter excogitatum, & dilucidè declaratum, & postmodùm etiam acutè probatum : neque ipse iero inficias, quin sit ad hanc causam quidpiam referendum, qui proposuerim Trabeculam cùm inferiore pinnacidio continendam esse intra ædificium quantum fieri potest obscurum, non aliam ob causam, quàm quòd, si lux vndique affulgeat, umbra confusius terminetur, & contractior iusto appareat. Enimverò videntur mihi aliqua esse adnotanda, quæ circa hanc tuam sententiam scrupulum residuum ostendant. Nam primùm, quod iustam, integramque umbræ magnitudinem eam facis, quæ ab opaco proiicitur, dum Sol est proximus horizonti, vereor ne parùm tutum sit; cùm talis magnitudo sit valdè incerta. Quippe cùm vapores inconstantes sint, & vigente alioquin serenitate modò densentur, modò rarecant, prout tempestas, auræque frigidior, tepidiorve extiterit; idcirco ipsa quoque umbra non vniusmodi visitur, sed nunc quidem breuior, nunc verò diffusior. Quin-etiam non videtur dicendum umbram esse usurpandam, dum Sol proximus horizonti est; quòd pro variis huiusmodi propinquitatis gradibus amplitudo umbræ varietur, inconstansque appareat. Quod si dicas Solem accipiendum esse in ipsissimo horizonte, accipiendus sanè erit horizon planè exquisitus, seu in quo nihil emineat : tunc autem Sol vt plurimùm adeò hebetatæ est lucis, vt illius umbra obseruabilis, determinabilisque non sit; & vt talis concedatur; accipienda propriè erit umbra, cùm dimidium disci So-

laris exortum fuerit, transuersaque diameter cūm horizonte coaluerit (nam postquā Sol emerſit totus, diameter illa diſtat iam eo interuallo ab horizonte, ex quo poſſit ſenſibilis vmbrae diſcrepantia creari), tunc autem vmbra, vt imperfecta, ita non poteſt non eſſe dubia. Itaque vereor, ne ſi vmbra, quæ manet, vespereve apparet, habenda pro regula ſit, ea dici Leſbia regula poſſit. Quare tutiùs longè videtur pro germana vmbrae latitudine illam uſurpare, quæ projicitur Sole adeò alto, vt vapores tam rari ſint, qui iam nullum induere ſenſibile diſcrimen poſſint. Huiusmodi eſt apud nos altitudo quindecim, aut viginti graduum, à qua ad uſque altitudinem graduum ſepuaginta, quantum Sol in meridie per æſtatem attollitur, nulla, quæ ſenſibilis ſit, vmbrae differentia notatur: Vnde & cūm minima Solis meridiani altitudo ſit nobis graduum viginti trium, tutiſſimum longè videtur, vmbrae meridianæ latitudinem pro integra, iuſta, germana habere. Hoc certè modò ſi lubeat aliquem uſum ex vmbrae amplitudine ducere, eſſe poterit conſtans regula, ad quam varietatem omnem expendamus. Et cūm ex vulgari effato ſummum in vnoquoque genere cæterorum menſura, ſeu regula ſit, locus dabitur tuæ illi eleganti metaphora de Sole infante, adulto, & decrepito; quia circa vmbrae extenſionem Sol in robore ſummo attendetur. Nihil autem adiſcio, vel repetito potiùs, de inſigni uſu circa definiendas luminarium diametros: cūm res ſit ſatis iam inſinüata.

XXVIII. Vereor deinde, ne quod ais, *imbecilleis*,

Solis humilis, & sublimis. Epist. II. 8,

& paucos radios mananteis ab oriente, vel occidente Sole, lumen adeò paruum, & languidum afferre, &c. Vereor, inquam, ne id confirmet, quod impugnasti hætenùs. Nam cur tam pauci, atque adeò tam imbecilles sunt radij, nisi quia à vaporibus, vaporumve corpusculis benè multi intercipiuntur, impediunturque, ne vnà pertranseant, superstitesque corroborent? Nonne enim idem est Sol, eademque radiorum eius copia, ad regionem vsque vaporum, tam manè, quàm meridiè? At, inquires, non pauciores quidem sunt radij directi manè, quàm meridiè: sed reflexi tamen, qui cùm illis misceantur, ipsorumque vim augeant, tam multi non sunt; quòd directi supra liberam horizontis planitiem prætereant, nec redeant; cùm sub meridiem in terram impacti non resilire, regredique non valeant. Videlicet ais aliquantò post, esse excelsi Solis lumen in ære viuidius, atque potentius, quia radij magis verticales, & perpendiculares in reflexione fermè directi multiplicantur: non autem uni, simplicesque præterfluunt, ut radij prouenientes ab humili Sole. Verumtamen agimus heic de matutinis, vespertinisque radiis, non qui supra horizontem liberè præterfluunt, sed qui intra ædificium excepti, eadem ratione penitùs, qua meridiani reflecti possint. Nam si in meridiè quidem impinguntur in pauimentum; manè impinguntur in parietem; quanquam opera etiam datur, ne reflexio, vlla seu ex pauimento, seu ex pariete, seu ex vlla alia re fiat; sed tantùm, (quod caueri non potest) à lateribus illustrati eiusdem pinnacidij, in quo vmbra superioris discernenda à luce est. Et quia tamen pinnacidia tam

manè, quàm meridie sunt directè Soli obuersa; nè cessariò efficitur, hanc quantulamcumque reflexionem vniufmodi esse tam manè, quàm meridie. Vnde & sequitur radios neque excelsò Sole multiplicari magis, neque humili magis vnos, simplicesque præterfluere. Subijcis aliam causam esse, *quia Solis elatioris lumen à minori portiore vaporosa sphaera globo terreno circumfusæ tangitur, proindeque minùs in ea refrangitur: cùm certum sit ex oppicis omne lumen refractione debilitari.* At primùm vides non omnem lucem refractione debilitari; quandò ea, quæ per phialam vitream aqua plenam refringitur, inualescit tantopere; sed ea solùm debilitatur, quæ vel à superficie concava refringitur, vel refracta à plana, obliquè spectatur. Deinde, cur putemus radios post refractionem debilibus esse, nisi quia sine occurrente corpore, à quo est refraction, plures radij copularentur, vnàque aduenirent, qui tamen digrediuntur, aliòque perueniunt? Certè & radij vehementes à refractione per pilam vitream, vehementiores adhuc essent, si quicùmque reflectuntur, transirent, vnàque refracti cùm illis coalescerent: & qui per vitrum concavum transeunt, manifestò sic disgregantur, vt rariores in idem punctum, quàm sine vitro incidant; & qui è vasis fundo præter aquam exeunt, tantò magis dissipati occurrunt, quantò obliquiùs spectantibus copiosior aqua intercipitur, quæ corpusculis occurrentibus nunc hos, nunc illos variè diuertat. Ex quo fit proinde, vt si Solis radij debiliores sint manè, quàm meridie propter refractionem maiorem; id aliunde esse non possit, quàm quia

obliquiùs aduenientes, longiore etiam itinere per vapores incedunt; vnde nec tam densi perueniunt, quòd ab occurrentibus vaporum corpusculis nunc hi, nunc illi diuertantur. Ad hæc, cùm optici loquantur de imagine illustrata rei, quæ in fundo vasis præter aquam conspicitur, & illa refractè non appareat, nisi obliquè cernentibus; perspicuum est ex antè dictis vniuscuiusque rei superficiem tantò secundum pauciores parteis ob inæqualitatem spectari, quantò spectatur obliquiùs. Quare & necesse est illius imaginem secundum lineam verticalem contractiorem apparere, ostentaréque pauciorum partium illustratarum pauciores radios; vt proinde mirum non sit, si etiam ex hoc capite non imago modò, sed lux etiam debilior appareat, quàm vbi oculo directà, irrefractàque exhibetur. Hæc porrò est ex parte causa, cur Sol proximus horizonti videatur esse ellipticus, aut quasi oui formam habere, strictior vt putà, quàm secundum lineam verticalem conspicitur; cùm id aliunde possit ex forma vaporosæ sphæræ induci. Sed vtcùmque sit, constat semper imaginem lucidam Solis magis temerari, cùm ex humili, quàm cùm ex alto aduenit, & per vapores prolixiores transit.

XXIX. Rursùs vereor, ne corpus illud, vnde lux repercutitur, quæ vmbra m arrodatur, circumcidatur, strictiorem reddatur, non sit aër conterminus; sed opacum potiùs vltra aërem constitutum. Non sanè quòd negem corpuscula per aërem fusa radios aliquos vt diuertere, ita versus vmbra reijcere posse; sed quòd res videatur infra sensum esse, neque in mensuram ob-

feruabilem cadere. Permissi certè sæpenumerò copiosos etiam radios præterfluere aërem pinnacidio conterminum ; sed ita tamen , vt nulla reflexio ex vlllo opaco in pinnacidium fieret : nunquam autem potui vel tantillam vmbraë restrictionem , alterationemve animadvertere ex eo præterfluxu. Quin aliunde , animi gratiâ , expertus sum exeuntes candelæ radios per opacæ laternæ foramen , & aliquantò procùl , fenestrà exceptos , trajectosque sic abscedere , vt nulla , neque ex lateribus fenestræ , neque ex vltiore opaco reflexione facta , nihil prorsùs lucis sensibilis intra obscurum ædificium , ex quo lux candelæ esset directâ , deriuaretur : Cæterùm videri nihil potuit in aëre contermino , proximóque radijs , qui directè traieciabantur. Quare & nihil mirum , si face aulam illustrante , homines procùl à te videas , non videas autem eadem face in aperto campo lucente : quia nempe illeic parietes , laquearia , cætera opaca reperiunt , & multiplicant lucem ; heic verò solus aër circumstat , qui præstare tale nihil possit. Ita degentem in meridie intra profundissimum puteum , parùm iuuat aër cùm tota sua luce supra ipsum os putei ; cùm & præter illum stellas videat , & circum se nihil videat , nisi si qui radij in latus impacti prope ipsum os putei , ad ipsum vsque post multiplicem reflexionem tandem perueniant. Ita per noctem nihil nos iuuat ille seu aër , seu æther , quicúmque est supra horizontem , præter eam regionem , quam vmbraë terrenæ conus occupat. : tametsi lux Solis , perinde ac interdium , illum perfundat ; cùm si ab illo aliqua lux reflectere-

tur ad oculos, obseruari posset aliquantò illustrior, ac non planè vniusmodi cùm occupato ab vmbra terrena. Ex quo efficitur, vt si noctu supersit nobis aliqua lux, illa non ad aërem, ætheremve, sed ad stellarum igniculos videatur esse referenda. Et meminiquidem, quòd est antè dictum de crepusculi creatione ex reflexione ab aëre, vaporumve corpusculis, quæ sunt per aërem dispersa; at memini etiam nos heic loqui non de ingenti aliqua intercapedine aëris, per quam dispersa corpuscula in easdem quasi lineas colliguntur, coaceruatæque apparent; sed de tantillo spatio, in quo corpuscula vt paucula sunt, ita sensibilem aggeriem creare non possunt. Inde est nimis, cur aër non heic, quemadmodum illeic flarescere valeat, ac lucem sensibilem transfundere. Nihil proinde obstant citatæ ex Aquilonio definitiones; tum quia ille non tam dixit lucem reflecti, aut re-percuti, quàm deriuari ex aëre in aërem, locumve obsecurum: tum quia negare non potest id, quod ex aëre re-percutitur, vix alicuius esse momenti, respectu illius, quod ex opacis vltra aerem constitutis adest; tum quia illi perinde est, sufficeréque omninò debet, quòd lumen secundum admittatur debilius primo ob minorem lucis participationem, siue illa ab aëre, siue ab opaco reflecti dicatur. Quod lumen porrò secundum sit debilius primo, & tertium secundo, & quartum tertio, & consequenter, donec tandem euadat nulla: id profectò non ex reflexionum debilitate oritur, cùm omnis lucis reflexio supra omnem captum celerissima sit; sed ex minore copia, seu raritate refle-

xionum. Nam si omnes radij directè impacti in parietem, reflecterentur in alium, hic secundus paries tam esset illustris, ac primus, & lumen vocatum secundum non esset primo debilius: verùm cùm paries ille primus inæquabilissimæ sit superficiei, vt ex supradictis intelligitur; sit vt pars quidem radiorum in eum projectorum reperiatur in secundum; sed & plurimi tamen fursùm, deorsùm, obliquè, iuxta varias inæqualitatum facieculas reuerberentur: adeò vt, cùm illi in parietem secundum non perueniant, necesse sit lumen in illo minùs illustre apparere. Eadem ratione si secundus lumen reperiatur in tertium, pauciores sanè radios in illum transmittet, quàm à primo acceperit; similiterque si tertius in quartum, & quartus in quintum, & ita porrò, quovsq; sit opus: cùm & loco parietum fingere liceat, vel profundum puteum, vel longum antrum, cuius latera reflexionibus obliquis propagent radios interiùs, & repetitionibus quidem tot, ac tantis, vt aliquibus semper radiis extrorsùm reflexis, rarissimi denique, vel nulli supersint, qui reflecti intimiùs possint. Vnum addo; præclarè mihi videri Aristotelem pronunciaffe lumen semper reperi, seu in continuo motu esse. Nam quantumcùmque videantur omnia in aere, ac intra ædificium tranquilla esse; ratio nihilominùs arguit lumen per aërem diffusum nihil esse aliud, quàm tenuissimam contexturam innumerorum radiusculorum, qui vndeque, quacùmque, & quoquo versum incessabiliter ferantur; quantum quidem lucidum non destitit radios mittere, qui subingressi reflectantur, vt superius

tius quoque indicatum est. Et concipimus quidem lucem toto aëre ita continentem, unitamve, ut aquam: sed tamen ut araneæ tela vnitissimum quid apparet, quæ ex filis distinctis, varièque intricatis constat; ita intelligendum est lucem non vnum quid simplicissimum, sed compositissimum potius esse; & apparere tamen vniusmodi, quòd oculus discernere radios singulos, & quasi filamenta variè implicita non possit; tametsi fila quasi subtracta intelligere liceat, cum ex radiorum subductione lucem debilitari, tenuari, & secundam, tertiam, aut aliam euadere concipimus.

XXX. Comparas postea lucem cum sono, & reflexam quidem cum Echo, sequutus Aristotelem, qui censet Echo semper fieri, seu sonum reflecti ubique, etiam in medio aëre, eo modo, quo lumen quoque ubique repercutitur, aliàs non ubique futurum. Ac præclara sanè comparatio; sed vereor quoque ne videatur id, quod euertis adstruere. Nam primum quidem cum lucem esse rem corpoream statuerimus: Sonum profectò non minore, sed potiore iure corporeum dicemus. Quippe & ipsi id conuenit, ut exsiliat, procedat, impingatur, impediatur, repercutiatur, dissipetur, coalescat, cæteraque huiusmodi, quæ corporibus accidunt; & aliunde hæc omnia præstantur ab ipso tantò segnius, quantò crassius est, & impeditius corpus. Lux nempe est longè aëre tenuior; at sonus videtur nihil esse aliud, quàm aër extritus, formatusque in paruas moleis, corpusculave innumera consimiliter figurata, organique auditus consimiliter percellendi capacia, quæ à pulsatis corporibus magno

cùm imperu exsiliant, & partim quidem rectà procedant, sed partim quoque in orbem fundantur, quòd quadam cùm euolutione longè, latèque dissiliant. Quòd enim pressa sese subducant, sibi que mutuò occurrant, sit vt diuersimodè conuoluantur, atque adeò cùm magna pars quà datur exitus, prosiliant; pars etiam quædam sursùm, deorsùm, ad latera, & retrorsùm quasi flectantur: ac omnia quidem longè pigriùs, quàm lucis corpuscula, quæ similis nulla conuolutio remouatur. Quòd crassiora verò sint, ea de causa impinguntur quidem vehementiore cùm effectu, cum magnas ædium moleis commoueant; sed impediuntur etiam faciliùs, vnde & vento prohibentur, & ne vitrum quidem pertranseunt: cùmque reperiuntur tardiùs, distrahuntur etiam operosiùs, & coeunt ægriùs, & conquiescunt propiùs, & ita de cæteris, quæ prosequi est intempestiuum. Deinde, cum non sit negandum Echo aliquam, seu repercussionem soni fieri, quacùmque eius corpuscula nisi sibi, aliis saltem aëris corpusculis occurrerint: non videtur tamen propterea creari vlla eiusmodi, quæ dici sensibilis, aut obseruabilis possit. Vtcùmque enim aër crassus non tam facilem, ac illimis, præbere sono transitum valeat: longè tamen abest, vt ideò reflexum, vel obscurissimè, discernamus. Quin etiam licet vociferere intra nebulam, caliginemve circumfusam in aperta planitie; non idcirco tamen sensibiliùs reboare aërem, quàm dum est sudus, deprehendes. Et quamuis deprehenderes; id fieret tamen immensa quadam interuallorum vastitate; cùm vt comparatio appositā sit, vsurpari

Spacium perexiguum debeat, ex quo contermino fiat Echo, non minùs sensibilibiter silentium imminuens, quàm lux illa ex aëre contermino reflexa, umbram. Quare quæcumque sensibilis soni percussio, aut multiplicatio est, ea planè videtur fieri non ab aëre, sed à constitutis ultra ipsum densioribus corporibus, siue ea sint rupes, siue ædificia, siue fornices, siue vasa concava, siue alia, eadem proportione, qua dictum de luce. An heic Paradoxum de Sono attexere liceat illi simile, quod superiùs attigimus de imagine, ac revisa? Existimo quippe nullum eundem sonum à pluribus simul posse percipi: atque idcirco Oratore pro suggestu concionante, eandem eius vocem ne à duobus quidem auditoribus, vel, quod est amplius, etiam vnus utrâque aure exaudiri. Sed nempe concipiendum est, aërem exspiratum, & in ore loquentis elisum in tot discerni, formarique ab organis vocis consimileis moleculas, vt toto circum spatio diffundi, sensumque auditus vbivis in eo positum afficere possint. Id si improbes, consideres velim notam fullonum exsufflationem. Si enim aqua ore elisa effundi potest in speciem nubis, minutasve guttulas, seu aqueas moleculas innumeras consimiliter figuratas: quid-ni possit aër in innumerabiliter plureis, ipse præsertim tenuior, & figurabilior, quàm aqua? Ergo, vt dici quidem potest vna aqua esse diffusa; sed non eadem tamen guttulæ sunt, quæ hùc, illucque diffunduntur, & has, illasve panni parteis contingunt, atque madefaciunt; ita aër ore extritus dici quidem potest vnus, seu vna generalis vox: sed non sunt tamen eadem illius particulæ, seu moleculæ, vel

particulares voces , quæ hûc , illûcque transferuntur , diuersasque aureis attingunt , & afficiunt. Id notabile , vt guttulæ aquæ , quò sunt confertiores , eò possunt faciliùs , & vberiùs , propter cõtionem madefacere : ita vuculas singulareis , quò condensiores fuerint , eò plureis ingredi in aurem , & plenius , atque perfectius propriæ configurationis ratione afficere sensum. Ex quo fit , vt vox prope Oratorem percipiatur vehementius , & distinctius , procùl debiliùs , & confusiùs ; donec , si pergatur ulterius , nihil audiri valeat , quòd vuculis , aut raris , aut nullis , sensus percellatur. Possent ista copiosius ex dictis de imagine , deque re visa explicari ; sed comparatio facilis est ; adnotareque sufficit , si deridiculum videatur non audiri vocem à pluribus eandem , seruari posse loquendi modum : & cùm tamen non res ex verbis , sed verba ex rebus metiri oporteat , phrasin sic esse interpretandam , vt cùm vox *eadem* dicitur , *similis* solùm intelligatur. Ita scilicet cùm plures dicuntur ex eadem aqua bibere , non inteliguntur plusquàm simileis vnus alicuius fontis , fluuij , puteive ducere haustus. Et certè , seu vocem admiseris corpus , seu accidens malueris , quomodò valeas dicere vnam aliquam singularem vocem esse simul in pluribus seu locis , seu subjectis posse ? Sed prætermittenda hæc sunt.

XXXI. Attingis deinde , vel potius prosequeris difficultatem de luce illa debiliore , quam , præter cornua argentea , obseruare licet in Luna , tam à coniunctione , recente , quàm in conjunctionem propendente , & dum Eclipsin patitur. Contendis nempe illam esse ex repercussione à proximo æthere facta ; & in parteis trahis etiam

Galileum, qui tamen nescio an quidpiam tale sibi in mentem induxerit. Quippe admisit ille quidem circa globum Lunæ, aërem, seu sphæram vaporum huic nostræ terrenæ non absimilem: sed non tamen ætherem dixit, cuiusmodi sunt reliqua inter globos effusa spatia. Quare & concedens radios in aëre illo reflecti, creareque speciem auroræ, vnde nobis Lunæ ambitus succrescat, quantum illa sphæra vaporum grandis est, & combibit lucem: non concederet tamen idem fieri, si vapores illi abessent, & globus Lunæ solidus æthere puro circumdaretur. Hinc, nisi aliud quidem scripsit, quàm tu ipse commemoras, non video quî tibi aperte consentiat, asserenti *ab æthere Luna circumfuso radijs Solaribus illustrato reperi* *cuti splendorem in Eclipsata Luna parteis margineas clariorem; at in parteis alias. procùl à peripheria sitas, minùs claram.* Quoniam per Eclipsin totalem (& maximè cùm Luna prope nodos est) longissimè abest, ut aër, seu regio illa crassior, de qua loquitur Galileus, & quam tu interpretaris ætherem, directis radiis illustretur, splendoremque Solis reperi cutiat: cùm regio illa tantula sit, ut ne semi-digitum quidem ultra margineas parteis extendatur, talesque partes interea multis digitis à conspectu Solis illustrantis distent. Sic cùm ille scripsit *hanc secundam, seu debiliorem Lunæ claritatem maiorem esse, quò ipsa minùs à Sole distiterit, adeò ut post primam quadraturam, & ante secundam debilis admodum, & incerta comperiatur, cùm tamen in sextili, & minori elongatione mirum in modum fulgeat*; Id ipse sic interpretaris, quasi *Luna, quò Soli vicinior est, eò vividius lumen in parte sui tenebrosare-*

cipiat, repercussum ab æthere sibi contermino; et è contrâ, quò magis à Sole distat, eò languidiores radios ab eodem æthere proximo sucipiat, reflexos ad eandem sui partem obscuram; cùm radij prope Solem illustrius lumen gerant, quàm procul, lumine semper fatiscente, quò longius à suo fonte perducitur. Et Galileus tamen, quantum recedat, aliò retulit huiusmodi claritatem, illiusque discrimina, quàm in aërem conterminum, seu crassiorẽ illam regionem. Sanè verò hæc contermina regio, cùm tantula sit, & aëri nostro analogã, reflectere lucem, quæ in totum discum propagari valeat, non potest. Nam, ut Solis radij nusquàm reflectuntur, ubi Sol infra horizontem, plusquàm viginti gradibus est; sed totum superius hemisphærium tenebrosum perinde est, ac si nullus aër superfunderetur: ita aër ille Lunaris promouere quidem radios poterit ad aliquantulam distantiam: verùm non ad totum Lunæ hemisphærium, superstitemve obscuram partem. Quòd si argumentum requiras, adtende solùm ad ipsam Lunam, in qua non iam idem discrimen, quod per Eclipsin obseruabis, ut partes argenteæ luci viciniore præ remotioribus clarescant; sed toto disco reliquo claritas erit vniusmodi, facientque Solæ maculæ, si telescopio respexeris, ut in argentea luce, discrimen. Prætereundum autem, quòd Luna ante, vel post quadraturam tam exiguo abest à Sole discrimine (si illud quidem cum distantia totius orbis comparatur) ut lumen adeò conspicuum tam breuifac fatiscere, euanescereque non possit: nisi etiam lucem argenteam ita hebetari sentiamus, dum Luna à conjunctione ad oppositionem con-

tendit, ut si ulterius discederet, ea proportionem, qua lux argentea à debiliore illa differt, fatisceret planè, evanesceretque: quod vides, quàm absurdum sit: cum non evanescat præsertim in Saturno, dum Soli oppositus, est incomparabiliter ab ipso distantior, quàm Luna. Prætereundum etiam ex æthere puro reflexionem non fieri, quæ cadere in sensum possit; perindeque esse, seu ætherea spatia corpore supra omnem sensum illimi, ac puro oppleta, seu vacua esse dixerimus. Argumento verò id esse, quod suprà adnotatum est, nullum esse noctu discrimen observabile inter eam partem ætheris, quæ occupatur ab umbra terræ, & aliam, quæ radiis Solis circumquaque perfunditur: adeò ut, si Luna silente non omni luce destituamur, id non tamuræ ætheriæ (sic non-nulli vocant purum illud corpus) quàm stellarum radiusculis referre debeamus acceptum.

XXXII. Pergis deinde, opinionem, quod lux illa debiliore ex percussione à terra oriatur, non probari tibi ob plures rationes, quas alias proposueris. Ipse verò, qui facile Mæstlino primùm, Keppleróque, & Galileo postea id opinantibus assensu, exoptatam summoperè eam partem videre tuorum operum, in qua eæ rationes propositæ forent. Commodum autem me hæc scribente, & priusquam Brinoniam (unde, intermissa sermone, cum verè bono eruditóque Principe, ac Prorege nostro sum iam reuersus) discederem, rediit ad nos ex Italia, clarus rara eruditione, bonarumque rerum studio juvenis, Ludouicus Decormius Bereculius, non ita pridem generalis, causarumque regiarum Patronus in summam Prouinciæ curiam cooptatus, qui ad

me abs Naudæo nostro detulit tuum Litheosphorum, seu de lapide Bononiensi librum. Commodum, inquam, quippe in eo te exsequutum rem comperi digressionem illa Physico-mathematica, quam ubi pellegi, agnoui non posse tuam causam elegantius, subtilius, pleniusque defendi. Et exoptassem quidem accipere simul desideratum de natura, & efficientia luminis opus: sed interim tamen percepi ex isto tuam de natura luminis sententiam non esse alienam ab ea, quam auguratus fueram. Intempestivum, imò etiam importunum penitus foret quidquam propterea retinere: quare ne amplius digrediar, ad digressionem tuam accedo, in qua lucem illam subobscuram Lunæ ita explicas, ut reflexæ ex æthere etiam aliquam naturam adiungas. Non hæreo verò ut expendam, quid de nativa sentiendum sit: cum & tu ipse illam ad calcem indubitatam non habeas; & videatur Luna non magis, quam Terra suapte natura esse lucida; quippe ex coetu Planetarum. Id nimirum esse videtur inter Sidera inerrantia, errantiaque discriminis, ut cum illa de suo luceant, & sint instar Solis totidem perennes, exundantesque splendoris fontes, unde & similem Solaris sentillationem obtinent: ista ex opposito non nisi mutuati, & quasi precariam lucem nanciscantur (nempe quantum Sol proximus veluti effundit, & ipsa inerrantia, propter immensam distantiam exilissima visa, veluti instillant) ex quo obtusa, immotaque, & non fulguritancia sunt. Ergo, ut de luce Lunæ secundaria iuxta antè dicta pergam dicere, patiari lubens, eximie Vir, ut quia scrupulus quispiam hæsit, & rationes

tiones tuas percurrentem nescio quid remoratum est, ideò attingam breuiter quid ad rationes singulas visum mihi fuerit posse responderi. Præmittam solam luculam illam, quæ in deficiente Luna obseruatur, non esse reflexam à Terra, instar illius videlicet, quæ in eadem conspicitur, dum ante, & post conjunctionem non longè à Sole spectatur. Nam cum heinc inde à Sole est, facilè radios excipit, qui ex terra in Solem directè, & in circumpositam regionem obliquè, toto circiter hemisphærio, percutiuntur. Ex quo fit, vt versante Luna intra id hemisphærium, seu intra quadraturam vtramque, lucula in illa recepta appareat, ac tantò quidem debilior, quantò à Sole receditur magis, propter obliquiores, & pauciores radios; donec vltra quadraturas, tandem elanguescat, & inconspicua prorsus euadat, ob radios obliquissimos, & vel perpaucos, vel etiam nullos. Quòd cum ita sit, quì poterit fieri, vt Luna Soli opposita, & in alterius hemisphærij medietate constituta (videlicet cum deficit) lucem, vel radios excipiat ex uersa Terræ parte percussos? Censendum ergo potius est, præter radios in Terræ globum impactos, & ex eo reflexos, cæteros, qui incidunt circumquaque in terram terræ circumfusum, refringi, & ob aëris conuexitatem retrò coire; adeò vt conum vmbrae terrænæ, futurum alias tota sua capacitate æquè obscurum, illustreni faciant, & maximè ad eius parteis circum extremas. Heinc scilicet esse videtur, quamobrem Luna in vmbrae conum tota demersa eam partem semper clariorem seruet, quæ circumferentiæ vmbrae est

propinquior; eam obscuriorem, quæ remotior: quippe pauciores radij refracti versus centrum umbræ perueniunt, plures versus eius extrema. Neque mirum est, si pro variis lucis, & obscuritatis gradibus Luna tam variè colores mutet, vt in ruborem denique tetrum, ac penè inconspicuum vertatur. Vidimus certè aliquando centrale propè deliquium, in quo parum aberat, quin Luna (seu locus, quem tenebat) requiretur: adeò maligna, ac penè nulla, qua discerneretur, supererat lux. Vnde & subiit cogitare, tametsi nulli radij refracti ad Lunam vsque pertingerent, tantillam tamen luculam esse, quæ à stellis oppositis, illustrantibusque posset deriuari. Sed ad rationes.

XXXIII. Dicis primò, Lunam tam ante, quàm post quadraturas æqua distantia à terra abesse, non verò à Sole; quamobrem à Sole, non à Terra peti lucis illius discrimina, atque adeò ipsam-met lucem. Sed patet ex dictis discriminis causam esse non maiorem, minoremve distantiam ab alterutro: verùm maiorem minoremve reflexionis obliquitatem, & participationem radiorum: cùm nihil aliunde dicendum sit de accessu, & recessu Lunæ, respectu terræ in excentrico, ex quo est diametri illius non æqua semper apparentia. Dicis secundò, perexiguam esse eam lucem respectu illius, qua Luna plena Terram illustrat; & fore tamen, vt esset maior, si Terra quasi plena Lunam illustraret, cùm sit mole maior, & Soli, quàm Luna in plenilunio propinquior. Sed cur non potiùs existimemus eiusmodi lucem esse maiorem ea, qua Terra per plenilunium illustratur: cùm hæc procùl spectantibus sic

hebes euadat, vt nihil sit veri-similius, quàm ipsam detectum ægerrimè iri ex Luna, si quispiam illeinc spectauerit? Dicis tertio, lucem illam esse viuidio-rem ad limbum, quàm in media facie; cùm seu Luna concauitatem, seu politam convexitatem circa medium habeat, possit inde magis reflectere lucem, quàm è superficie marginea, è qua radij præterfluunt in ætherem. Verùm lux illa hebetior circa mediam regionem est, ob maculas illas prægrandes, quæ quasi lacunæ, seu maria, maiorem lucis partem quasi combibunt, transmittuntque in fundum; cùm ad limbum non ita grandes lacunæ sese offerant, sed solidiores potiùs partes, quæ lucem potentiùs reflectant. Non quòd lacunæ quoque grandes versus superficiem margineam non sint: sed quòd nostro obtutui non perinde obuersæ, non perinde respectu nostri explicentur, ob seriem quorundam quasi montium, seu continentium, insularumque sua deuexitate illas occultantium. Non item quòd radij multi versus aërem non præterfluant; sed quòd plurimi adhuc reflectantur, tanquam existente ea deuexitate scabra, non polita, & positarum ex ordine solidarum partium superficieculas plurimas ad nos obuertente. Dicis quarto, Galileum opinionem illa sua de creatione auroræ ex circumfuso aëre comprobare tuam de refusione lucis ex circumvicino æthere sententiam. Sed dictum iam est, quàm breuis reflexio ex eo aëre; quàm insensibilis, aut nulla sperari ex æthere possit. Dicis quinto, fore vt per totalem Solis eclipsin ex tenebræ non crearentur, per quas possent stellæ etiam in meridie conspici, tanquam

Lunâ semper illustratâ, nisi à toto Terræ disco, saltem ab ea parte, quam umbræ lunaris conus non occupat. Verùm, si lux primaria, & argentea Lunæ non obstat, quin latente sub terram Sole, stellæ à nobis conspiciantur, ecquid mirum, si occupato à Luna Sole, ea secundaria, & debilis lux, stellarum conspectum nobis non eripiat; ac tantò minùs, quantò ex concessis non est à toto terræ disco, ipsa Lunæ opacitate partem illius occultante? Certè & nihil minùs est mirum, si debilissima cùm sit, vix, aut nullo modo discernatur per eclipsin, quæ vix vnquam est, aut perseverat quicquam totalis; oculis aliunde à luce Solari præsente, recenteve non parùm affectis. Quod addis verò Lunam Soli copulatam nullas tenebras effusuram, si fuerit ipsa lucida; non potest sanè congruere, nisi Luna admissa fuerit tam lucida, quàm est Sol ipse; aut saltem ita diaphana, vt radiorum solarium trajectioni obstare nihil possit. Neutrum porrò admittitur, & vix locum habere potest, quod quasi effatum adsumis, *minus lucidum maiori lucido copulatum illius illuminationem non impedire*: Quippe quantùm lucidum minus corpulentum est, tantùm auertit radiorum lucidi maioris; vnde & fax, & rogos ardens, quæ exempla tua sunt, speciem umbræ creant ad parteis Soli oppositas; quod de vitro quoque est superiùs dictum. Dicis sextò, Venerem etiam in meridie plerùmque videri; quare & Lunam per eam lucem visibilem fore, si tantoperè à terra illustraretur. Sed lux, qua Venus conspicitur, primaria est, immediatèque à Sole hausta, qualis est & illa argentea, qua Luna quoque interditi

apparet. Non videtur autem potuisse argumentum inde deduci ad lucem secundariam, quæ in Venere etiam nulla obseruatur, non modo interdium, sed in vespertinis etiam, matutinisque tenebris, & ne per telescopium quidem; adeò vt inter illius cornua nihil à cœlo reliquo diuersum possit obseruari. Dicis septimò, Lunam, dum eclipsin patitur, nihil lucis accipere neque à Terra (tanquam obscuram sui partem ipsi obuertente) neque à Sole (tanquam ipsa terræ opacitate intercepto) quare & fulgorem in ea deprehensum esse partim ab æthere reperiçssum, partim natiuum. Verùm vt is fulgor sit ex radiis Solis in aëre terræ refractis, iuuantibus etiam non-nihil stellarum igniculis, iam antè declaratum est. Dicis denique, si radij Solis adeò viuidi reperiçterentur ex Terra, vt in Lunam pertingerent, eos cum directis coëunteis regionem mediã aëris ita excalefacturos, vt non possent in ea nix, grando, aliãque meteora progigni. Verùm, cum illa aëris regio suis ex causis frigida sit, alia profectò indiget, vt possit incalescere, quàm opposita radiorum simplicium, dupliciumve coalitione. Nam si ponè vitrum convexum, aut in aprico calefcit aër; ibi ea radiorum est multiplicatio, quæ in aëre medio non occurrit. Quod putas autem Solis radios ad Lunam vsque non reflecti: cogita quæso, si sub meridiem attollereris sensim à Terra, ita vt illam respectares ex milliari centesimo, millesimo, decies, & centies, ac tandem ducenties millesimo, seu ex orbe Lunæ; annon illam semper decrefcentem quidem magnitudine, sed illustratam tamen à Sole videres? Non esset pro-


fectò locus, in quo euanesceret, tanta præsertim opacitate, comparatione ætheris; tanta mole, respectu Lunæ. Si ita verò futurum esset, quid dubitemus Solis radios ad Lunam vsque reperi, & lucem ibi esse ex Terra, vbi terra sit futura illustris?

XXXIII. Gratias postremò debeo, quòd sub digressionis, & capitis finem meministi rursùs & mei, & propositi in Epistola ad Naudæum Problematis; vt cuius solutio abs te tradita cōferre quidpiã visa sit explicandæ causæ Litheosphori, seu Bononiensis lapidis lucem externam concipientis, conseruantisque aliquantisper. Quo loco non est cur excurram, vt meum symbolum conferam; & maximè quidem cùm ipse tam accurato opere anteverteris omnem diligentiam. Hoc solum dicam, quod non omninò præter institutum videatur, cùm tu duas causas attuleris, alteram vapores aëreos, qui luce Solari, alia veimbuti, & in Lapidis calcinati poros excepti, illum in tenebras delatum ad aliquod tempus lucidum exhibeant; alteram parteis corporis ea opacitate, perspicuitatēque temperatas, vt absque vaporum commistione lucem per modum non habitus, sed dispositionis concipiant, qua lapis in tenebris aliquandiù fulgeat; eo scilicet modo, quo carbo, ferrum candens, & alia: videri mihi causam hanc longè præ illa esse probandam. Nempe aduersus illam faciunt quæ plurima deducere ex antè memoratis licet: hæc vt comprobetur, nihil reliquum fiet, si admissa lux fuerit & pertenuē corpus, & per rarus ignis. Ita profectò sententia tua vna eademque euaderet, cum iis tribus, quas impetis; cùm illæ qui-

dem, quantum capio, neque tam inter se diuersæ, neque à tua tam alienæ sint, quin conciliari in vnam possint. Nam quas tu parteis lapidis concipere lucem per modum dispositionis autumas; easdem tertia, seu quæ est Cl. Montalbani sententia, atomicas dicit, subtilissimasque, quæ segregatæ, & lucis susceptioni, seu accensionis cuidam paratissimæ, veluti ignesiant, luminosæque reddantur; lapisque adeò fulgorem seruet, prout de resolubilibus particulis plus, minusve fuerit ignitum. Easdem secunda, seu Cl. Lagallæ dicere videtur tum calcinatas, quæ lucem recipiant, & retineant; tum potissimum constituentes substantiam illam igneam, tenuissimam, & perspicuam, quæ in poris partis calcinatæ includitur. Et quamuis prima, seu quæ sublimi Galileo tribuitur, statueri videatur non pendere lucem ab accensa aliqua, aut ignita materia; cum velit tamen esse in lapide, vnde lucem corpoream à suo toto quasi abscindat, corripit, detineat; non negabit sanè in lapide particulas esse, quæ suis quasi hamulis munera illa obeant; vnde & fulgorem in se veluti conceptum exhibeant. Verum dies deficeret, si dicere de singulis quicquid occurrit, aggrederer, aut iuxta propria insomnia difficultatem expendere, enuclearéque attentarem. Nihil enim non foret de natura ignis, lucis, calorisque retexendum; nihil non de modo, quo corpora ignem, lucem, caloremque concipiunt, retinent, amittunt. Et quam multa putas interea nugamenta intercurrerent? quam multa, quàmque absorta paradoxa obtruderentur? Coniecturam ducere potes ex iis tam multis, quæ in hanc non Epistolam, sed inconcinnam farra gi-

nem nescio quò pacto irrepserunt. Sed enim facile
sum passus meum exspatiari calamum, confusus te
omnia boni consulturum. Nunc, ne peccare ampliùs
pergam, tollo manum de tabula, apprecorque prospe-
ra omnia. Tu verò, vir eximie, ama me æternùm, &
Vale. Dabam Aquis-Sextiis, Eidib. Augusti an. sal.
CLO. CC. XXXX.






EPISTOLA TERTIA.

IN QVA ALIQVOT SCRVTPLI
ex precedente subnati eximuntur.

ISMAELI BULLIALDO SVO,
PETRVS GASSENDVS S.

ÆTOR admodum, mi Bullialde, factam tibi copiam à Luillerio nostro meæ illius ad Cl. V. Fortunium Licetum Epistolæ, cuius asseruatum protographum transmissi ad ipsum ante paucos menseis. Videlicet illud non potuit in alias manus magis amicas, eruditasque incidere; & cum valdè obstrictus sim, quòd non omninò Problematis explicationem improbâris; tum deuinctus maximè sum, quòd censueris me admonendum duo quædam esse capita, quæ credideris Opticorum demonstrationibus repugnare. Quippe & pro tuo candore fecisti, cum non dissimulasti factam inter legendum remoram; & dignè sensisti de mea indole, cum me cum habuisti, qui mihi contradici non modò patiar, sed etiam exoptem. Siquidem quamuis in hac tanta rerum naturæ caligine vix speranda vnquam veritas appareat; similitudo tamen cum vero, seu, vt

tu cum Platone loqueris, *ἰσολογία* me afficit tantopere, vt si quæ fortè sententia infederit animo, nihil sit iucundiùs, quàm ipsam cum verosimiliore quapiam commutare. Heinc facilè tibi persuasum habebis voluisse me perauidè cognoscere difficultates tuis expressas literis; ac tantò magis, quantò conspexi demonstrationum factam mentionem. Qui nihil enim magis reuereor, quàm puluerem illum eruditum, in quo placita non *εἰκοπολογικῶς*, sed *ἀποδεικτικῶς* ostenduntur; quid magis possim habere cordi, quàm ne, dum in probabilibus versor, nitar aduersus demonstrata? Cæterum, vt quæ mea fuerit imbecillitas, ingenuè profitear; licet mentem contenderim, vt quæ es dignatus mihi obijcere, peruiderem; nihil tamen potui agnoscere demonstrationibus repugnans; & tametsi ad canendum palinodiam paratissimus, non sensi nihilominùs quod ad deserendum sententiam præconceptam sollicitârit. Quamobrem placet te denuò arbitrum constitutere, vt plenius errorem latentem, si tanti putes, aperias; aut vberius certè me, non sine quadam probabilitate, errare cognoscas.

II. DIFFICULTATEM Primam facis circa Rationem, quam attuli, *Quamobrem res visa, maior, & distinctior propè, quàm procùl, appareat.* Ac primum quidem, quod assumpsi, *Vnamquâque rem visibilem radios circumquâque effundere:* Admittis me hoc habere concessum ex principiis Opticis, quorum vnum est, *Omne punctum luminosum radiare sphericaliter; ex quo sequitur, Omne visibile sui speciem sphericè effundere.* Quod etiam dixi, *Cùm omnis superficies sit inaequalissima, nullam esse illius partem,*

quantumvis ad sensum exiguam, ex qua ob facieculas varias radij propè innumeri variè in orbem non emittantur; Tu concedis quoque nullum esse in rerum natura corpus ita politum, ad eumque rigorem, quin semper in eius superficie lacunæ, etsi sensu non discernendæ, alias partes deprimant, alias verò verrucæ attollant; unde & ais, te non mihi litem hac de re mouere, imò potiùs te mecum sententiam exhibere. Quod subiunxi verò, Necessarium esse huiusmodi radios tantò esse confertiores, quantò propius à re discedunt; tantò rariores, quantò remotius. Itaque & quantò oculus obiectæ rei fuerit propior, tantò illum radios excipere plureis ex illius partibus, ipsarumque particulis; quantò remotior, tantò pauciores. Nempe in progressu nunc illos, nunc alios variè præterlabi, alióque, quàm in oculum tendere. Quare & verè dici posse imaginem rei in oculo pingi ex pluribus radiis, ipsiusque rei videri partem, seu particulas plureis, dum propè abest, quàm dum procùl. Enimverò, quia dum est procùl, illi soli radij in oculum coeunt, qui procedunt ex partibus oculo directè obuersis, nec interceptantur aliij radij interceptarum partium, quòd ut dictum est, aliò dirigantur; heinc fieri, ut imago coalescat ex radiis dissitis quidem, sed quasi tamen connexarum partium, sicque contractæ partes appareant, quæ in re tamen dissaratae sunt; atque idcirco res videatur minor, quasi constans videlicet ex pauciore numero partium; ac proinde confusior, quasi partibus non perinde discretis. Quod ego, inquam, his verbis subiunxi, excipis ipse, verum esse ex corpore lucido radios emananteis tantò confertiores esse, quantò propius distant ab illo; viciissimque rariores, ubi longè effluxerint.

III. Verumtamen his verbis pergis, *Sed aduerte quaso.* Hæc raritas, aut densitas radiorum nihil confert ad clarius, distinctiusque, aut etiam maius videndum obiectum: conducit tantum ad illuminanda obiecta ipsi opposita, nec re-
 Ète concludis ex eo oculum plureis radios recepturum esse, cum propè fuerit, quàm longè. Ego verò aduerto ex iis, quæ apud te sequuntur, nolle te reipsâ distinguere lucidum corpus à visibili; cum etiam reuerâ nihil lucidum sit, quod videri non valeat; & nihil sit visibile, quod non luce sua, alienave luceat. Aduerto quoque nolle te reipsâ visibilibus radios à lucidis distinguere; cum etiam vel iidem sint, vel inseparabiles certè; quatenus ubi nulli lucidi sunt, ibi sunt nulli visibiles, & ubi sunt plures, paucioresve lucidi, ibi sunt quoque visibiles plures, vel pauciores. Vt præteream radios utrosque eadem, aut pari, ac indiuidua velocitate procedere (idque secundum easdem, aut parces, ac indiuiduas rectas lineas) eadem, aut pari, ac indiuidua ratione, atque societate reflecti, refringi, disgregari, cogi, cæteraque id genus alia. Hæc, inquam, aduerto: & non agnosco tamen, quî efferas densitatem radiorum ex corpore lucido (codemque visibili) prodeuntium conducere ad illuminandum obiecta ipsi opposita, non item ad distinctius, maiusque videndum obiectum. Si enim inter opposita obiecta oculi pupillam constituerimus, ita ut ipsa sit illuminanda (quippe cum fuerit obiectorum illuminandorum pars) non video quamobrem si plures ad ipsam allabentes radij ad illustrationem vberiore conferant, quandoquidem lucidi sunt; non etiam ad vberiore visionem condu-

tant, quandoquidem simul visibiles sunt. Quin minus quoque percipio quâ dicas, non rectè concludere me oculum plureis radios recepturum propè, quam procùl. Si quidem cum eadem pupilla tam propè, quam procùl intromissioni radiorum pateat: qui fieri potest, ut cum, vel per te, radij confertiores, atque adeò plures sint propè, quàm procùl, non etiam, ut confertiores, ita plures intromittantur per pupillam dum propè, quàm dum procùl est? An fortè putas posse quidem radios confertiores, seu densiores esse, & non esse nihilominus plureis, seu adauctiore numero? Sed, amabò, quænam alia notio, ac distinctio est raritatis, ac densitatis, nisi quâ, eodem accepto spatio, intelligimus in eo esse plureis eiusdem rei parteis, si addensata fuerit, & pauciores, si rarefacta?

IV. Subiicis, Dicam quid rei sit. Obiectum omne visibile, proinde sua luce, aut aliena radians duplici ratione considerandum venit; prout nimirum lumen jaculatur, & alia collustrat; atque insuper prout visibile est. Priori casu sphaera figurâ diffusio luminis concipienda est, quod experientiâ docemur: altero sub cono, aut pyramidis forma. Nam etsi in omneis parteis species cum radiis diffundantur; non tamen earum diffusio sphaericâ figurâ terminatur, sed pyramidalis. Hoc autem evenit ex eo, quòd diffusionis radiorum centrum sit corpus lucidum, terminus sphaerica superficies, ubi ubi terminata supponatur. Specierum viceversa ortus à lucido, prout hemisphaerij visibilis pars est; terminus tandem in oculo, ut centro. Permutatur ergo situs lucidi, inque radiorum collustrantium diffusionem centri vicem tenet: in specierum ad oculum emissionem pro-

hemisphærij, aut circumferentia parte corpus lucidum censendum est. Hoc est verissimum, & ab Opticæ peritiis non diffido admissum iri. Atqui & ego, mi Bullialde, duplicem hanc tuam considerationem admitto: neque ullam, quod sciam, occasionem præbui, quorsum de me diffideres. Nam primùm me considerasse visibile omne, prout luce sua, alienave radians cætera collustrat, idque radiis ex se, quoquoversum spectat, emissis, diffusionem quadam quasi sphærica, cuius ipsum sit quasi centrum; tu pernegare sanè non potes, qui & rem ex me retulisti, & videris existimare hanc vnicam mihi considerationem fuisse. Deinde verò, quòd illud quoq; considerârim vt visibile, ac prout species ex ipso emanans forma quasi conica, seu pyramidali terminatur in mucronem intra oculû, adeò vt ipsum sit quasi basis, & veluti portio hemisphærij visibilis; id ipsum est, quod semper expressi, aut manifestè supposui, qui & de Sole, vt obiecto visibili problema proponens, apertè loquutus sum de ipso, vt basi, ex cuius extremis prodeuntes radij tantum angulum in oculo formant, quantam portionem Sol occupat in aspectabili hemisphærio; & quoties occasio tulit, idem proportionem exposui, vt cum rationem reddidi, quorsum res eadem perspicillo plano spectata æqualis sibi appareat, propter æqualem angulum, quem radij ex eius extremis in oculum coeuntes creant; spectata convexo, maior, propter maiorem; concavo minor, propter minorem: & verbis quoque à te citatis, recitatisque mox antè à me, rem insinüavi non obscure, cum dixi coire in oculum radios, qui procedunt ex partibus

Oculo directè obuersis. Cogita proinde, te rogo, ex hoc-ne capite de me diffidere debueris, atque ita concludere, *Non debuisti igitur sumere radiorum diffusionem sphaericam, cum de specierum ab obiectis progressu differuisti, sed oportuit te ad pyramidalem conuerti*; quasi ego censuerim tantum esse oculum, quanta est sphaera in quam radij diffunduntur; & non expresserim radios quibus species continetur, obiectumque ad oculum refert, constituere pyramidem, quæ & mucronem in oculo, & basin in obiecto habeat?

V. Sed nempe, cum tu duplicem considerationem distinguas, ipse vtramque quidem admitto; sed adiungo simul duplicem contra positam, quam non satis capio cur dissimulare, aut reicere ipse debeas. Etenim accepto v. c. Sole, qui simul fit lucidum corpus, & obiectum visibile, Vis tu imprimis eius radios, quatenus obiecta opposita collustrant, emitti solum sphaericè; Ego fateor quidem sphaericè emitti, prout in omnem circum regionem Sole maiorem diffunduntur; sed contendo emitti quoque conicè, aut pyramidaliter, quatenus diffunduntur in corpora, quæ sint ipso Sole minora. Et tu ipse certè, potes-ne alia ratione exprimere eclipsæ formas, quàm spectando Solem, ut basin, ex cuius extremis procedentes radij, & Terram, Lunamve proximè circumplectentes, in mucronem definant? Vis tu deinde Solis radios, prout sunt species visibiles, pyramidaliter solum progredi; Ego verò fateor quidem pyramidaliter progredi, quatenus ad vnum solum, & singularem oculum, qui Sole est minor, terminantur; sed contendo etiam progredi

sphæricè quatenus tendunt, ac terminantur in quor-
cumque locis possunt esse oculi secundum totam cir-
cùm regionem, quæ sit Sole maior. Neque tu certè,
si supponantur in ambitu toto firmamenti constituti
oculi, alia ratione descripturus specierum, siue visibi-
lium radiorum diffusionem fueris, quàm spectando
Solem, vt centrum, è quo diffusi radij definant in su-
premam sphæram. Itaque dum ais, *differentem me de
specierum progressu non debuisse sumere diffusionem sphæ-
ricam, sed ad pyramidalem conuertere*; benè haberet, si
differuisssem duntaxat de vnico oculo, deque vnico
loco in mundo, in quem species Solis, aut alterius
obiecti diffunderetur: at quoniam differui de pluri-
ribus oculis, & de pluribus locis, ex quibus vnum ali-
quod obiectum videri eodem tempore potest; quo-
modo non debui præter diffusionem pyramidalem,
respectu cuiusque singularis oculi, sumere etiam sphæ-
ricam, respectu omnium oculorum simul? Ipse præ-
sertim, qui sum adnixus declarare quomodo species
non sit tota in toto medio, & tota in medij parte qua-
libet; sed cùm tota, ac generalis in toto medio sit, par-
tiales, & particulares sint in singularibus medij par-
tibus, neque singularis vllus oculus ex vllò singulari
loco videre possit totum obiectum, siue parteis om-
neis, particulasque ipsius? Deduxi id verò ex eo, quòd
non modò totum obiectum radiet sphæricè, sed mi-
nima etiam quæque pars illius, adeò vt radij diuersa-
rum partium variè heic illeic decussentur: & cùm ex se
quidem emittantur sphæricè; ex accidente tamen alij
in alios incidunt, & cum ipsis coeuntes pyramides
consti-

constituant. Ex quo iam rursus consequitur, ut quia hæc radiorum coïtio fieri circum ubique potest, existimare debeamus non modò radios singulareis sphaericè procedere, sed ipsas quoque pyramides: quatenus ut radij, sic pyramides, quoquoersum diffunduntur. Adde respectu quoquo oculi vnus diffusionem dici posse sphaericam, quatenus nulla potest assignari pars pupillæ minor in objecto, ex qua diffusi in pupillam radij non emittantur sphaericè. Cum verò species, qua talis pars videtur, non sit alia, quàm eiusmodi radij, qui deinde per refractionem in interiorem angulum coeunt; quid-ni de progressu huius speciei differens, debui non modo ad pyramidalem, sed ad sphaericam etiam diffusionem conuertere? Et cum totalis objecti species sit contexta ex iis, quas particulæ pupillæ minores emittunt, quidni potui quoque de totali loquens, spectare talem diffusionem?

VI. Pergis, *Verùm etiam nec stare potest, quod sentis, etsi inæqualitates quantascumque statueris in corporum superficiibus, plureis radios in oculum incurrere, cum propè est, quàm cum longè distat. Si namque in eodem hemisphaerio consistent partes objecti, siue propè sis, siue longè, earundem radios in oculo recipies. Tota differentia erit penes angulos pyramidis in oculo terminatæ, secundum quorum amplitudinem rem maiorem, minoremve cernes. Atqui id, quod dico de plurium radiorum in oculum eundem incurfu, videtur mihi potiùs stare non modò cum mea, sed etiam cum tua, & communi sententia; quàm oppositum, quod ipse contendis. Id iam attigi adnotando, quòd cum fatearis quoque ipse radios esse*

tantò confertiores, quantò oculus propiùs distat;
 oporteat omninò in ipsum incurrere, vt confertio-
 res, ita & plureis. Et certè, cùm demonstretur ra-
 dios ex quocumque puncto sphæricè effusos esse qua-
 druplò rariores ad finem secundæ, v. c. orgyæ, quàm
 ad finem primæ; nonne sequitur, vt ad finem secun-
 dæ orgyæ non incurrat in oculum, nisi quarta pars
 eorum, qui occurrunt ad finem primæ? Neque dicas
 agi heic de radiis non sphæricè, sed pyramidaliter
 fuis: nam qui radij abeunt in pyramidem, illi
 ipsi sunt, qui in orbem funduntur. Funduntur, in-
 quam, sed non ab vna, eademque particula; verùm à
 pluribus inter se distinctis; quoniam qui prodeunt
 ab vnica, distrahuntur semper à se inuicem, qui ex
 pluribus coire adinuicem possunt: iique aded sunt,
 qui pyramidem constituunt. Vnde & fit, vt si acce-
 ptis seorsim particulis quibusque duabus, plures ex
 radiis in orbem fuis incurrant in oculum, dum pro-
 pè, quàm dum procùl est; plures quoque incurrant
 ex pyramidaliter fuis. Neque rursùs dicas ex qua-
 uis particula, siue malis, ex quouis puncto, exoriri
 infinitos radios; idque sufficere, vt procùl totidem
 incurrant, quot propè. Nam vt heic nihil dicam de
 ista infinitate, cuius natura esse capax non videtur;
 quæso te, si æquale spatium ad vnā orgyiam qua-
 druplò ampliùs radiorum habet, quàm ad secundam;
 concipi-ne potest tam esse multos, siue maris, tam
 infinitos, ad secundam, quàm ad primam? Et, po-
 test-ne vna res infinita intelligi, quæ & finibus clau-
 ditur, & dicitur alterius pars quarta? Cùm sint

aliunde radij ad secundam orgyiam rariores, quàm ad primam; nonne oportet sint etiam distantiores inter se? quippe si tam propinqui essent, essent omnino æquè conferti. Si ergo distantiores sunt, nonne necesse est spatium inter duos quosque (prius viciniore) intercipi? Et in intercepto hoc spatio, nonne est necesse radij non sint? Si porrò non sunt; totidem profectò incurrere remotiùs, ac propiùs non possunt. Quod dicis proinde, *si in eodem hemisphærio consistant partes obiecti, siue propè sim, siue longè, me eandem radios recepturum*; Quia hemisphærij nomine heic, vt opinor, intelligis quicquid directè oculo, eiùsve pupillæ obiicitur: idcirco dico, oculo accedente, aut recedente, mutari hemisphærium; idque patere, vel ex eo quod accedendo, quædam res à tergo relinquuntur, fiuntque inconspicuæ; recedendo verò reteguntur, & apparent. Ac posse quidem parteis grandiores, seu generaliores alicuius obiecti in utroque hemisphærio consistere, siue oculo directè obuerti; at non posse tamen minores omneis, singulareisque particulas: quòd ob inæquabilitatem superficierum, à te admissam, præditæ sint tam varia faciecularum diuersitate, vt cùm vicinæ quæque ad alia, aliaque loca spectent, non possint eandem oculo obuerti, quotiescumque situm, aut distantiam mutat. Quod dicis verò *totam differentiam esse penes angulos pyramidis in oculo terminatæ, secundum quorum amplitudinem rem maiorem, minoremve cernam*; Admitto sanè rem maiorem, minoremve cerni, pro huius anguli mensura; sed addo, vbi absente longiùs me

in peripheria E. Sit oculus in F. Quoniam species obiecti oculum ingreditur, & in illo, ut in centro terminatur, & à lucido, ut ab hemisphærij peripheria progrediuntur radij, quibus species constat; ipsa sub forma pyramidis ad oculum perveniet, nempe sub figura AFD. Et quoniam infinita sunt puncta (iuxta te, vir clarissime, dicam innumera) ex quibus oculus obiectum videt: infinitas, vel innumeras pyramides ab obiecto procedere verum est. Et hanc ob causam omne punctum visibile dictum est radiare sphaeraliter, v. g. punctum B radiare super hemisphærio terminato horizonte DA, supra quem quocumque in puncto cum fuerit oculus, videbit punctum B. Videris primum, mi Bullialde, accipere hoc loco superficiem AD ut exquisitissimè politam; at memento te iam confessum nullam eiusmodi esse, seu nullam esse politam ad eum rigorem, ut non quasi lacunas, & verrucas habeat, quibus deprimatur, & attollatur, licet sensu non discernendas. Videreris mihi deinde assumere puncta, quæ in ea discernis, pro punctis mathematicis; at quia punctum mathematicum visibile non est, & dicis postea visibile punctum esse, quod radiare sphaeraliter dicitur: est cur putem te intelligere puncta physica, seu quæ aliquam in se habeant magnitudinem, licet sensu non discernendam; cuiusmodi esse possunt tuæ illæ verruculae, seu semisses globulorum, ut postea appellas. Et sanè, si nullum illorum punctorum grandiusculum foret, sed omnia essent mathematica, seu partibus prorsus carentia; non illa modò, sed ne ipsa quidem superficies videri posset. Quoniam cum omnia huiusmodi puncta

simul iuncta, nullam quantumvis exilem magnitudinem constituere possint, quod carentia partibus dare parteis non valeant, sine quibus magnitudo non potest intelligi; ideo neque possunt constituere superficiem visibilem, quæ debet esse haud-dubiè magnitudinis alicuius. Neque dicas, ut fieri solet, inter duo quælibet puncta magnitudinem intercipi; Nam in ista magnitudine vel sunt puncta, ex quibus radij emittantur, & hoc casu difficultas redit; vel non sunt, & sic magnitudo non erit conspicua, cum nihil possit conspici, è quo radij non emittantur. Addo, si ea puncta, quæ in superficie designas, forent mathematica, fore, ut non possent sphericè radiare; sed vnicum solum, indiuisibilemque radium in directum emittere. Etenim si vnicum punctum plureis radios emitteret, quia illi possent telescopio, seu vitro convexo colligi in oculum, ostenderetur profectò punctum magnitudinis alicuius, atque adeò obtinens parteis alias medias, alias extremas, sicque indiuisibile non esset, neque mathematicum punctum; quod aduersatur suppositioni. Itaque debent illa puncta à te designata esse physica, & quales tuis verbis veruculas, aut semiglobulos dixi; indéque sequitur, ut etiam superficies A D concipienda sit eadem inæqualitate, qua pingis D G.

VIII. Cum porrò quodvis punctum A, itemque B, C, & D, sit quidam quasi semiglobulus, seu semicircellus (sic enim propter ipsam in plano repræsentationem usurpare liceat) is effundit quidem radios sphericè, verum non ex eadem particula sui; sed direc-

Etum quidem ex suprema, qualis in schemate est, a F, lateraleis verò ex deuexis, quales concipiendi sunt non modò qui in schemate sunt A E, sed innumeri heinc inde secundum seriem deuexitatis. Heinc dico, oculum quidem in F visurum esse septem puncta à te designata in superficie A D; sed non visurum tamen omneis illorum particulas, propter varias deuexitates, & quasi facieculas, ex quibus radij aliò, quàm versus F emittuntur. Cùm nihil enim videatur, nisi per lineam rectam; & linea recta intelligi non possit ducta ex oculo in punctum, particulamve ipsi non obuersam; efficitur, vt quotquot particulæ in semicircello, aliò obuertuntur, quàm versus oculum in F, radios in illum non dirigant, neque videri ab illo possint. Supponamus proinde ex septem punctis, seu semicircellis designatis in superficie A D, peruenire solum ad F septem radios, singulos ex singulis, prout sunt à te repræsentati per septem lineas, quarum quælibet possit etiam aggeriem plurium repræsentare. Supponamus quoque, in quolibet puncto, seu semicircello discerni posse septem particulas, ex quibus singulis emittantur totidem radij, qualium diximus vnum ex quolibet semicircello peruenire ad F. Dico, cùm in superficie inæquabili A D discernantur partes quadraginta nouem, oculum ex F visurum esse duntaxat septem, singulareis videlicet ex singulis semicircellis. Quia enim videre non potest, nisi eas parteis, aut particulas, quarum radios excipit; sequitur, vt si non excipiat radios, nisi ex septem, videre non possit nisi septem. Videbit autem ex semicircello

quidem, a A partem eius extimam, vt pote sibi directè obuersam: ex aliis verò non extimam, neque vltiorem, seu auersam vllam; sed ex citerioribus illam tantum, quæ erit ipsi obuersa, quæque quantò semicircellus heinc inde erit remotior à medio, tantò erit depressior, siue ab extrema distantior. Heinc vt specialiter ad ea, quæ deducis respondeam; Fateor quidem, *omne punctum superficiei AD radiare sphericè*; sed punctum nempe physicum, & semicircelli instar conceptum, quodque proinde habeat parteis sphericè, seu convexè dispositas, & secundum vnamquamque speciales radios emittat. Fateor rursùs, *speciem peruenire, & ingredi in oculum pyramidis formâ*; sed pyramidis nempe, quæ cùm contineat aliquos radios, ex quibusdam puncti physici particulis; non contineat tamen ex omnibus omneis. Fateor item, *innumeras quidem, sed non infinitas tamen pyramides formari in medio*: quoniam cum puncta innumera sint, in quibus radij ex diuersis partibus, particulisque prodeuntes occurrere sibi, & coire possint; non illa tamen sunt infinita. Quin-etiam, licet prope obiectum coitiones radiorum sint adeò frequentes, vt plurimæ fiant in tanto spatiolo, quanta est pupilla, quæ coeunteis radios excipiat, obiectumque adeò sensibilibiter perspiciat; potest tamen esse obiectum in ea distantia, vt coitiones rariores fiant, sicque in pupilla vel paucæ, vel etiam nullæ fiant; atque adeò obiectum insensibile denique euadat. Fateor postremò *omne quidem visibile, seu physicum punctum sphericè radiare supra horizontem*; sed non tamen

in om-

in omnem locum; tum propter diuarcationem radio-
rum; tum propter obstaculum, quo ipsamet puncta,
& cohærentia præsertim, sibi inuicem sunt: quippe
suis tumoribus sibi mutuò obsunt; & cum radiatio-
nem supernè non impédiant, impediunt tamen ad la-
tera, ac in inferiore potissimùm deuexitate, iuxta quam
cohærent.

IX. Sequitur in tuo contextu, iam supponamus super-
ficiem DG , esse inaequalem, & globulorum semisibus stra-
tam. Dico non plureis uideri ab oculo in S , quàm ab ocu-
lo in L , cum eandem inclinationem ad planum DG tene-
bunt. Cum enim, ex hypothesi, inaequalitas superficiei cau-
sam habeat globulos in ipsa stratos; necesse erit ex singulis
globulis pauciores parteis cerni ab oculo in S , quàm ab ocu-
lo in L ; quia minorem portionem sphaerarum abscindunt
tangentes ductæ à punctis propioribus periphæria, quàm si
à magis distantibus ducantur; tunc enim maiorem abscin-
dunt. Tantum ergo abest, ut à puncto S plures partes cer-
nantur superficiei DG , quàm à puncto L , ut potius à
puncto L plures cernantur. Neque, si illa corpuscula, quo-
rum congeries inaequalem, scabramque superficiem reddit,
alius sint figura, quàm sphaerica, aliud eueniet. Atque
ista quidem, ut opinor est, quam demonstrationem
dicere uoluisti. Cum experientia porrò demonstrat
non plureis, sed ne tot quidem eiusdem rei parteis cer-
ni ex L , quàm ex S ; alioquin enim non modò æquè
distinctè, sed etiam distinctiùs perciperetur; an non
susplicari par est vitium aliquod in ea subesse? Nam
dicere quidem paruitatem anguli facere, ut res ex L
videatur confusiùs; id perabsurdum videtur, nisi si-

mûl adiiciamus paruum angulum ex paucioribus par-
 tibus constare, quàm magnum. Quod me attinet;
 vitium in eo puto, quòd superficieculas illas globulo-
 rum habeas mathematicè rotundas; illisque tangen-
 teis sic accommodes, quasi nullæ ipsarum partes non
 respectent S, aut L: atqui res videtur secùs se habere:
 hoc est, videtur vnaquæque earum superficiecularum
 innumeris adhûc inæqualitatibus asperari. Cùm pro-
 fectò vnamquamque habuerimus talem, qualis est
 cuticula acari, constat ex microscopio, quot-que, &
 quantarum sit inæqualitatum capax; ne eas memo-
 rem, quas in vnoquoque puncto huius vel scripturæ,
 vel chartæ, aliarumque rerum similium æquabilissi-
 marum visarum, eodem microscopio obseruare in
 promptu est. Hæc causa est, cur vnumquemque ex
 tuis illis semiglobulis, aut semicircellis talem conci-
 piam, cuius ambitus veluti squammosus, nullam ha-
 beat squammulam non variè intumescens minoribus
 aliis, quarum quælibet minoribus adhuc protu-
 berantibus possit interstingui. Id verò si ita se habeat;
 quæso quot necesse est esse anfractus, sinus, recessus-
 que in quouis semiglobulo, qui neque ad S, neque ad
 L spectent; & ex quibus directi radij aliò, quàm ad
 oculum in iis constitutum perueniant? Heinc verùm
 quidem est tangenteis ductas in generalem totius se-
 miglobuli ambitum, minorem illius portionem com-
 plexuras ex puncto S, quàm ex puncto L; sed qui
 tamen radij prouenient ex portione minore ad pu-
 pillam in S, erunt longè plures, quàm qui ex maiore
 ad eandem pupillam in L. Quippe, quæ portiones

semiglobulorum, squammularum instar extremè superpositorum, obuertuntur puncto L, paucae, ac paruae sunt comparatae ad illas, quae inter anfractus, sinusque detectae obuertuntur puncto S. Adeò vt subtenfa quidem totalis inter duo puncta contingentium ex L, sit non nihil maior subtenfa inter puncta contingentium ex S; at vicissim aggregatum ex particularibus subtenfis inter puncta contingentium super-exstanteis semiglobulos ex puncto S, sit longè maius aggregato ex subtenfis inter puncta contingentium ex puncto L. Ex hocque est, cur oculus in S minorem quidem portionem generalis ambitus videat; sed videat tamen distinctius, ob plurium partium discretionem; & apprehendat etiam maiorem, quàm quae apprehenditur ex L, quoniam inter parteis ex L perceptas, & contiguas visas, percipiuntur aliae interceptae, quae illas non contiguas demonstrent, sicque totalem portionem dilatatiorem exhibeant; cuius proinde extrema aperiantur magis, & angulum, seu cuspidem pyramidis ampliorem efficiant.


X. Missam heic facio compensationem, qua oculus in L reparat iacturam radiorum, qui ipsum praetereunt ex superficie D G, & singulorum eius semiglobulorum. Quippe recedendo ab S, deregat semper nouas, ac nouas parteis citra D, versus α , & ultra G, versus β : efficiturque, vt cum angulus α L β , sit aequalis angulo D S G, dici possint tot radij coire in L, ex portione hemisphaerij maioris α D G β , quot coeunt in S, ex portione minoris D ϵ G: quasi quantum isti rarescunt, tantum illi succurrant, qui intertexantur, ac medium

semper æquè plenum radiorum, seu specierum faciant. Hac certè ratione intellexi Paradoxum illud propositum de oculo, qui non ampliùs vno prospectu videat, quàm alio; licet nunc in cœlum, nunc intra domum, aut manum respiciat; Quoniam scilicet tam propè, quàm procùl visibilia disponuntur secundum hemisphærium; & quantumcùmque res in paruo hemisphærio sint minores, paucioresque diffundant radios; nihilominùs ex radiis ab illis diffusis, non pauciores pertingunt ad pupillam, pro ratione viciniae, quàm pertingant ex diffusis à pluribus, ac maioribus, pro ratione distantiae. Sic Luna, v. c. pertinet quidem ad minus hemisphærium, quàm Sol, & Sol (incomparabiliter maior) effundit quidem ex se plures sui radios visibilibus, quàm Luna; sed quia tamen Luna tantam occupat portionem hemisphærij minoris, quantam Sol maioris, (dimidium gradus videlicet) heinc fit, vt non pauciores radij ex Luna, quàm ex Sole perueniant ad oculum, in vtriusque hemisphærij centro constitutum. Qui verò plures radij ex Sole, (etiã ex parte nobis obuersa, emittuntur; ij hûc illûc variè, & in varias mundi pârteis diffiliunt; & accepto disco dimidij gradus in cœlo Lunæ, tam illum præterfugiant, quàm in terra oculum nostrum; adeò vt nobis perinde sit, seu Sol in suo cœlo tantus sit, quantus est; seu constitutus intelligatur in orbe Lunæ, quanta est Luna. Quod dico autem de Sole, & Luna, facilè intelligitur de quolibet globulo, qui in hemisphærio vicino occupet etiã dimidium gradus: & si accipiantur granula, quæ tantulam portionem hemisphærij vicini

occupent, quantam occupant stellæ in hemisphærio firmamenti, intelligitur quoque tantum radorum visibilium ex illis, quantum ex istis peruenire ad oculum. Nimirum, qui plures absque proportionem funduntur ex stellis, ij per totam mundi immensitatem circumsparguntur; & qui heic supersunt, inque pupillam ingrediuntur, non plures sunt, quam qui ingrediuntur ex propositis granulis. Pendet res ex iam antè dictis de radiis tanto semper magis rarefcentibus, quanto magis ab obiecto effundente recedunt. Ex hoc enim efficitur, vt inter extremos peruenientium ad oculum, pauciores semper intercipientur, qui & parteis referant pauciores, & propter non visas interceptas, vntiores; vnde & obiectum apprehendatur minus. Nihil refert porrò seu Solem, aliudve obiectum videas forma globosa, seu plana, seu alia, quod spectat quidem ad paucitatem, multitudinemve radorum oculos subeuntium; quoniam modò æqualis occupetur portio hemisphærij, tantundem ex vna figura est subiturum, quantum ex alia; quatenus licet convexa superficies sit maior, quàm plana; ob vtriusque tamen inæquabilitatem sit, vt in devexa verruculæ lacunas tegant, magis quàm in plana; sicque ex illa non plures partes in pupillam, quàm ex hac directè spectantes supersint. Specula plana id pulcrè docent: & Pictores quoque scitè referunt; cum & huc pertineant quas vocant Perspectivæ decurtationes; sed subnotasse satis est. Addo solùm, cum dixi tantum radorum peruenire ex hemisphærio paruo, quantum ex magno: intellexisse me vtrumque pari lumine collustratum;

nisi fortè rem ita suppleas, vt ex partibus vmbrefactis tot prodire radij subintelligentur, quor prodire ex illis possunt, quando reipsâ in luce sunt.

XI. Addis ipse, Sed iam statuamus oculum in K, in quem non ampliùs facialiter, sed ex obliquo radij superficièi DG



incurrant. Erunt certè quadam spatia, quæ non cernentur propter *interuentionem*, seu interuentum corpusculorum, & illæ partes latebunt infra planum, quod visum terminat; sed non videbitur minor illa superficies DG, quod pauciores radij in oculum incurrant, sed quod sub minori angulo fastigientur. Et certè non potes *variā visibilium quanti-*

tatem, illiusque causam, nisi diuersæ angulorum magnitudini assignare. Prioribus verbis declaras eximè id, quod ego hæcenus dixi. Quæsierim solùm, an-non illæ partes, quæ latent propter *εμπόδιον*, radios emittant, perinde, ac aliæ? Et cum negaturus id non sis, quare non perinde videantur? An-non dices, quia radij ex illis prodeuntes aliò, quàm in oculum tendunt, neque coeunt inter radios D K, & G K; sed excedunt, ac variè interfecant lineam D K? Cur non igitur pari modo existimare debeamus contingere idem in L, propter *εμπόδιον* varias, quæ efficiunt, vt tam multi radij aliò, aliòque deflectantur, neque concludantur lineis D L, G L, sed multifariàm diuariantur, varièque illas interfecent? Sed ad hoc caput. Dicis *superficiem D G non videri minorem, quòd pauciores radij in oculum incurrant, sed quòd sub minori angulo fastigiantur*: at videris mihi non rectè separare, quæ iuncta sunt; inò alterum ipsorum negare. Nam verum est quidem, quotiescumque angulus sit minor, rem videri minorem; sed simul tamen verum est, pauciores radios coire in oculum. In tuo certè isto exemplo, defunt oculo existenti in K radij illi ob *εμπόδιον* diuergentes, qui non defunt existenti in L. Quinetiam, cum angulus intelligatur ex radiis extremis, interceptisque compositus; & intelligi non possit ex maiore euadere minor, quin detrahantur radij, quibus minor à maiore superatur; idè priùs quodammodo secundum naturam videtur, pauciores esse radios, quàm angulum esse minorem. Quare & quòd superficies minor appareat, videris non ita debere referre

ad minorem angulum, vt propterea excludas pauciorum numerum radiorum. Videtur aliunde, posse quidem vsurpari angulum, cum de dimensione apparentis magnitudinis agitur (quod extrema tua verba tenent) at cum de causa physica: videri magis proprie vsurpari radios, quibus partes repræsentantur. Addere possem rem æstimandam ex imagine, quàm speculum planum exhibet, & pictor imitatur: sed istud heic quoque insinuasse sufficit: cum obseruare præster, superficiem D G, dum apparet minor ex K, non videri tamen minùs continuam, quàm cum apparet ex L, aut S. Id nimirum, quia licet maiores lacunæ intercipientur, quæ ideo videri non possint, quod radij ex ipsis prodeuntes non dirigantur in K: nihilominus quicumque prodeunt, ac diriguntur ex lacunarum extremis, seu ex partibus eminentioribus tam citeriorum, quàm vlteriorum semiglobulorum, ipsi tam contigui, vnitive sunt, quàm qui perueniunt ad L, aut S. Ex hoc autem fit, vt intercapedine nulla apparente inter citeriorem quemque, & vltiorem semiglobulum, ipsa vtriusque puncta, ad quæ contigui radij terminantur, appareant contigua, siue indistantia: ac interuallum proinde tantum sit contractius, quàm in L, aut S: quantum radiorum seclusum est, qui ex partibus intra lacunam depressis intercipiuntur, ac perueniunt ad L, aut S.

XII. Quo loco fortassis non grauabere, si memoriam causam, ob quam putem rem aliquam apparere nobis distantem: seu vnde contingat distantie apprehensionem fieri. Notum tibi est quid Lucretius,
quid

quid ceteri comminiscantur: ego, ne quidpiam non comminiscar, existimo rei distantiam apprehenduntaxat ex comparatione rerum inter illam, & nos, aliamve rem interceptarum. Quippe quoties oculo arbitro iudicandum est de rei distantia, solemus axem oculi versùs illam dirigere; & quia præter radium ex illa in medium pupillæ incidentem, incurrunt à dextra, à læua, supernè, infernè, & vndequaque radij alij, qui in parteis pupillæ remotiores incidunt, quovsq̃ue extremi desinant versùs genas, frontem, pedes, aliasque parteis corporis; inde fit, vt res illæ omnes, ex quibus radij prodeunt, appareant circumquaque ex ordine, & quasi in formam hemisphærij sitæ, in cuius quasi centro ipse oculus constitutus sit, & cuius quasi semidiameter sit axis, quo oculus illam contuetur. Heinc ergo apprehenditur axis, qui idem est cum ipsa distantia longitudinis alicuius; & corroboratur apprehensio, quòd res non appareat adiri posse ab oculo, nisi ex ordine relinquendo, ac ponè sistendo parteis hemisphærij visi, lateraleis, superiores, ac inferiores; adeò vt facta resectione per quasdam quasi transuersas chordas, axis, ac proinde distantia non-nisi ex ordine, ac sensim decurratur. Argumento est, quod mox antè innuï. Nempe, si lacunæ sic interceptantur, vt radij, qui ex citeriore, & vltiore lacunæ ora prodeunt, contigui accedant; ipsa lacunæ intercapedo pro nihilo habetur; & quod vltra lacunam est, contiguum apprehenditur cum eo, quod citrà. Sic apprehendimus iuga montium indistantia, & sublimius (nisi ratione altitudinis, de-

uexitatisque) non distare magis à nobis, quàm humi-
 lius; tametsi valles, planities, collesque etiam interci-
 piantur. Sic solemus campos, quantum-vis prolixos,
 pro angustis reputare; quòd anfractus omneis inter-
 ceptos non peruideamus; & de longitudine iudica-
 mus solùm ex radiis, qui ad nos contigui feruntur. Sic
 domorum, turriúmque fastigia vltra ædeis, aut col-
 leis visa habemus tanquam ædibus, collibus-ve ponè
 cohærentia; non æstimatis interstitiis, quæ sæpenu-
 mero magna sunt. Sic Solem quoque, dum emergit,
 aut deprimitur infra horizontem, ducimus contiguum
 ipsi terræ parti, è qua radius in oculum mittitur; quo-
 niam hic radius cum radio ex Sole contiguus acce-
 dit; neque vlli accedunt ex immenso illo interuallo,
 quod ab illo telluris puncto ad Solem vsque interci-
 pitur. Inde autem fit, vt diameter Solis non appareat
 maior, quàm sit portio terræ ab eo comprehensa; vt-
 que, dum sursum attollitur, apprehendatur, & tantun-
 dem distans, & tantæ magnitudinis; quoniam cùm cœ-
 lum appareat quasi fornix, siue hemisphærium, cuius
 oculus centrum sit, semidiameter verò apprehensa
 distantia inter oculum, & ipsius terræ in horizonte
 punctum; necesse est eadem distantia, magnitudinis
 que fiat apprehensio. Idem euenit, si Sol exoriat
 præter fastigium montis, turris, domus; indeque est,
 cur canes Lunæ allatrent, quòd ipsam præter domus
 fastigium exorientem, aut exortam apprehendant,
 tanquam non magis distantem, quàm tectum; neque
 maiorem, quàm sit portio tecti ab ea comprehensa; ac
 non habeant, veluti nos, vnde corrigant apprehen-

sionem. Quod ideò insinüò, quoniam si nos iudicamus Solem, aut Lunam maiores, distantioresve esse, quàm appareant; id mentis est, non sensus opus; & quo pacto in istis est, eodem & in omnibus aliis. Vniuersè enim illa omnia apprehendimus æquè distantia, in quæ dirigentes axem oculi, tantundē hemisphærij heinc inde superstes habemus; cūm proūt maior, vel minor portio hemisphærij superest, maior quoque, vel minor apprehendatur distantia; quæcūque tandem vera sit: quæadmodum etiam illa omnia apparent æqualis magnitudinis, quæ apparent nobis sub eodem, aut æquali angulo; cūm proūt vel maior, vel minor fuerit angulus, magnitudo maior, vel minor appareat; quicquid demūm de vera sit. Cæterū ipsa discernit Mens: quatenus accedendo, recedendo, metiendo, conferendo, nihil non explorando, quid de vera distantia, & magnitudine sentiendum sit, argumentamur. Sed hæc obiter; nisi dicendum quoque videatur, cur imago nostra tantundem vltra familiare speculum, quantum citrà sumus, appareat. Paucis porrò causa videtur, quoniam apprehenditur primūm quæ distantia à nobis in speculum est, ex comparatione corporum interpositorum. Deinde autem, quia oculus videt in speculo imaginem non in eo defixam, sed à nobis alapsam, perindeque est, ac si oculus ex speculo ipso nos contueretur; idcirco eadem distantia iteratò apprehenditur, sed reciproca, seu inuersa comparatione. Et quia reflexio facit, vt non sit necesse oculum transferre in speculi locum, nec mutare illius situm, vt conuertatur ad nos; ideò post axem, qui à nobis

in speculum tendit, excipit continuò axem, qui ex speculo ad nos; & propter situm inuariatum, habet vtrumque pro continuata eadem recta linea, cuius dimidium sit ex nobis in speculum, reliquum dimidium ex speculo ad imaginem ultra speculum, vbi nos, ex quibus prodit, repræsentet.

XIII. Insistis, Animaduerte ergo, vir clarissime, & bene distingue luminis effluxum, prout collustrat, ab eo, quo rerum in oculo pinguntur imagines; & videbis vera esse axiomata Opticæ, quæ pronunciat, Omne punctum lucidum radiare sphaeraliter: proinde, si in superficie aliqua fuerit, hemisphaeraliter radiare. Heinc fit, ut ab omnibus oculis, qui supra hemisphaerium illud eleuantur, cerni queat. Omneis pariter parteis superficiei radiare hemisphaeraliter, nec pauciores illarum radios in oculum longius distantem, quàm in propiorem ferri, imò sæpius plureis: nec latere aliquas, nisi quia deprimuntur infra planum visum: terminans: non autem quia speciei partes dissipantur, & aliò feruntur. Non est, cur aliquid hoc loco ad ante-dicta adiciam, exsequutus iam qualis sit, aut non sit distinctio inter effluxum radiorum lucidorum, visibiliumque sphaericum, ac pyramidalem; itemque quemadmodum sit verum, ac intelligendum Opticæ axioma de lucido puncto seu sphaeraliter, seu hemisphaeraliter radiante. Dixi prætereà quatenus visibile punctum cerni queat, aut nequeat ab omnibus oculis, qui supra hemisphaerium eleuantur: cùm etiam innuerim præter hemisphaerium generale, in quo totum obiectum est, secundum suum diametrum, subtensamve: vnâquamque eius partem, & particulas partium omneis specialia habere he-

misphæria, versus quæ radiant, & quorum respectu diametros, subtenfasve, & quasi horizonteis habeant, aliò obuertos, aliòque versus partem maximam radiationis dirigentes, quàm quò generale hemisphærium obuertitur, ac dirigit. Declaraui consequenter, quatenus omnes superficiei partes radiant, vel non radiant; ostendendo simul quemadmodum improbabile sit non pauciores radios ex eadem re, aut rei parte in distantiore oculum ferri; cùm etiam insinuauerim quemadmodum oculus distantior totidem quidem excipiat radios, quot propior; sed nempe facta substitutione radiorum ex rebus priori circumpositis prouenientium. Quod postremò dicis *latere parteis aliquas quia, deprimuntur infra planum visum terminans, non autem, quia speciei partes dissipantur, & aliò feruntur*; vide qui coherere possit. Nam, negas-ne parteis, quæ deprimuntur, emittere species? negas-ne has species dissipari, & aliò ferri, quàm versus oculum, quem partes, vnde prodeunt, latent? Sanè, cùm eiusmodi partes ex ea regione, cui obuertuntur, videri possint; id fieri non potest, nisi quia sui species in illam regionem emittunt. Et cùm non videantur ab oculo, à quo sunt auersæ; quam-nam ob causam illum latebunt, nisi quia sui species aliò, quàm versus ipsum effundunt? Addo, cum duæ sint causæ coniunctæ, vna remota, alia propinqua; videri te immeritò assumere illam, reiicere hanc. Quippe, cùm vnæquæque res eatenus appareat, aut lateat, quatenus sui speciem emittit, aut non emittit in oculum; heinc fit, vt causa proxima, cur oculus aliquid videat, sit ipsa

à specie facta informatio; cur non videat, ipsa informationis priuatio: Tu tamen hanc pernegas causam, & remotiorem solam retines, nempe ipsam obiecti in plano constitutionem, aut ab illo depressionem, qua nihilominus inuariata potest effectus consequi. Quoniam potest obiectum non videri, ob aliquod corpus interpositum; non mutato profectò plano, sed deficiente informatione, quæ ob negatam speciei transmissionem, impeditur: & potest pars obiecti auersa videri ob speculum oppositum; non mutata sanè depressione, sed facta, à specie deflexa in oculum, in informatione.

XIV. Postremò sic ais, Neque porrò, si res per telescopium cernitur, maior videtur, quia plures speciei partes incidunt in vitrum; sed quia per refractiones maiores fiunt bases angulorum speciei asserentium. Si v. g. vitrum convexum telescopij ita contegas, ut portio equalis foramini cornea remaneat libera; non minùs dilatabitur species rei visibilis, saltem partis illius, quam videbis, quàm si super totum vitrum radij inciderent. Hoc te decepit: credidisti species ab obiectis emissas tanquam à centro ad circumferentiam ferri: cum tamen tanquam à circumferentia ad centrum ferantur. Veruntamen ex hætenus dictis fieri videtur perspicuum, rem, quæ cernitur telescopio, aut vniuersè specillo convexo, idè maiorem cerni, quia plures speciei partes incidunt in vitrum, & intercedente vitro in pupillam, quàm sine vitro incidant in eandem pupillam. Nam verum quidem est baseis angulorum per refractionem maiores fieri; sed maiores nimirum fiunt, quoniam præter radios, qui in oculum

vitro nudatum inciderent, tanquam prodeuntes ex partibus, facieculisve ipsi obuersis; vitrum excipit quoque alios prodeuntes ex partibus, seu facieculis lateralibus, deuexisve, ac illos pupillam proximè effugituros deflectit, cogitque in eandem pupillam. Ex quo efficitur, vt vitrum sit quasi altera pupilla, idemque præstet, quod dilatatio eiusdem pupillæ Lunam, aut Venerem proximè perigeiam noctu contuentis, respectu ipsius-met per lucem diurnam contractæ, & easdem-met Lunam, aut Venerem respectantis. Vt enim pupillâ noctu dilatatâ, maior sit in ea pyramidis sectio, basisve eius anguli, qui in oculo medio coalescit, quàm in eadem interdiu contractâ; ac idcirco Luna, & Venus apparent maiores, atque distinctiores propter alapsos plureis radios partium plurium demonstratiuos: ita vitro convexo existente maiore, quàm sit ipsa pupilla, sit in vitro sectio, basisve anguli intra oculum conformati, maior eâ, quæ fieret in pupilla vitro orbata: exindeque est, cur obiecta maiora, distinctioraque appareant vitro convexo præposito, propter plureis radios, seu speciei parteis in illo exceptas, deflectasque, & transmissas in oculum. Non repeto verò obiectum secundum eam basin apparens, idcirco apparere maius; quia vt necessarium est basin maiorem ex maiore numero radiorum contexi; ita necesse est obiectum apparere maius, ex repræsentato per radios, maiore partium numero. Non repeto quoque idem obiectum apparere distinctius; quoniam præter parteis nudo oculo, per radios contiguos spectatas, atque adeò contiguas visas; deteguntur aliæ proximè deue-

xæ, & ad lacunas deuergentes, quæ iam interceptæ prioribus, illas discretas exhibeant, vt non ampliùs visas per radios contiguos: eo modo, quo, dum aliquis conscendit montis fastigium, campos distinctiùs detegit, ob detectas fossas inter margines, qui apparebant priùs contigui. Quæsierim te solùm, qua alia ratione posse putes dilatationem, discretionemque hanc explicari? Si enim in re dilatata non sunt plures partes, quàm in contracta: an-non est necesse vel admittere interstitia inania, seu in quibus nullæ sint partes: vel concedere vnâ partem esse in locis pluribus: quandò in contracta suum quæque locum occupat, ipsumque ita adæquatum, vt maiorem occupare sine sui distractione, aut multiplicatione non possit? Vtrumque porrò incommodum ex ea, quam propono, explicatione deuitatur: quoniam cùm obiectum maius, distinctiùsque apparet, ita fieri necesse est ob explicationem superficiem, quæ cùm propter varios sinus, anfractusque veluti complicata sit, per telescopium diducitur, & supra conuexitatem vitri explanatur: eo modo, quo pannus sinuosus diducitur, & supra tabulam dilatatur. Siquidem pannus quoque sinuatus ostendit tantum parteis in fronte locatas, quæ pro vna breui superficie habentur: expansus verò & ostentat plureis priùs ininspectas, & ex iis interpositis sui superficiem demonstrat ampliorem. Quod dicis porrò de vitro convexo ad æqualitatem pupillæ redactò, nihil causam iuuat. Nam vt præteream confusionem, obscuritatemque, & concedam partem rei visæ perinde dilatari parte vitri, ac toto vitro
totam

totam rem; id planè consentaneum est, quatenus tam pars resecta anfractuosa est, quàm contactæ cæteræ; ac tam potest ampliari ratione suæ magnitudinis, quàm vnaquæque alia ratione suæ, & tota ipsa res ratione totalis. Id esse debuerat consequens ex te, vt parte vitri resecta non existente maiore, quàm pupilla, appareret non rei pars, sed ipsa res tota æquè magna, atque distincta, ac toto resecto, liberòque vitro; quod vti profectò non fit, sic neque ipse ausus es absolutè asseuerare.

XIV. Quod autem mones de deceptione, amicè accipio; ac desidero solum edoceri, quomodò species ab obiectis emissæ non sphæricè simul, & pyramidaliter ferantur ratione antè exposita. Heic vnum addo, vt consideres, quónam iure me putâris deceptum. Cùm animalculum acari nudo oculo conspicias, & vides quasi punctulum album; non alia ratione vis eius specie emitti in oculum, quàm vt à superficie ad centrum. At primò, cum eiusmodi centrum sit intra oculum, seu in humore vitreo non procùl à retina, & radij omnes, ex quibus species acari constat, in ipsum coëant; quæso, isti - ne radij irrefracti, an refracti illò perueniunt? Dices haud-dubiè refractos esse; non ex transitu modò per crystallinum, sed ex transitu etiam per pupillam. Quæso deinde, an refringantur ex tota pupilla, an ex quadam ipsius parte? Dices haud-dubie ex tota, quoniam non negabis allabi in totam. Atqui si ex acari radij allabuntur in totam pupillam, illi-ne emittuntur vt à circumferentia ad centrum? An - non, cum acari punctulum sit, & pupilla ipsius compara-


tione prægrandis, censendi sunt potius radij vt ex centro in circumferentiam emitti? Inferre heinc possem, cum nullum sit corpus ita magnum, vt eius superficies non intelligatur contexta ex particulis acari non maioribus; nullam ex singulis ipsarum (atque adeò à tota superficie) radiationem in pupillam fieri, nisi vt à centro ad circumferentiam. Verùm, vt in solo acari consistam; Esto, nulla fiat refractione neque in pupilla, neque in crystallino; sed pyramis cepta à basi diametro acari non maiore, decrescat tenore vno, donec desinat in humorem vitreum angulo acutissimo, & cum basi proportionem habente. Habeto deinde oculum immotum, vt inuariata distantia sit, & interpone vitrum convexum microscopicum, quo acari appareat decuplò, v. c. maius: Quæso, an-non præter emissionem priorem secundum pyramidem, seu à circumferentia ad centrum, admittas aliam iam fieri, quæ sit secundum sphaeram, seu à centro ad circumferentiam? Si admittas, benè res habet: si non admittas, quæso an pyramis, eadem sit iam, quæ fuit priùs? Non diceres sanè esse eandem: quoniam idem angulus foret, eadem basis, & acari tantulum adhuc videretur. Diceres ergo esse diuersam, decies maiorem videlicet. At ubi nam est eius basis? Nonne diceres in ipso vitro? Certè ex acari vsque ad vitrum nulla penitus est facta mutatio; totaque mutatio est ex vitro ad ipsum vsque oculum. Quorùm verò basis est decuplo maior in vitro, quàm in acari? An non quia ex acari species radiat in totum vitrum, & ibi fit communis basis duarum pyramidum, quarum mucrones vnus in acari, &

alius in oculum vergant? Si ita sit verò, dic mihi, amabò, quæ deceptio sit, credere emissas ab obiectis species non tantum ut à circumferentia ad centrum, sed etiam ut à centro ad circumferentiam? Sed de priore capite nimis.

XV. DIFFICULTATEM Alteram facis circa Paradoxum, quod proposui de elicitâ Visione distinctâ per unicum oculum. Sic autem ordiris; Ad aliud transeo. Demiraris quâ Optici non animadverterint impossibilem esse, quam depradicant axium coitionem? Mirabuntur & illi Optici, quâ ratione ductus, à suis dogmatibus deflexeris, præsertim cum tam sensibiles demonstrationes proferant? Ego verò, mi Bullialde, quâ ratione ductus fuerim, ut deflecerem ab aliquibus Opticorum non demonstrationibus, sed suppositionibus duntaxat, sine quibus illis fas est demonstrationes peragere; ita mihi videor exsequutus, ut repetere necesse non sit. Heinc non inficior quidem illos proferre demonstrationes admodum sensibilibus; at proferre aduersum me, Paradoxumve propositum, hoc est, quod prorsus nondum agnosco. Et attendo tamen, quoniam ipse mones, concludisque etiam postmodum his verbis, *Hæc sunt, vir clarissime, quæ tibi proponenda habui Opticis fundamentis superexstructa, & demonstrationibus explicata.* Sed nunc quidem sic pergis, *Attende quæso, & termina visum super aliquo obiecto, quod à plano, ad quod comparatur, aliquo spatio distet.* Clauso deinde per vices oculorum altero, senties talem parallaxim fieri, *ut ab oculo dextro visum obiectum transire videatur ad parteis sinistras, à sinistro verò conspectum, dum clauditur dexter, transire*

videbitur ad parteis dextras. Veruntamen, seu hæc proponas, vt simplicem admonitionem, seu vt vnam ex illis sensibilibus demonstrationibus, de quibus præloquutus es; nihil fuit proponere necesse; cùm ipsemet non attenderim modò, sed apertissime etiam proposuerim; & non modò non pernegârim, sed in partem quoque demonstrationis assumpserim; idque vbi præter exemplum ex nalo, ac libro desumptum, verba mea huiusmodi fuerunt, Defixum queso baculum habe, & non nihil semotus in eum inspice. Etenim, clauso oculo dextro, videbis illum obtegentem certam partem parietis, alteriusve rei ultra constitutæ: & clauso sinistro, agnosces obtegere aliam, intercepto spatio parallaxi dicto. Aperto postea, &c.

XVI. Sic deinde pergis. Ad aliud exemplum te pro-



uoco. Sint oculi A B; Obiectum, super quo terminantur axes, sit E, cuius unica videbitur imago. Quòd si aliud sit inter oculum, & illud, super quo axes oculorum iuncti quiescunt, verbi gratiâ F & contingat allata illius specie ad oculos per lineas FB, FA, & axibus oculorum ultra F iunctis in E, fieri decussationem, & exinde parallaxin; ita ut oculus A videat obiectum F in C, etsi confuse: oculus B videbit in D. Atqui F, & E sunt in eadem linea: radij ergo à B, & A ducti in E coincidunt, & faciunt angulum. Sed oculi respiciant simul F, claudatur dexter A; videbit sinister B obiectum in D; claudatur sinister B, videbit obiectum dexter A coincidere cum C. Quaeso, nisi coirent axes, credis-ne talem parallaxem contingere posse? Fortassis ista potius pro demonstratione proponis; verùm, si demonstratio sit, quàm oportet me habeas rudem, qui illius vim non percipiam! Sequar te, quia lubet præire, neque pigebit retexere. Sint oculi A B, Obiectum, super quo terminantur axes, sit E, cuius unica videbitur imago. Fateor ego vnicam videri obiecti E imaginem. Fateor rursus axem oculi A, & axem oculi B terminari alternatim posse in obiecto E. At, si tu intelligas axes simul, temporèque eodem in E terminari, imaginemque simul videri ab utroque oculo: iam id supponis, quod quæritur, quodque ego, & experientia, & ratione nixus reuoco in dubium. Pergis, Quòd si aliud sit inter oculum, & illud, super quo axes oculorum iuncti quiescunt (heic manifestè supponis coniunctionem axium in puncto E, quæ tamen, ut dixi controuertitur, cùm experientia, & ratio militet pro parallelismo) verbi gratiâ F;

& contingat allata illius specie ad oculum per lineas FB ,
 FA , & axibus oculorum ultra F iunctis in E (Et heic
 quoque idem supponis) fieri decussationem, & exinde
 parallaxin, ita ut oculus A videat obiectum F in C , et si
 confusè; oculus B videbit in D . Videris quoque intel-
 ligere decussationem radiorum per quos F confusè
 videtur, fieri eodem tempore, ac dum intereà fit con-
 iunctio axium, per quos E distinctè videtur; ita vt,
 quo tempore E videtur distinctè ab utroque oculo
 (non definis vbi) F videatur confusè in C , ab oculo A ,
 & in D , ab oculo B . Verùm istud ipsum, non minùs,
 quàm illud controuertitur; ipseque pariter non mo-
 dò rationem, sed experientiam quoque aduersum te
 habeo. Et vt de ratione ex parallelismo motus oculo-
 rum nihil repetam, vel ad subnotanda remittam, Di-
 co heic primo, Si linea GE , sit directè obuersa na-
 so, locove inter oculos medio, & punctum E sit sen-
 sibili spatio distans ab vltiore corpore CID ; forè,
 vt si E distinctè videatur, non videatur in I , sed vel in
 ipso K , si axis quidem ex A directus, intensusve fuerit
 versus E , otiantè interim, & relaxato axe ex B obuer-
 so ipsi M : vel in ipso L , si axis directus, intensusque
 tetenderit ex B in E , otiantè interim, & relaxato axe ex
 A obuerso ipsi N . Atque huiusce rei tot habeo experi-
 menta, non mea modò, sed & virorum plusquàm cen-
 tum, quos ad id iussi attendere; vt si tibi quidem, &
 aliis, propter diuersam oculorum conformationem se-
 cùs còtingat, saltem simus parès in hoc, quod tam mihi
 liceat. quàm tibi, id, quod experior supponere; neque
 tu possis, magis quàm ego, id, quod experiris, habere

aut pro confesso respectu omnium, aut pro vniuersè
ostenso. Dico secundò, si respexerimus in E, visione
distincta, visum quidem iri F visione confusa; sed non
tamen simul ad vtramque partem. Quoniam quo-
ties, & quandiù E distinctè videbitur ab oculo A in K;
toties, ac tandiù F videbitur confusè in C, non autem
in D: quoties verò, & quandiù E videbitur distinctè
ab oculo B in L; toties, ac tandiù F videbitur in D, non
autem in C. Id autem toties expertus loquor, vt quan-
tam mereor apud te, tantam facere fidem possim. Per-
gis, *Atqui F, & E sunt in eadem linea.* Sunt; at quor-
sum id assumis? an vt in hunc modum concludas,
*Ergo à B, & A ducti in E coincidunt, & faciunt angu-
lum?* Atqui hæc ipsa fuit propositio, quam non con-
tentus supponere, infers etiam heic ab inexpectato.
Subsumis, *Sed oculi respiciant simul F* (hoc pari modò
iam supponis, cum æquè controuersum sit) *claudatur*
dexter A, videbit sinister B obiectum in D: claudatur si-
nister B, videbit obiectum dexter A coincidere cum C. Id
quidem verum est: quid tum verò? *Quæso, nisi coirent*
axes, credis-ne talem parallaxem contingere posse? Sed
ego quælo, quam consequutione probas non pos-
se contingere, si axes non coeundo, sed alternando,
in idem F dirigantur? An-non experiri rem oportuit
oculo vtroque manente aperto, vt, si videretur obie-
ctum simul in D, ac in C, credi posset parallaxis contin-
gere ex coitione axium in F; non verò altero vicissim
clausò, apertoque; vnde ipse argumentatus sum paral-
laxin contingere ex alternatione duntaxat?

XVII. Prosequeris porrò, *Aliud afferam. Si termi-*

naueris visum in F , & post F respexeris obiectum H in
 eadem linea FE existens; simul & eodem tempore distinctè
 videbis F ab utroque oculo, sed H confusè. Hec nihil
 aliud, quàm inuertis dispositionem obiectorum; cæ-
 terùm enim eadem supponis, quæ pari iure controuer-
 tuntur, & à me præsertim, iisque omnibus, qui ita
 habemus comparatos oculos, ut diuersa planè iis,
 quæ tu proponis, experimenta peragamus. Idem ma-
 nifestè contingit circa id, quod subdis, *Quod si semper*
figendo visum super F , claudas oculum B , videbis H ad
parteis oculi aperti A ; si claudas A , videbis H oculo B , ad
eius parteis: Sunt autem F, H in eadem linea. Siquidem
 nihil minùs contingit. Nam potiùs figendo visum, id
 est oculum, quem relinquo apertum, super F , ubi clau-
 do oculum B , video constantissimè H non ad parteis
 oculi aperti A , sed ad parteis oculi clausi B ; quasi ni-
 mirùm obtegens C : & ubi claudio oculum A , video
 pari constantia H , non ad parteis oculi aperti B , sed ad
 parteis ipsius oculi clausi A , quasi nimirùm obtegens
 D . Et, si tu es quidem rem secùs expertus, refe-
 renti credo, sed tamen non sine stupore; adeò res
 mihi esse videtur non modò contra experientiam,
 verùm etiam contra rationem; quatenus concepta li-
 nea $H F$ transeunte per punctum G , à quo A , & B
 æqualiter distent, non potest linea $A F$ continuata non
 ipsam $H G$ secare, sicque tendere ultra illam, nempe
 versus C , quod est ad parteis, seu regionem attinentem
 ad ipsum B . Neque similiter potest linea $B F$ conti-
 nuata non secare eandem, sicque tendere ultra ver-
 sus D , quod est ad parteis, seu regionem attinentem
 ad

ad ipsum A. Et videri quidem potest objectum propius directè conspectum ad parteis oculi aperti; sed nempe tunc illud esse debet non in F, seu secundum lineam GH, verùm ad dextram lineæ AH, si respiciatur oculo A, vel ad sinistram BH, si respiciatur oculo B; quod aduersatur suppositioni de objecto constituto in F: neque existimare par est te, si rem es expertus, id non aduertisse.


XVIII. Postremò sic ratiocinaris; *Concedamus tibi lineas ab A, & B, oculis ductas ad H esse parallelas, quod ramen non est; non erunt parallela BF, & AF; quia BF non est eadem cum BH, & angulum cum ea facit. Pari ratione non erit AF parallela AH. Sunt autem axes oculorum, quibus distinctè cernitur F, & angulum faciunt in F. Ergo ibidem conueniunt, & coniunguntur.* Heic iam agnosco, mi Bullialde, te, cùm Epistolam legisti, aut habuisse cordi grauiora studia, quæ mentem tuam diuerterint, aut non reperisse, quod tuam attentionem promereretur. Nam in eo quidem non hæreo, quòd huius quoque ratiocinij energiam præruditate non videam, cùm & mihi appareat id supponere, quod probandum foret (scilicet lineas ex B, & A facere angulum in F) & quod assumit angulos fieri ex huiusmodi lineis, cùm lineis AH, BH, videatur esse quoque verum in lineis verè parallelis, quales sunt BV ipsi AH, & AZ ipsi BH. In eo potius hæreo, quòd mihi concedis rem neque petitam, neque, nisi helleboro me dignum iudices, petendam. Ego scilicet nunquam censui, quod ne venire quidem in mentem potuit, lineas ex A, & B oculis du-

etas ad H, esse parallelas; sed hoc censui, axe oculi A directo in H, axem oculi B tendere in V; & axe oculi B directo in H, axem oculi A tendere in Z: idque propter motus oculorum parallelismum. Id ipsum verò est, quod cognoscere ex Epistolæ contextu potuisses, si vacasset aduertere. Ecce versus ex illa paucos, vbi de subsultu, quem experimur, dum extremum nasum distinctè ex vtraque parte contueri volumus. Et quomodo certè fieri posse putes, ut nasum dextro respiciens, nasum quoque sinistro videas, quem abducis prorsus à naso? Id scilicet, quia propter motum oculi vtriusque conjugatum, & parallelum, fieri non potest, ut axis dextri versus nasum conuertatur, quin axis sinistri vertatur versus aurem sinistram. Itaque si axes non possunt in summitate nasi coire, quid est, cur putes oituros in libro paucis digitis remotiore? Quod si non coeunt, vides sanè alterum tantum dirigi in eam libri, seu manus versus partem, quam legis. Ut verò neque in libro, neque longè remotius coire, sed perpetuo parallelismo, quanta est inter se seu distantia, seu obliquitas oculorum, ferri experimento assequare, defixum quæso baculum habe, &c.

XIX. Ut hoc jam addam, non nego quidem, quin si aliquis oculos ita à natura comparatos habeat, ut non necessariò conjugatos moueat, sed possit, nisi, Chamæleonum instar, secundum omnem aut inflexionem, aut deflexionem conducere, aut diducere; saltem inclinare vtrûmque simul versus nasum. Non nego, inquam, quin ille possit & nasum, & remotiora alia utroque simul oculo videre; quatenus vtraque pupilla potest in objectum conuerti, & axis

visionis, qui per pupillæ medium transit, versus ipsum contendere. Non nego etiam, quin, si quis possit axem utrumque sic cohibere, ut nihil prorsus intendatur; sed species rerum pari, ut sic loquar, negligentia excipiantur à medio pupillæ, & ab omnibus circumpositis partibus; possit quoque objectum propius confuso quodam modo contueri inter eas objecti remotioris parteis, ad quas intueretur, si axes quodammodò intenderentur. Verum non subest, quare concedam, videri posse ullam seu rem, seu rei partem distinctè, disertè, clarè, ab utroque oculo simul; quoties oculi in parallelo statu sunt, aut parallelo motu feruntur. Addere possem neque eos quidem, qui utrumque oculum versus nasum simul inflectunt, videre propterea utrimque ipsum nasum visione distincta, & non potius confusa duntaxat: cum præsertim rem ita se habere declarauerint vnus, & alter, in quos incidi suos oculos eo modo flectenteis. Nempe & ijs quoque, ut in nasum conducantur oculi, relaxandi axes videntur, unde visio confusa sit; ipsis eisdem testantibus, si velint omninò distinctè intueri nasi partem alteram, alteram non perinde cerni. At quoniam agitur præsertim de constitutione oculorum naturali, secundum quam oculi solent tum parallelo situ objecta spectare, tum parallelo motu moueri; nō video quorsum debeam distinctam visionem concedere simul oculo utriq;. Ponamus certè oculos A B esse in situ merè naturali, & quo se habent modo, dum conuersos habemus in rem faciei erectæ obuersam; tunc medium pupillæ A, tendit directè ver-

148. *De Apparente magnitudine*
 sus Q; medium pupillæ B, versus R. Non disputo



heic de natura axeos visionis; cū licet ille non sit
 radius ex oculi fundo per medium pupillæ vsque in
 rem emissus, protensusque; possit nihilominus esse
 radius ex obiecto per medium pupillæ in oculi fun-
 dum transmissus; & qui censeatur visionis axis, qua-
 tenus facultas visus eo præsertim retinæ puncto, quod
 ab eiusmodi radio omnium directissimo, validissimò-
 que feritur, attendit, tenditque in ipsum obiectum;
 id que secundum lineam, quæ quamvis reipsa non sit
 alia, ab huiusmodi radio, consideratur tamen vt ab
 oculo, illiusve fundo tendens in obiectum. Vt cum-
 que sit; Sunt, vt dixi, oculi sic dispositi, vt oculo A
 cernente obiectum Q (clauso si velis oculo B) axis
 visionis sit linea A Q: & oculo B cernente R (clauso,

si velis oculo A) axis visionis sit B R.

XX. Tam, si oculo utroque immoto manente; ipsò quidem oculò A, respiciatur Q, visione distincta; vis tu cum communi sententia respici idem Q, oculo B, visione distincta. Igitur tunc axis oculi B, non erit amplius B R, sed B Q: igitur transferri debuit ex B R, in B Q. Atqui non potest axis transferri sine motione oculi; Igitur motus fuit oculus B; quod est contra suppositionem. Sed motus fuerit; igitur motus simul fuit oculus A, propter motum utriusque oculi conu-
gatum. Atqui moueri oculus non potest (capite præsertim immoto manente) quin axis simul transferatur; Igitur translatus fuit axis A Q, factusque est A Z, quod suppositioni pariter repugnat. Fortè, si magna sit distantia, deflexionem pupillæ B, axeosque illius inobseruabilem esse dices. Veruntamen, ut quid fiat, agnoscas, admove propius objectum Q ipsi oculo A, secundum eandem axis lineam; ita ut pupilla A perseueret semper immota, respectando in ipsum, quousque fierit, v. c. in S. Oportet per te, ut axis oculi B, prius deflexus ex B R, in B Q, continuata deflexione vertatur, efficiaturque tandem B S. Oportet igitur, ut pupilla quoque deflectatur & ex medio inter angulos oculi loco, conuertatur, & constet in ipsissimo interiore angulo. Quare, & eueniet, ut pupilla vna manente immota in oculi medio, altera flectatur interius, & cohæreat proximè nasum. At credis-ne hoc? expertus-ne es? putas-ne te posse vel in tuis, vel in alienis oculis, quantumvis tentes, experiri? Sed magis vrgeo. Esto, ex tua suppositione, objectum

in E. Vis tu cum communi sententia, ipsum sic videri distinctè ab oculo simul utròque A, & B, ut axes simul coeant, sintque A E, B E. Obseruentur ergo ab alio tui oculi, vel à te alieni, qua nempe sunt constitutione, cum respiciunt objectum E aliquantulum distans: Deprehendetur haud-dubiè vtraque pupilla in oculi medio, seu medio inter vtrumque angulum, interiorem, inquam, & exteriorem loco. Admoueatur postea objectum ex E, in H, deflectetur pupilla A versus angulum interiorem, ut axis ex A E, euadat A H. Quid tum aget pupilla B? Oportebit sanè ex te, & ex communi sententia, ut flectatur quoque versus angulum interiorem, ut axis ex B E, euadat B H. Admoueatur vltèriùs objectum in F: flectetur ampliùs pupilla A, versus eundem interiorem angulum, ut axis ex A H euadat A F. Quid pupilla B? Flectetur quoque versus eundem interiorem angulum, ut axis ex B H euadat B F. Admoueatur denique objectum proxime nasum, scilicet ad T, Flectetur tandem pupilla A in ipsissimum interiorem, siue intimum angulum, ut axis ex A F euadat A T. Quid pupilla B? Flectetur tandem & ipsa quoque in ipsissimum interiorem, siue intimū angulum, ut axis ex B F, euadat B T. Ita profectò necesse est euenire, & obseruari ex tua, & cōmuni sententia? At quæso te, quæso & illos, quotcumque attenderint, ita ne eueniat, atque obseruetur? Quæso, an-non potiùs experiencià probet, dum pupilla A deflectitur versus interiorem angulum, pupillam B deflecti versus exteriorem; adeò ut cum pupilla A peruenerit denique ad ipsissimum


interiorem angulum, pupilla B peruenerit ad ipsissimum exteriorem? Et, si res ita se habeat, pergesne suggillare, quod dixi demirari me, quî Optici non aduerterint impossibilem esse, quam deprædicant, axium coitionem?

XXI. Rogo te proinde iterum attendas, num quod dico sit probabilius; videlicet, Primum, axe oculi A directo in Q, axem oculi B, tendere in R; & tamen si objectum Q admoueat in S, axem ex A ita perseuerare directum in S, ut axis B non desinat directus esse in ipsum R. Deinde conuersâ pupillâ A, versus angulum interiorem, ut obuertatur objecto E, axem illius ita dirigi versus E, & continuatione lineæ in punctum vterioris corporis K, ut pupilla B conuertatur simul versus angulum exteriorem, obuertaturque puncto M. Ac pari ratione axe oculi A existente A H R, axem oculi B euadere B V; illo existente A F C, istum euadere B O; illo denique facto A T X^β, istum euadere B Y. Idque ex eo, quod, quantum pupilla A deflectitur versus angulum interiorem, tantum pupilla B deflectitur versus exteriorem. Rogo etiam consideres, num probabile sit, quod dixi, quoties vnus axis intenditur, & facultas per illum agit, objecto que attenda est, alterum relaxari, feriari, & facultatem totâ pupillâ, cuius axis relaxatur, non amplius vti, quam vtatur reliquis partibus remotioribus illius pupillæ, cuius axem intendit: hoc est tam illâ totâ, quam reliquis huius, præter axem, partibus excipientibus objectorum species imbecilliter, & confusè; ac tantò imbecillius, & con-

fusiùs, quantò magis receditur ab axe intenso ? Ita certè fieri videtur, vt oculo A videntè distinctè obiectum Q, vel S, propter intensiorem axis, oculus B non videat, nisi confusè, obiectum R, aut X, propter axis relaxationem: Idemque contingat, si oculus A videat distinctè, & ex ordine E, H, F, T; eodem enim ordine oculus B non videbit nisi confusè corpora ad M, V, O, Y: Quemadmodum vice versa, si axis ex B intendatur ad intuendum distinctè obiectum R, & consequenter E, H, F, T, relaxabitur axis ex A, neque, nisi confusè respicientur eodem ordine Q, N, Z, P, &c. Rogo rursùs animaduertas, an-non consequenter probabile fiat hanc ipsam esse germanam causam, quare obiectum existens in E, si attentè aspiciatur oculo dextro A, videatur in K, aperto licet oculo B, & si attentè aspiciatur oculo B, videatur in L, aperto licet oculo A. Quod etiam magis apparebit, si obiectum constituitur in H, in F, in T; tunc enim cùm attentè inspectum oculo A, videbitur in R, in C in ^β; nullo modo videbitur ab oculo B, tametsi aperto, in Q, in D, in ^δ, vt neque cùm attentè inspectum oculo B, videbitur in Q, in D, in ^δ, vlllo modo conspicietur ab oculo A, tametsi aperto, in R, in C, in ^β. Rogo denique mediteris, an-non probabiliter negem, quod extua, & communi sententia statuitur, fore, vt obiectum E attentè, seu directè spectatum ab utroque simul oculo A, & B, videatur in I.

XXII. Fateristu certè obiectum E spectatum oculo A, dum clauditur B, videri in K; & spectatum oculo B, dum

B, dum clauditur A, videri in L. Ex hoc manifestè sequebatur, vt aperto oculo vtroque, & neutrius axe relaxato, fatereris simul videri in K, & in L; at rem professus de visione confusa, non es perinde ausus profiteri de distincta. Et experientia sanè repugnat, qua constat rem in vno solo, non in duobus locis videri.



Restat igitur vt videatur E aut in solo K; aut in solo L; aut saltem medio inter vtrumque loco, scilicet in I. Cæterùm cùm ego defendam videri in solo K, si attendatur quidem oculo A: aut in solo L, si attendatur oculo B; nullo verò modo videri in I: Tu, & communis sententia, cùm non sit, cur statuatis potius in K, quàm in L, aut in L, potiusquàm in K; statuistis necessariò videri medio loco in I. Enimverò, cùm ex iam dictis videar ipse, & experientia, & ratione perspi-

cua niti : en quid præterea refragetur tuæ, communi-
 que sententiæ. Sequetur Primò vnum corpus obte-
 gere aliud ipsi oculo per lineam non rectam Nam si I
 tegitur à corpore E ipsi oculo A ; id fit non per rectam
 lineam I A , sed per lineam I E A. Qua eadem ratione I
 tegitur à corpore H, per lineam I H A ; & à corpore F,
 per lineam I F A ; & à corpore T per lineam I T A ; ac
 tempore eodem idem I tegitur oculo B, non per re-
 ctam lineam I B. sed per lineas I E B, I H B, I F B, I T B.
 Atqui hoc manifestè repugnat ; constat enim , si ex tri-
 bus corporib⁹ id, quod est medium, debet tegere vnum
 extremum alteri, oportere illud ita comparari, vt sit in
 eadem recta linea , qua ab vno extremo tenditur ad
 aliud. Sequetur deinde, si altero oculorum clauso, alter
 directè contueatur quoddam obiectum , à quo aliud
 corpus tegitur, non posse oculum manentem, apertum,
 quo tempore alius aperitur, perseuerare in visione obie-
 cti, vt obtegentis illud corpus ; sed tale quidem corpus
 obiectum ipsi reuelari, obtegi verò aliud. Nam si clau-
 so oculo B, oculus apertus A contueatur v. c. obiectum
 T, obtegens sibi punctum ϵ : statim atque B aperietur,
 non habebit ampliùs A obiectum ϵ per corpus T, sed
 habebit obiectum I. Atqui istud etiam manifestè re-
 pugnat ; constat enim tribus secundum rectam lineam
 constitutis corporibus, si nulla fiat mutatio neque in
 ipsorū aliquo, neq; in spatiis intermediis, fore vt eodem
 modo se habeāt. Sequetur præterea duo trianguli recti-
 linei latera nō esse tertio maiora, v. c. A T, T F ipso A E,
 in triangulo A T F. Sunt enim T, & E duo indiculi, si-
 gnave directoria in sagitta, aut tormentaria fistula, per

Quæ quidem signa tendatur in scopū I. Oculus A videt I, F, T in eadem recta linea; ergo quâ lineâ videt F, in ea continetur T. Atqui videt F, lineâ A F, axe scilicet; Igitur T continetur in linea A F; Sed aliunde T est in linea A T F igitur linea A T F (seu quod idem est, duplex latus trianguli) est eadem, aut saltem æqualis (ac proinde non maior) cum linea A F (seu latere tertio.) Quo loco monerem, sagitta, aut bombarda existente G F, Sagittarios, bombardariosque satis sponte ipsa cauere, ne oculus sit in A, aut B, & statuere illum omninô in G, vbi per te deberet esse medius nasus; Nam alioquin directio fieret non ad I, sed vel ad B, aut C: vel ad A, aut D. Verùm res notissima est; constatque, si nasus apponatur ad G, tum bombardam fieri A X, vt directio fiat in B: aut B S, vt directio fiat in A. Vnde & hûc spectat quod in Epistola spopondi, fore vt si bombarda sit A T X, adeò vt bombardarius oculo A videat duos indiculos T & X in eadem linea; fore, inquam, vt quamvis habeat apertum oculum B, non propterea sit aberraturus à scopo: vti neque nos aberramus, dum inter obseruandum cœlestia, cylindrulis duobus, quasi pinnacidiis collineamus ad stellam oculorum altero, alterum pro libitu clausum, apertumve habentes.

XXIII. Neque verò absurdum putes, quod existimo relaxari axem: siquidem nullum prorsus potest inde deduci incommodum: & præter deuitationem incommodorum propositorum, tum simile quid obseruatur in membris aliis geminis, tum res videtur consentanea ipsi instituto naturæ. Ac vt simile quidpiam dicam: attende quid fiat, quotiescumque stamus, &

utroque pede videmur nobis consistere. Nimirum; vel non aduertentes alteri tantum pedi insistimus hoc est toto corporis pondere, & musculis tensis in illum incumbimus; reliquo autem contingimus quidem terram, sed nullo nisu, & relaxatis musculis, ac solum ut fiat quædam quasi basis prolatatio, ne corpus totum vni innitens minima occasione sic propendeat, ut corruiturum, non habeat qua parte se sistat. Hæc certè est causa, cur pede intenso defatigato, ut sit in statione diuturna, commutemus vicem; &, ut ille pes subleuetur, incumbamus alteri; ac sæpe læpius idem agamus, si diutius stare contigerit, ut in concionibus fieri solet. Quint etiam, si vim quandam facias, ut utrique pedi ex æquo innitaris, nullum incommodiorem situm ad diuturnum statum esse deprehendes: & statim atque non cogitabis, pes alter ipso naturæ ductu, pondus, nisumque totum subibit, alterque relaxabitur. Quod idem proportionem inter sedendum contingere, circa reclamationem in alterum femur, obseruare licet. Ut de ipso quoque naturæ instituto quidpiam adiiciam, Quemadmodum anima in vnoquoque corpore est tantum vna: ita per vnam facultatem, & vno quidem tempore, non potest nisi vnum exprimere nisum. Habet id locum maximè in facultatibus cognoscentibus, quarum vnaquæque ad vnius obiecti attentam notitiam sic determinatur, ut ad aliud simul, & nisi illo derelicto, attendere potis non sit. Quoniam verò quædam facultates sunt, quarum functione continuâ, aut certè diuturna, cum caperimus, indigemus: & huiusmodi facultates alligatæ sunt organis, quæ continuo nisu lassan-

tur, ob exsolutionem spirituum; ideò natura, seu potius Dei naturæ authoris prouidentia, geminata organa fecit, vt facultate nunc organum vnum vsurpante, nunc aliud, pararet lassitudini ex alternatione remedium. Quia enim muscoli, ac nerui ipsa actione contenduntur, & necesse est exprimantur, ac dissipentur spiritus, à quibus robur totum est; ideò remitti, relaxarique musculos, ac neruos est opus, vt inter feriandum spiritus excipiant, quibus oppleti, ac veluti turgidi cum iterum fuerint, iterum contendendi, & agere possint. Hæc ergo videtur probabilis causa, quare concessos à natura geminos oculos habeamus, vt, quòd dicebam de pedibus, alternatim se subleuent; ne si vni semper, continuòque attendendum sit, impar euadat, qui diurnæ visioni sufficere possit. Et cogita, num tibi videar appositè satis causam reddere cohæsionis, seu quasi nexus, quo optici nerui ductu sui medio quasi reuinciuntur. Hac nempe ratione, dum facultas agit, exprimitve nislum per oculorum alterum, intenditur ea nerui portio, quæ est inter nexum, & oculum ipsum, in quem inserta, ac dilatata, certâ sui parte feritur à radio, quem idem esse, cum visionis axe prius diximus: Dum, inquam, huiusmodi portio tenditur, nexum versus oculum trahit; intereaque portio alterius inter eundem nexum, & oculum alterum non relaxari non potest; quemadmodum si hæc deinceps tensa fuerit, illa non potest non relaxari. Idem nempe fit, ac si duo fila alteris extremis seorsim firmata, ac in medio nexa alteris extremis vtrâque manu tenueris; quippe prehensum manu dextra intendere non pote-

ris, quin prehensum læuâ relaxetur; & dum hoc deinceps intendes, illud necessariò relaxabitur. Atque hæc demùm causa videtur, quæ simultaneam axium directionem impossibilem facit; ex eaque intelligitur, quod mox dicebam, facultatem totum, aut præcipuum nihil in vnicam partem transferre, vt ille valentior, & perfectior sit; non potuisset autem facere absque illo nexu, qui id præstat, vt axis vnus cedat, dum alter intenditur, facultate connitente, & quodammodo proficiente versus obiectum.

XXIV. Non repeto porrò, quemadmodum quoties oculis apertis videre incipimus, aut aliquid paulò attentius considerare volumus, eum sponte naturæ intendamus axem, seu vsurpemus oculum, quem à natura potiores habemus. Nam præter meam quidem experientiam, qui sinistrum oculum dextro potiores obtineo, idem videmus contingere in aliarum partium geminarum vsu: cùm si quidpiam sit pede pulsandum, deliberatione opus non sit, vt valentiores impingamus; neque si quidpiam corripiendum, ferendumve, vt valentiores manum immittamus; neque si quidpiam auscultandum, vt valentiores aurem adhibeamus. Dico solùm, nihil videri esse probabilius, quàm oculos ambos in vnoquoque hominum (ne de cæteris loquar animalibus) inæqualis esse virtutis; atque adeò mirum non esse, si vnusquisque vnum habeat, quem præ alio naturæ sponte, & nisu statim primo, indeliberatòque intendat. Tametsi enim in quibusdam res videri possit obseruatu difficilis, vt circa manus in ambidextris; attamen seriò attendenti

discrimen semper est aliquod; & utcumque experientia sensibilis non sit, ipsa tamen ratio videtur monstrare inæqualitatem. Quippe, quoniam principia, ex quibus oculi texuntur, non eadem, sed similia sunt; non potest non aliqua esse cum similitudine discrepantia, aut in magnitudine, aut in figura, aut in numero, aut in situ aut in cohæsiōe, aut in cæteris circumstantiis. Inde certè fit, ut in cæteris geminatis partibus semper obseruetur discrimen. Nam ad cuiuscumque hominis voles utrâmq; manum respice; quot deprehendes discrimina, vel in ipsis lineis, quæ a chitomanticis obseruantur? Eadem causa est, cur vnius arboris numquam reperiās duo folia exquisitè similia; imò ne duo quidem folia omnium arborum, quotquot sunt in mundo. Quanto certè stupore id considerârim in oliuarum foliis, quæ mihi visa fuerant præ cæteris simillima, dicere in promptu non est: ut proinde minùs demiratus fuerim, tamen si ouorum, & lactis similitudo in prouerbio sit, mulieres tamen Delias nouisse, cuiusmodi gallinæ quæque oua forent; & Democritum, cum Hippocrates iussisset ipsi afferri lac, agnouisse illud esse & capræ, & nigræ, & quæ tum primò peperisset. Scilicet in omnibus rebus discrimina aliqua sunt, quæ cum inexpertis insensilia sint, aut nulla videantur, expertos nihilominùs, intelligenteisque non lateant. Et quamobrem esse putes, cur victor numquam possit duas hominis eiusdem imagines facere, quæ sint inter se exquisitissimè similes: nisi quia licet ex eisdem usurpet coloribus, superat tamen eius solertiam, ut possit illos bis commiscere eadem serie,

qualitate, temperatione? Cur etiam nullæ duæ faciēs tot hominum, quotquot sunt, fuerunt, erunt in mundo, reperiantur inter se exquisitè similes: nisi quia tametsi spatium perexiguum esse videatur; est tamen in eo satis magnus partium, particularumque numerus, ut varietati tantæ sufficiat; idque dum interim & vis formatrix eadem non est, & numquam planè similes, similive modo concurrenteis, componendasque inter se ipsius materiæ particulas habet? Cur verò, tametsi accipiamus gemellos, non diuersis temporibus, sed eodem, atque ex eodem, aut simillimo semine formatos, ij tamen similes inter se exquisitè non sunt: nisi quia neque seminis partes similes planè inter se sunt; neque vis formatrix singulareis particulas aut eadem mensurâ, aut ordine eodem inter se compingit? Porrò, si natura ex eadem massa seminis duos gemellos facit, qui quantumvis similes videantur, absque discrimine tamen inter se non sint; putas ex eadem seminis parte non formabit duos oculos, qui licet videantur inter se esse simillimi, discrimine tamen inter se sint nullo? Certè quæ proportio est corporis totius ad totum semen, eadem esse partis ad partem videtur: sed hæreo nimis hac in re.

XXV. Satiùs est verbulum subiiciam circa id, quod vidi plerosque prima fronte obiicere, fore, ut nisi axes coëant, res simplex gemina appareat. Id nimirum præsertim faciunt, dum nondum attendunt me ita negare axium coitionem, ut non propterea censeam vnum axem in vnâ partem intendi, & alium in aliam: sed vnum quidem intendi, siue dirigi: alium, iturum parallelum,

rallelum, relaxari, seu cohiberi. Prætereo autem, ut
regerere, instaræque in oppositum soleam, fore, ut res
potius gemina appareat, si axes in eam coeant, quam
si in diuersas parteis dirigantur. Quoniam coeuntes
decussabuntur, & designato vltra ipsam rem hemis-
phærio, vnus demonstrabit illam ad regionem dex-
tram, alius ad sinistram; & ex duobus distinctis locis
demonstratis, apprehensio fiet a sensu, duorum cor-
porum in iis positorum. At si in parteis diuersas ten-
dant, tunc, quia non concurrent in eandem rem,
eandemve illius partem, fiet ut vnaquæque res, aut
illius pars, non videatur nisi semel, & ab vnico oculo;
neque plusquam in vna parte hemisphærij demonstra-
ta plusquam vnam sui apprehensionem faciat. Quan-
quam, ut dixi, non ita tendunt, ut vterque intendatur;
nullumque proinde subest argumentum, cur res ge-
minatæ videantur. Dices, at nunquid quando res
nobis geminæ apparent, tunc oculus vnus in vnam,
alius in aliam partem tendit? Verum id contingit, non
defectu sanè coitionis axium, sed ob detorsionem
oculorum in præternaturalem situm. Quia enim na-
tura sic instituit parteis geminas, aut multifidas, ut
sibi occurrentes in idem objectum complectendum
conspirent; ac nervos proinde ita apparauit, ut heinc
inde originem habentes ex cerebro, & reciprocè
desinentes in cerebrum, sint veluti organa, aut vnum
completum potius organum, quo facultas heinc inde
apprehendat, sentiatque vnicum objectum; heinc fit,
ut quandiu quidem partes, ac nerui conspirantes, &
focij in idem contendunt, illius apprehensio, tanquam

vnus rei fiat : at si non conspirantes, sociatique sint, sed aliunde, alióque tendentes, & ad apprehendendum, sentiendumque diuersa destinationem habentes, in idem contendant (quemadmodum contingere potest, si præter institutum naturæ, & violentia quadam facta detorqueantur) tunc fit illius, tanquam duarum, atque diuersarum rerum apprehensio. Exemplum familiare est, cum digito medio supra indicem, quantum fieri potest deflexo, recuruatóque, interponitur globulus, qui duplex esse iudicetur. Is enim si interponeretur inter medium, & indicem, cum in naturali sunt situ, ideò vnus iudicaretur, quòd partes horum digitorum interiores, & qui nerui in ipsis sunt, mutuam ad sese conuersionem, & ad idem objectumprehendendum conspirationem habeant : at in deflexione illa, prehensio fit per parteis vtriusque digiti exteriores, nullóque modo inter se ad aliquid vnum comprehendendum destinatas, sed potius ad planè diuersa; pars quidem indicis cum pollice, & pars medij cum annulari. Ex quo fit proinde, vt per indicem perinde apprehendamus vnā rem, ac si ille cum pollice comprehenderet, nihilque cum medio commune haberet; per medium verò aliam sic apprehendamus, vt si ille cum annulari comprehenderet, nihilque ipsi commune cum indice foret; sicque nulla existente apprehensionum communione, duæ distinctæ apprehensiones fiant, globulusque proinde duplex iudicetur.

XXVI. Pari ergo ratione, cum objectum quodpiam oculo vtrique obuertitur, sunt præter radios axium,

innumeri alij ex circumpositis retinarum partibus (fac ex objecto tendere in retinæ, seu neruorum parteis, idem est) qui proût magis, minusve accedunt ad axem intensum, minùs magisve confusam visionem efficiunt. Ex hisce radiis, non omnes conspirantes sunt; nàm qui vtrimque à medio pupillæ versus angulum exteriorem vtrimque feruntur, ij coïre ad quidpiam vnum comprehendendum nunquam possunt. Non etiam omnes, qui à medio versus angulum interiorem; neque enim sunt superiores vnus cum inferioribus alterius ad coitionem comparati. Non denique omnes superiores inter se, non omnes inferiores, non omnes intermedij; sed illi duntaxat, qui ad angulum in re constituendum conspirant, superior scilicet vnus cum superiore alteriùs, inferior cum inferiore, intermedius cum intermedio, & singularis vnicusque cum vnico & singulari. Itaque quandiù oculorum naturalis est constitutio, & vnum aliquod objectum ab vtroque conspicitur, illud idcirco tanquam vnum à facultate apprehenditur, quòd radij omnes, qui heinc inde ad illud feruntur, conspirantes sint, nullusque prodeat ex oculo vno, qui destinationem non habeat ad idem comprehendendum cum prodeunte ex alio; quemadmodum index digitus cum pollice habet. At quoties oculorum vnus, vel vterque ita detorquetur, vt non iam ampliùs radij conspirantes in re coëant, sed disparati, destinatique ad comprehendendum diuersa; inde fit, vt radij ex vno prodeutes ita objectum prehendant, ac si cum coniugatis, conspirantibusve comprehenderent, & nihil commune cum disparatis ha-

berent ; parique modo prodeuntes ex alio itaprehendunt , ac si cum familiaribus comprehenderent , nihilque cum sejugatis communicarent ; ex quo sequitur , vt ob communionis defectum , apprehensiones distinctæ fiant , & objectum duplex appareat. Id verò notabile est , cùm totum oculi globum , deflexerimus , & pupilla nihilominus mouere sese adhuc possit , posse nos vicissim , alternatimque intendere non minùs ipsius , quàm alterius axem : adeò vt nunc oculo detorto videamus obiectum distinctiùs , intacto confusiùs ; nunc illo confusiùs , & isto distinctiùs. Quod idem etiam euenit , si vtrùmque simul detorqueamus oculum , & seu vtrumque , seu alterum sursum , deorsumve , & obliquè introrsum premamus. Quo loco , labor quidem nonnullus , sed iucundum tamen spectaculum est , quo idem objectum sibi ipsi admouetur , amouetur , secundum eandem lineam , parallelam , aut decussatam ; constituiturque sibi ipsi suprà infrà , citrà , vltrà , ad læuam , ad dextram , obliquè , & in quouis positu , prout altero , vel vtroque oculo manente compresso , caput deorsum , sursum , ad dextram , ad læuam , & secundum varias obliquitates ita deflectimus , vt radij ex vtroque oculo in obiectum tendentes variè inter se situm , angulosque commutent. Hæc me expertum , longè alium habebis à Timagora , qui negabat sibi vnquam , cùm oculum torfisset , duas ex lucerna flammulas visas. Ego , si aliqui Timagoræ similes sint , aut ex detorsione oculorum probare detrectent , vtrum flammula lucernæ gemina appareat ; respectare illos iubeo in speculum concauum , in

quo, dum lucerna obijcitur, geminæ flammulæ videntur, non vtraque sanè oculo utròque, sed vna vno, altera alio; quemadmodum constat, dum clauso vno oculo, altera earum evanescet, vnaque solum conspicitur; eodem planè modo, quo in detorsione oculorum contingit. Atque id quidem inculcare possem, tanquam argumentum opinionis illius meæ de lectione, seu visione distincta per vnicum oculum; sed modum excedo parasangis multis.

XXVII. Itaque finem facio, si tamen priùs vno verbo attingam scrupulum, de quo dicere sum oblitus. Is ingeritur ex eo, quòd, si altero tantum oculo legamus, distinctève quidpiam conspiciamus, nihil interesse videatur, alter-ne clausus, an apertus sit; cùm tamen constet, vbi aperto oculo utròque quidpiam legimus, contuemurve, nos id minore cum labore, & obscuritate agere, quàm si alterum habuerimus clausum. Veruntamen & labor quispiam, & obscuritas aliqua creatur, non sanè quòd axis oculi clausi subducatur à coitione cum axe aperti; sed quòd cùm facultas conspiciat non modo distinctè partem objecti aliquam per axem oculi vnus, sed etiam confusè parteis circumpositas per radios obliquè allapsos ad vtrumque oculum; efficitur, vt clauso oculorum altero, absint ex parte radij, per quos cōfusa visio peragebatur ex parte. Hanc enim ob causam oculus apertus solito subsidio destitutus, laborem quendam experitur (ac præsertim, quia alius vix claudi potest, quin moueatur quadamtenus, & ex eius motu ipse apertus commouetur, laboretque, vt eò se, quo priùs dirigebatur, si-

stat) facultas verò destituta aliquibus radiis, quibus ad videndum confusè adjutabatur, tum decurtatum habeat hemisphærium, tum parteis superstites aliquantò obscuriùs perspiciat. Et quod de parte quidem distinctè visa nihil propterea detrahatur, argumento esse potest, quòd plerúmque, vt distinctiùs quidpiam videamus, claudere soleamus oculorù alterum, vt eo nempe quasi subingresso in orbitam, portio nervi optici, quæ pone ipsum est, magis relaxetur, & quæ pone alium magis intendatur, vnde & axis fiat intensior. Vt paucis dicam, licet vnus solùm oculus intendatur, facilior tamen visio est, si alter clausus non fuerit; ad eum modum, quo, licet non-nisi alteri pedum insistamus, statio tamen facilior est, si alter non fuerit è terra elatus. Iam ergo finio, mi Bullialde, tot verba effatus, non quòd sim propriæ opinionis tenax, sed quòd erudiri plenius expetam, dum nondum perspicio in opposita verisimilitudinem maiorem. Tu sic accipe, & me semper ama. Vale.
v. Kal. Ianuar. MDC. LXXI.



EPISTOLA QVARTA.

*IN QVA AD ALIQVOT
quæsitæ circa secundam factæ respondetur.*

*Erudito, candido, & amico viro IOANNI
CAPELLANIO P. GASSENDVS. S.*



A V D sanè hæseram, mi Capellani, quin
si Luillerius noster communicaret tecum
meam illam satis prolixam epistolam De
apparente magnitudine Solis humilis, &
sublimis, rem tibi gratam esset facturus :

at te potuisse pleno illo, quod testatus es pectore,
eius lectione delectari, neque suspicari profectò, ne-
que sperare debueram. Nam, quòd amicam quidem
manum agnoscere iucundum foret, perspectus ille
erga me amor, perspectum pectus niueum, fieri du-
bium haud patiebatur; sed quòd tanta commenda-
tione fores opellam prægrauaturus, ne mentem qui-
dem attingere imbecillitatis conscientia ferebat. An
igitur aut te ingenuè non fecisse existimem, aut mihi
propterea de me opinionem aliquam faciam? Neu-
trum sanè: sed tuam potiùs adeò effusam beneuo-
lentiam comparem cum illo parentum affectu erga
liberos, qui ex naviis lumina facit. Quod superest,

cùm tua illa incomparabili suauitate non tam exoptes, quàm exigas (nam mihi quidem singulari animi tui moderatione esse imperiosius nihil potest) vt ad quæfita respondeam, quorum iterata lectione contexuisti indiculum, en vt compendiosè tibi morem geram.

II. Quæris primò. *Quomodo Democritus, Epicurus, alijque illi Philosophi, quorum visus sum declarare sententiam, referre acceptum potuerint omnem motum ad Atomos, vt articulo Epistolæ septimo insinuatum est; cùm aliunde existimârint atomos esse materiam rerum?* Respondeo hoc primùm supponendum esse, dici ab ipsis Atomos, corpuscula illa minutissima, in quæ vnumquodque compositum corpus potest vi naturæ extremùm resolui: adeò vt si imaginere corpusculum, quod aliqua naturæ vi sit adhuc resolubile, non ipsum atomus sit, sed atomi sint particulæ, in quas ita resoluetur, vt ipsæ sint denique omnis resolutionis incapaces. Et esse quidem aliqua huiusmodi corpuscula ex eo probant, quòd licet Mathematici supponant vnumquodque corpus esse infinitè diuisibile, exorsi nempe à suppositionibus rerum, quæ non sint, vt puncti, cuius pars sit nulla, lineæ, cuius nulla sit latitudo, &c. Natura tamen diuidendo, seu exsoluendo corpora in particulas, ex quibus texuntur, aliquosque solùm procedat, neque vnquam infinitè, seu in infinitum exsoluat. Ex quo fit perspicuum dici atomos, non quòd sint, vt vulgò putatur, mathematica quædam puncta, ob destitutionem partium insectilia; sed quòd, corpuscula cùm sint, nulla detur naturæ vis, à qua secari, aut exsolui possint. Mitto autem insectabilia,

secabilia, aut inexsolubilia virtute naturæ ideò fieri, quòd inanitate omni careant, sintque idcirco solida: nempe eatenus solùm volunt parteis separabileis esse, & exsolutionem posse fieri, quatenus aliquod inane spatiolum intercipitur, quod illas aliunde reuinctas, discescat. Quoniam porrò nullum est corpus, quod non intelligatur posse exsoluendo reduci ad atomos. (nam & cùm Archimedes vniuersum mundum exsolutum conceperit in particulas eiusmodi, qualium in grano papaueris intelligere decem millia licet; quid prohibet concipere vnāquamque harum particularum in myriadas subdiuisam, quantum fas erit naturæ vi; addendo cyphras numero ab Archimede supputato?) eapropter sanè nullum est corpus, quod non possit intelligi contextum esse ex atomis; cùm reciproca sint compositionis, & resolutionis leges. Atque ex hoc est, cur illi censuerint atomos esse primam materiam, ex qua vniuersa corpora constarent. Cùm concederent verò Atomis natiuas duas proprietates, Magnitudinem scilicet, siue molem, aut corpulentiam, exilissimam illam quidem, & sola mente perceptibilem, sed aliquam tamen; & Figuram, seu magnitudinis terminum, cuius esse dixerunt innumerabileis varietates; tum non omisere sanè tertiam, Pondus nēpe, seu impetum, quo vnaquæq; atomus libera, & non in aliarum cætu irretita, motu supra cogitationem velocissimo raperetur. Hæc est autem causa, cur illi materiam non inertem fecerint, sed seipsam mouentem planēque actuosam. Quippe tametsi corpora quædam, vt saxa, & alia videantur esse planè immota,

cenfuere tamen atomos, ex quibus se mutuò reuincientibus, sistentibusque contexuntur, esse in perpetuo conatu sese veluti extricandi : sicque ex intestina illa agitatione, tametsi insensili, fieri demùm exsolutionem; eamque propter causam nullum esse corpus, quod ab intrinseco, vt loquuntur, & sæculorum progressu corruptibile non sit. Quod attinet ad cætera, quæ sensibilibiter mouentur, veluti animalia; esse in ipsis aliam quidem partem crassiolem, compactiorem, exsoluendo difficiliorem, ac proinde pigriorem; aliam verò subtiliorem, liberiolem, exsoluendo faciliorem, ac proinde mobiliorem, spiritum vulgò appellatam, quæ & se, & totam simul molem commoueat, ac, si aliqua etiam extrinsecùs occurrant, propellat. Heinc quemcumque motum cæteri attribuere formis, tribuere ipsi atomis, ex quibus eas formas putauere texi. Nam licet formas vniuersè nihil esse existimarent, præter speciales quosdam modos sese habendi materiæ, seu atomorum res constituentium: Quas tamen alij dixere formas, ipsi censuere esse nihil aliud, quàm subtiliorem quandam atomorum texturam; certa ratione temperatam, & per totam molem corporis diffusam; sicque esse partem (quasi nempe florem) totius materiæ; cum alij formam exinerti, qualitatique experte materia volentes educi, ac nolentes interim aliquid materiæ transire, & quasi renuari in ipsam, dicere non possent vnde-nam forma haberet quam illi tribuebant substantiam, vim motricem, & cætera.

III. Vides igitur quemadmodum illi omnem motus

originem ad atomos retulerint; cùm omne mouens
Phyſicum, ſeu cauſa efficiens (quam definiunt id, vnde
motus.) eiufmodi ſit propter formam, ſeu expoſitam
atomorum texturam. Intelligis etiam quo modo à
mundo uſque condito (quippe æternum non decre-
uerunt, vt Ariſtoteles, & alij) opinati fuerint deinceps,
& ad nos uſque propagatum motum. Nam in eo qui-
dem aliunde peccârunt, quòd cauſam à materia ſe-
paratam non conſtituerunt, à qua congeries atomo-
rum, ſeu vniuerſorum corporum materies tum creata
fuerit, tum motum ſuum acceperit: at ſupplendo pro
iſſis Deum talem congeriem, quaſi chaos, initio mun-
di produxiſſe, iſſique motum eum indidiſſe, vnde &
rerum ſemina generalia exiſterent, & membra mun-
di præcipua diſcerni, formari, vices ſuas obire poſ-
ſent; conſtat quemadmodum cum ſolo generali Dei
concurſu motus ſemel cœpti, continuari potuerint;
atque adeò illi in eo ſolùm defecerint, quòd primam
originem motuum, conſequentemque motuum ſeriẽ
retulerint ad quandam vim ingenitam potiùs quàm à
Deo acceptam. Cùm non vacet iam multa memora-
re; quod ſpectat quidem ad diſcretionem, confor-
mationemque primæuam, primosque motus partium
mundi, conſulere poteſ quæ ex eorum mente Plu-
tarchus, Diodorus, & cæteri, tacitis licet nominibus,
commemorârunt; ſed Plutarchus imprimis, quarto
capite primi placitorum Quod attinet verò tam ad
inceſſantem motus ſucceſſionem in partibus mundi
præcipuis, ſphæricâ forma contornatis, quàm ad
propagationis ſeriẽ in corporibus ortui, interituiq;

obnoxiiis ; cū illi vtramque tribuerent necessitati eiusdem motus , prout ab initio cœpisset , notare potes apud Laërtium illustrem præ cæteris locum ,

πῶς φύσιν πολλὰ, καὶ παντοῖα ὑπὸ τῶν σεσημασμένων διδασχέσθαι τε, καὶ ἀναγκάζεσθαι.

Fuisse naturam ab ipsis rebus, varia, omnifariaque edoctam, & necessitate adaptam. Sensus est enim, rerum naturam ordinem illum quo cœperat, habitu quodam retinuisse ; & ob non cessantem impetum in rebus, non didicisse modò eadem facere, ac repetere, sed ad hoc etiam compulsam, & coactam fuisse. Ita nimirum orbeis calesteis pro ratione conformationis, internarumque velut fibrarum, vegetantisque spiritus, proque adiumento mutuorum radiorum, externorumque veluti flatuum, non potuisse non deinceps tueri cœptorum motuum constantiam, hunc in hanc, illum in illam partem. Ita animalia, ac plantas, pro ratione quoque conformatorum organorum, spiritusque, & caloris infusi, ac pro rebus sibi circumpositis, non potuisse non appetere alimentum congruum ; non excernere ex eo semen generando idoneum : non ex semine istis partibus, atque motibus prædito, hoc formare, potius quàm illud ; non hac ratione potiusquàm alia & motus internos subire, & externos exprimere ; non elanguescere denique, non interire, non dissipari. Nam & quamvis illi opinarentur plurima casu fieri ; simul tamen opinabantur cœptum, ac naturalem motum prævalere vt plurimum ; & causas quoque fortuitas, cū aliorum solùm respectu haberentur fortuitæ, necessarios motus habere in se, ex quibus commistis variatio effectuum insolita consequeretur. Vt-

Solis humilis, & sublimis. Epist. IIII. 173
cumque sit; sunt hæc pauca circa primam quæstio-
nem dicta.

IV. Quæris, Secundò, *Reuerâne Aristotelis idem de creatione specierum intentionalium dixerit, quod Peri-
patericis tribuitur articulo eodem?* Respondeo nequa-
quam; sed, quantum opinor, recentiorum esse
commentum. Nam Aristoteles Platoni repugnans
circa naturam oculi igneam, consensit quidem De-
mocrito, oculum esse naturæ aqueæ: verùm dissen-
sit, negando visionem per defluxum vllum ex corpo-
ribus fieri, ac sentiendo motionem solum à corporibus
visibilibus per interpositum diaphanum, ad oculum
vsque peragi; & per ipsum oculum, ad internum vs-
que sensorium. Sed notandum est, Aristotelem di-
stinguere in corpore, quod vulgò Diaphanum voca-
mus, veluti aquam, aut aërem, primò ipsum corpus,
quosdam veluti poros habens, quod dicitur aqua,
aut aër; secundò mobilem quandam, puramque na-
turam, seu substantiam tenuem ipsi corpori, eiusve po-
rulis interfusam, cæloque etiam conuenientem, quæ
sit propriè ipsum *diaphanum*, siue perspicuum τὸ διαφανές.
Non enim, inquit, aqua, vel aër, quatenus est aqua,
vel aër, diaphanum quid est: αἰὲν ὅτι ὅτι φύσις ἐνυπάρχουσα ἢ οὐτὴν
ἐν τοῖς ἀμετέρεσι, καὶ ἐν τῷ αἰθέρι τῷ ἄνω σωματι. *Sed quia utriusque*
eadem (ac æterno etiam, quod sursùm est, corpori) inexistit natura. Appellat porrò talem naturam diapha-
num potentiâ, quandiù est in tenebris; diaphanum
actu, quandiù in luce; docetque solum diaphanum
actu esse ad visionem idoneum. Itaque dum corpus
visibile, vt Sol, nix, aliud coloratum, ab oculo conspi-

citur, id fit, inquit, non quòd aliquid ex ipso visibili in oculum defluat : sed quia eius color suapte natura motius diaphani actu, mouet ipsum diaphanum actu sibi continguum : & quoniam aliunde hoc diaphanum est ad oculum vsque continuum, & porrò per oculum ad internum vsque sensorium ; fit, vt per ipsum motus imprimatur sensorio, & corpus coloratum proinde sentiatur. Id interpretatur Simplicius ex comparatione vectis, quo manus mouet lapidem : scilicet colorem cum manu, oculum cum lapide, diaphanum interceptum cum vecte intercepto confert. Quo loco, si videas Galenum paris iuris facere Aristotelem, & Stoïcos, qui ipsi quoque putârunt visionem quodam quasi vecte, seu baculo fieri, obseruatu facile est fuisse comparationem ab ipsis inuersam ; quatenus oculum cum manu, visibile cum lapide, interiectu n verò, intensumque aërem cum ipso baculo comparârunt : adeò vt, cùm iuxta Aristotelem radij motus intelligerentur coïre ex visibili, vt ex basi, in oculum, vt in mucronem ; iuxta Stoïcos radij intelligerentur diffundi ex oculo, vt ex mucrone, in visibile, vt in basin ; & vtrovis modo idem conus efficeretur. Meminit intensiōis aëris Agellius ; addit Plutarchus conicam formam, & Laërtius baculum ; adiiciens, ὥς διὰ παντὶ ὥς τὸ πέντος αἰὲρ τὸ λεπτότερον ἀναγγέλλεται : *id, quod videtur, aëre intenso, veluti bacillo quodam, renunciari.* Et disputat quidem fusè Alexander aduersus istam aëris, tanquam bacilli, intensiōem ; sed ne in hoc immorer, addo solùm propter illam vocem ἀναγγέλλεται *renunciari*, (quod necesse est fieri ob continuitatem, & rigidita-

tem baculi, cui proüt aliquid resistit, aut cedit, manus quid id sit, percipit) addo, inquam, cæteros omnibus, qui visionem fieri emissionem senserunt, renunciationem aliquam non ab similem adhibuisse. Sic enim dum Plato voluit radios exire ex oculo, non sensit quidem illos progredi usque in obiectum ; sed cum vellet tamen progredi ad usque lumen exterius, in cuius occursum compaginatio quædam fieret ; existimavit radium prodeuntem, quasi bacillum quempiam, ob factam ibi in altero eius extremo resistantiam, quasi resilire ; & extremo altero intra oculum, cerebrumve ipsum facere sensationem. Sic Pythagoras : dum putans radios exire ex oculis, putavit quoque illos reflecti, & pati quidpiam simile, ut dum manus ex humero usque extenta in humerum reducitur. Sic Empedocles : dum interdum dixit lumen exire ex oculo versus obiectum, ut per laternam perforatam ; & interdum quoque ex ipso obiecto effluxionem fieri in oculum censuit. Sic Hipparchus : dum voluit radios ab utroque oculo porrectos extremis suis, ut manibus, apprehendere res externas ; & capturam veluti suam in ipsum visum reducere.

V. Ad Aristotelem ut redeam, is idcirco Democritum, ut iam dictum est, repugnavit, quod cum existimaret visum nihil pati à visibili, superessetque ut à medio ; necessario admisit diaphani substantiam medium occupantem, & ab ipso visibili in visum usque continuatam. Nimirum quia Democritus admittebat vacuum ; & poros aquæ, aëris, cæterorumque diaphanorum corporum reputans inaneis, existimabat

radios, seu imagines transmitti per ipsos ex re visibili in visum; idèd censebat visum reuerà pati à re visibili, & tantum abesse, vt medium deberet esse occupatum à substantia aliqua, quin potius, quò esset inanius, eò visibile cerneretur perfectiùs. Aristoteles verò istud improbauit, ac speciatim quoque quod fuit ab eo dictum, fore, vt si inde ad cœlum spatia omnia essent inania, posset heinc formica in cœlo exquisitissimè videri. Et probabile quidem non est iri formicam tam procùl visum: verùm ob diuergenteis radios ex formicæ facieculis, vt in Epistola declaratum est: non autem præcisè ob rationem ab Aristotele allatam, quòd nihil videri neque exquisitè, neque omninò vllò modo, vacuo intercedente, valeat. Quippe nescio an capi possit, si quò spatium hoc è terra in Solem defæcatius est, eò Sol clariùs conspicitur; fore, vt si euaderet defæcatissimum, vt putà nullo denique corpore interposito, Sol euaderet planè inconspiciuus? Eòdem spectat, quod opinatur moueri nihil posse per vacuum: sed ne eò digrediar, obseruo duntaxat quàm difficilis captu sit motus ille substantiæ, siue naturæ interfusæ à visibili concitatus. Nam primùm quidē, quoniam Sol, verbi gratiâ, visibilis vndique est, debetque proinde substantiam quoquoversum exagitare, necesse est motum hunc faciat, motus ipse à centro in circumferentiam, & à circumferentia in centrum, & rursum à centro in circumferentiam, &c. quadam veluti rapidissima, incessantèque palpitatio-
ne. Itaque necesse est quoque, vt sit fluidus, siue laxis, aut mollis totus: si enim perfectè compactus, solidus,
rigidusque

rigidusque esset, tum palpiratio fieri non posset; & si partes duntaxat quædam fluidæ, laxæ, aut molles essent, tum per illas solum substantia exagitaretur, illæque solum forent conspicuæ, cæteris inuisis, ut potè immotis, qualeis, ut opinor, non admiserit. Sed moueantur omnes, ut substantiam omnem circum moueant, solumque centrum immotum sit: an-non erit necesse, ut in diastole fiat rarefactio, & in systole condensatio partium? Quomodo id verò, nisi per diastolen admittatur vacuum intra corpus Solis; aut per systolen plura corpora (plures nempe partes corporis Solaris) sint in eodem loco; ob illam rationem, quam non repeto ex articulo vigesimo primo? Atqui Aristoteles neque vacuum, neque plura corpora in eodem simul loco admittit. Deinde, cum motus à centro in singula circumferentiæ puncta, fiat per rectas lineas, seu totidem quasi semidiametros, quas Physicè spectatas concipere liceat, quasi fila tenuissima, seu maius quasi fibrulas ex centro in circumferentiam protensas; efficietur, ut singulæ fibrulæ in totidem puncta circumferentiæ desinentes, propellant puncta totidem contingentis substantiæ, ex eaque forment totidem radios prorsum directos. Itaque singularis quisque radiorum huiusmodi, cum perueniet ad oculum, visibilem oculo faciet illam circumferentiæ partem, quæ directe intercipitur inter oculum, & ipsum Solis centrum: Atqui nulla est pars circumferentiæ Solis præter vnā, quæ directe inter oculum, ac Solis centrum intercipiatur; Igitur nulla circumferentiæ Solis pars præter illam conspicua fiet; sicque Sol non ut amplius discus,

sed quasi punctum videbitur ; quod constat profectò non esse ferendum. Neque verò est quorsum dicat puncta circumferentiæ lateralìa directos quoque radios in oculum transmittere ; tum quia causa obliquæ huius directionis nulla est ; tum quia cum non sint plura puncta contingentis Solem substantiæ , quam contacta circumferentiæ ; vbi singuli substantiæ radij emissi directè à singulis punctis , radiisve Solis fuerint , nulli profectò supererunt , qui dirigi obliquè possint. Ad hæc , cùm talis substantia sit cœli, aëris, aquæ, vitri, similiumque rerum substantiâ tenuior ; imprimis, quoniam rarior est, talis esse absque inanis interpositione non potest, ex memorato articulo : ac postea, quoniam fluidior est, contentione incapax est, ob quam ab Aristotele ad visionem vsurpatur. Nam vectis quidem, aut baculus, de quo eius interpretes, suapte natura rigidus est, atque ideirco in vno extremo resistantiam non patitur, quin ipsius modum in manu aliud extremum contingente exprimat : sed ista substantia huiuscemodi rigiditatem nullam habet. Et quamvis continuïtas rigiditatem supplere valeat in corpore fluido intra tubulum comprehenso ; id tamen fit solummodò, dum continenter comprimitur ; non vbi alternis comprimitur, & relaxatur : vt contingit fieri in ista substantia , intra porulos , quasi tubulos comprehensa. Quippe quo momento relaxatio fit (vt hoc loco per systolen, dum substantia in Solem redit) omnes partes fluidi sic locum commutant, vt comprimi rursus seu cogi nisi successiue non possint, hoc est propinquæ prius, & per ipsas vltiores, & porrò ad vsque remotissimas. Hæc

Sanè esse causa videtur sensibilis tarditatis in sono, dum eiusdem substantiæ, subtiliorisve aëris partes à sonante corpore motæ propagare acceptum motum ad organum vsque auditus, nisi succedenter, hoc est prius propè, posterius remotè, non possunt. Præterea cum papyri folium laxius sit, aut porosius, quàm vitrum, debet non minus saltem, quàm ipsum, interfusæ huiusmodi substantiæ esse particeps. Cur tamen papyro opposita Soli talis substantia immota est, neque Solem conspicuum facit? An quia partes papyri, cum densiores fiat, ipsam cohibent, intraque porulos detinent comprehensam? At si cohibent, igitur papyro translata per aërem, substantia quoque transferetur? Cæterum & ipsæ partes aëris densiores eadem substantiâ sunt, parique modo eam cohibent, seu porulis suis habent comprehensam: igitur & ipso aëre translato, ut dum ventus flat, substantia quoque transferetur? Igitur radij ex ea formati, non directi, sed undulantes pervenient ad oculum, deflexi nempe à rectitudine, ex quo à Sole euibrati incidunt in aërem ventifluëtibus agitato? Igitur dicendum est Solem, quoties ventus flat, directis radiis non spectari, & refractione per ventum existente maiore, inconstantioreq; quàm facta à vaporibus, sequetur Solis altitudinem observari incertiùs ob validum ventum, quàm propter vapores? Atqui ista præter rationem, præterque experientiam sunt.

VI. Quærit Tertiò, *An quod dixi articulo decimo quinto de generatione colorum ex luce, & umbra, tam fuerit ex mente Democriti, & Epicuri, quàm quod dictum est de*

effluvio, auolationeque specierum? Respondeo fuisse; idque vel ex eo conijcere in promptu est, quod existimarent colores nullos esse in tenebris, & ad ipsos propterea referatur illud ex Poëta vulgare,

Rebus nox abstulit atra colorem.

Heinc volebant quidem simulacra, seu imagines auolare ex rebus intra tenebras constitutis; at esse nihilominus meras atomorum texturas, quæ res inuisas finerent, quoniam excolores; cum & vellent res idcirco esse excolores, quod radiorum lucis appulsu, commitioneque destituerentur. Ex eo factum est, ut cum illa atomorum dereptio videretur non necessaria, aut intellectu non facilis, insinuarim defendi posse illam in tenebris non fieri; fieri verò in ipsa luce, ob quandam quasi radiusculorum ipsius sollicitationem. Vtcumque sit, transcribo ecce insignem ex Lucretio locum, unde illorum mens innotescat. Is præter cætera, sic insit.

Præterea, quoniam nequeunt sine luce colores

Esse, neque in lucem existunt primordia rerum;

Scire licet quàm sint nullo velata colore.

Scilicet assumpsit probandum nullas atomis, principiisve rerum qualitates natiuas esse, siue competere per se, præter jam antè expositas, magnitudinem, figuram, & pondus, seu motum: omneis autem qualitates concretorum corporum, colorem, sonum, odorem, saporem, calorem, humorem, densitatem, asperitatem, &c. nihil esse aliud, quàm varios atomorum se habendi modos, ac relatos præsertim ad organa sensuum. Cum enim visus, auditus,

olfactus, cæterorumque organa specialem habeant contexturam, esse aliunde in corporibus quasdam atomos eius specialis magnitudinis, figuræ, ac motus, quæ soli visus organo allapsæ, ita in illo recipiantur, ut ipsum moueant, sui sensum faciant, & gratum quidem, aut ingratum, prout subingressa eius porulos, ipsis accommodantur, aut illos discerpunt: quasdam pariter, quæ soli organo auditus; quasdam, quæ soli olfactus, atque ita de cæteris; adeo ut, cum eæ, quæ mouent visum, coloris speciem faciant; quæ auditum, sonum; quæ olfactum, odorem, &c. ideo, tametsi ex omni atomorum genere ad omnia organa allapsus fiat, solus nihilominus visus colorem percipiat, solus auditus sonum, solus olfactus odorem, & ita de aliis. Cæterum colorem variari itemque sonum, odorem, qualitates alias, pro vario atomorum situ, ordineque, & multiplici earum additione, deductione, transpositione; eodem planè modo, quo in literis, quæ tam paucæ numero cum sint, variè tamen positæ, & compositæ, incredibilem vocum varietatem faciunt: sic enim ut Z, solo situ mutato, hoc modo N, aliam omnino exhibet speciem; & prout vnâ, pluresve præponis, postponis, commutas, addis, detrahis, variari speciem deprehendis; ita proportionem, coloris, cæterarumque qualitatuum variationem contingere. Pergit ille,

Qualis enim cæcis peterit color esse tenebris,

Lumine qui mutatur in ipso; propterea quod

Recta, aut obliqua percussus luce resulget.

VII. Hic aduertis res non censeris coloratas in tenebris, sed colores ipsis aduenire, & variari cum ipsa

lucē; seu colores potius esse ipsammet lucem, quare-
 nus allappsa in res, variè ab ipsis refringitur, reflecti-
 turque ad oculos. Ac ne res possit prima fronte vi-
 deri nimis ridicula, observa solum, aliud esse, rem esse
 actu coloratam; aliud habere dispositionem ad istum,
 aliumve colorem. Sic enim, vt plantæ per hyemem
 caluæ dispositionem retinent, qua vnaquæque, re-
 deunte vere, speciali modo refrondescat; ita res noctu
 ex colores retinere poterunt dispositionem, qua vna-
 quæque, redeunte luce, speciali modo coloretur. Con-
 sidera pannum extensum, & in vniformi luce positum;
 dices illum esse vnus coloris, exempli causâ rubei. Sed
 habet extensum partim in luce primaria Solis, partim
 in secundaria; tum ex præoccupatione quidem iudica-
 bis esse vnus coloris; at reuerâ duplicis erit; & nisi sa-
 tis credas, iuberò pannum per pictorem representari
 in tabula; & videbis, vt duplicem colorem sit vsurpa-
 turus. Habet deinde pannum in variis lucis, vmbra-
 ve gradibus; toties deprehendes colorem variari. Ha-
 be undulatim plicatum: quàm diuersos colores cernes!
 quàm clariores, obscurioresque, donec etiam nigerri-
 mos per pictorem representandos? An igitur in pan-
 no est horum colorum aliquis? Delige quem voles;
 aut illum vnum falsò tribues, aut alij omnes falsò tri-
 buentur. Dicendum ergo potius videtur nullum inesse,
 vt proprium; sed inesse solum dispositionem, vt in
 hoc, vel illo lucis gradu, hunc illumve colorem induat.
 At cur rubeum potius, quàm viridem, aut alium? Nem-
 pe quia tinctus est liquore, cuius corpuscula compa-
 rata sint ad refringendum, reflectendumque lucem ea

temperatone, vt rubei, potiùs quàm viridis, alteriusve coloris speciem ad oculum referat. Nosti videlicet liquori, quo tingitur pannus, commisceri puluerem corporis detritissimi, aut per infusionem corrosi, & nullum esse pilum, aut, potiùs nullam pili sensibilem partem, in qua non sint granula aliqua pulueris illius. Porrò pro ratione figurarum eiusmodi granulorum, necesse est lucis refractionem, reflexionemque fieri, atque adeò speciem coloris creari. Sequitur,

Pluma columbarum quo pacto in Sole videtur,

Quæ sita cernices circum, collumque coronat.

Namque aliàs fit, vti claro sit rubra pyropo;

Interdum quodam sensu fit, vti videatur

Inter caruleum virideis miscere smaragdos.

Candâque pavonis, larga cum luce repleta'st,

Consimili mutat ratione abuersa colores.

VII. Habes heic colores, quos *apparentes*, seu apparentes vulgò appellant, quasi distinguantur ab illis, quos veros, seu verè inhaerentes putant: cum tamen tam illi, quam isti sint veri; & non isti magis, quàm illi inhaereant; ac discrimen sit solùm circa dispositionem, quæ in panno, arborisve folio uniformior est, in collo columbæ, aut cauda pavonis multiformior, ob facieularum in corpusculis reflectentium diuersitatem. Idem dicendum de Iridis, Halonisque coloribus; qui non idcirco euanidi sunt, quia veri non sint: sed quia dispositio ad tales colores, nisi respectu talis situs corpusculorum, vaporis, Solisque, & visus, non est; adeò vt siue variato, tam parum possint iidem colores perseverare, quàm perseverat idem in

panno, dum aliquo expositorum modorum, situs illius commutatur. Certè & cùm vides folium arboris viride flavescere primùm, ac deinde rubescere; erit, cur eius viriditatem apparentem solùm, non veram pronuncies; quòd nihil penè duret respectu viroris smaragdi. Difficultas quædam major esse posset de colore, quem radij vitro colorato trajecti parieti affingunt; sed & illi quoque tam sunt veri, quàm cæteri, quatenus paries eo casu est tantum vice speculi radios jam coloratos, allapsosque reflectentis; constat autem colores in speculo visos esse veros, neque necessarium esse, vt veri sint, hærenteis in eo, aut indelebileis esse. Sed quid est dicendum de coloribus, qui per Trigona vitra vulgaria rebus omnibus appinguntur? Dicendum veros quoque esse, quatenus nihil aliud sunt, quàm lux ex ipsis rebus reflexa, & (quod aliis oculis sine trigono respicientibus deest) bis refracta. Et sanè, si quis in globum politum respiciens, qua parte lux Solis, aut alia in oculum reflectitur, longè alium videt in ea colorem, quàm dum ex loco respicit, in quem ex eadem reflexio non fit; & vtrumque tamen existimat verum, nihil obstante reflexione, quæ illinc alium, quàm heinc demonstrat: quid-ni & illi veri habeantur, refractione nihil obstante, quæ alios, quàm sine refractione appareant, demonstrat? Nota interim hos colores ex refractione per vitrum visos esse heinc inde geminos. Etenim, quia non appinguntur nisi extremis corporum, aut quæ superficies visa, inæquabilis est (nam si sit plana, & æquabilis, coloris prorsus vniusmodi, & qualis sine vitro, apparet)

paret) idcirco duo semper colores visuntur in eo extremo corporis, quod ex parte baseos Trianguli spectatur, videlicet croceus, seu miniaceus, & flauus; duo in eo, quod ex parte fastigij, vt puta cæruleus, seu violaceus, & viridis. Ex quo fit, vt si extrema sint satis propinqua, tunc flauus, & viridis in medio nectantur, appareantque colores quatuor hoc ordine, idque incipiendo à basi, croceus, flauus, viridis, violaceus; præter varietates innumeras circa fineis, & commissuras. Dico autem à basi, quoniam seu sursum, seu deorsum, seu ad dextram, seu ad læuam conuerteris; idem semper ordo incipit ab ea; quantumcumque omnes radij vitrum traiciendo ferantur ipsi paralleli, postquam ex objecto appellentes ad vnum latus cum inclinatione graduum circiter triginta, refracti fuerunt angulo pari, vt exeuntes ex alio versus oculum, pari rursus angulo, & cum pari inclinatione refringantur. Non memoro porrò ipsos eosdem esse iridis colores: quales apparent etiam per pilam vitream aqua plenam, aliisque modis compluribus; admoneo solùm eosdem esse, quorum Lucretius heic meminit, nisi quòd sub rubro, & qualis est pyropi, flauum etiam complectitur; vt Aristoteles quoque est sub nomine punicei complexus. Subdit porrò ille,

*Qui quoniam quodam gignuntur luminis ictu;
Scilicet id sine eo fieri non posse putandum est.*

*Et quoniam plagæ quoddam genus excipit in se
Pupula, cum sentire colorem dicitur album,
Atque aliud porrò, nigrum cum, & cætera sentit:*

*Nec refert, ea, quæ tangis, quo fortè colore
Prædita sint; Verùm quali magis apta figura;
Scire licet nil principiis opus esse colores;
Sed variis formis varianteis edere tactus.*

IX. Agnoscis jam colorum species pendere ex modis, quibus accedentes lucis atomi feriunt pupulam, seu humorem crystallinum (aut, vt videtur probabilius, tunicam retinam, opticumve neruum) idque pro diuersa configuratione. Tametsi enim Philosophi illi atomos lucis, atque adedò caloris, ignis, imò & animæ sphæricas esse dixerint; agnouere tamen & ratione motus, & ratione commissionis cum aliis, posse alio, alióque modo organum ferire, configuratasque accedere. Heinc dici potest exprimi in organo sensum coloris candidi, cum ipsum feriunt tales atomi, radijve ex ipsis contexti, qui aut directè adueniunt ex ipso suo fonte, lucidove corpore, veluti Sole, puræve flamma; aut reflexè ex corpore, cuius minutissimæ quæquæ particulæ superficiecularum politarum sint, quales in Epistola esse dixi bullulas spumæ, atque niuis. Ad nigrum colorem quod spectat, non tam illius sensus in organo exprimitur, quàm per negationem lucis fieri explicatur; quippe qui ab umbra non differat, & quicquid ex eo positiuè visibile est, id eiusmodi sit ex participatione lucis, à qua proinde habet, vt à nigrore absoluto degeneret. Hac ratione fit, vt colores nigriores, nigrioresque habeamus ex comparatione ad totalem umbram, seu tenebras meras; vtque nihil videamus adedò nigrum, quod non possit nigrius, nigriusque adhuc

euadere, proüt recedet magis à luce, & accedet magis ad tenebras. Quare & existimare par est corpora suapte naturâ nigra, constare ex particulis, quarum superficieculæ scabræ sint, nec facile lucem extrorsum reflectant. Quod spectat ad colores alios, dicendum sanè aliquid foret de antipathia colorum, vt inter croceum, & cæruleum; ac inter viridem, & roseum, in quem croceus degenerat; interque flauum, & purpureum, in quem cæruleus abit: prætereà verò de sympathia, vt flauī cum croceo, & viridi; viridis cum flauo, & cæruleo; ex quo vtroque familiare est pictoribus illum creare, atque ita de cæteris: sed satis esto omnium sensum in organo exprimi, pro varietate reflexionum, refractionūque, quæ in superficieculis particularum fiunt, paribus cum iis, quæ in phiala vitrea, in trigono, aliisque fiunt, cū vmbellarum intermissione. Hanc addo, quoniam neque reflexionem, neque refractionem, vnā, multiplicem, seorsim, simul, sufficere experimenta varia demonstrant; & vel illud est luculentum, quod dixi de plana, amplāque superficie, cui radij, bis refracti licet, & prius reflexi colores illos non appingunt. Exigitur ergo prætereà vmbellarum intermissio; & vel id arguit, quòd colores per vitrum non appinguntur, nisi extremis corporum, vbi est non modò commissura generalis lucis, & vmbrae in vltiore corpore; sed etiam inæquabilitas superficiei in ipso extremo, quæ quidem quò scabrosior fuerit, eò colores magis ampliantur; quæque quantumvis polita videatur, nunquam tamen non esse potest instar ferræ, ob rationes dictas in Epistola: adeò

vt inter latuscula denticulorum radios heinc inde reflectentium, intercipientur vmbellæ per cauitates interceptastrajectæ. Exinde est, cur, vt re per Trigonum conspecta, color croceus, aut cæruleus tantò fit densior, quantò propiùs ipsi extremo appingitur, ob maiorem copiam vmbRARUM; tantò dilutior, quantò magis recedit: adeò vt abeat denique in flauum, aut viridem, ipsumque dilutissimum, ob pauciores vmbRAS, & maiorem lucis abundantiam: ita proportionem existimem fieri in corporibus, quæ nudo visui colorata apparent. Siquidem vnâquamque particulam vniuscuiusque pili in panno rubro, aut violaceo, concipio se habere non absimiliter, quàm extremum corporis per Trigonum conspecti, quatenùs lux potest perinde ex ipsis cum ea reflexione, & intermissione vmbellarum accedere ad oculum, atque accedit ex extremo corporis, adjuncta vitro, vmbRAS veluti commiscente: cùm aliunde nudæ eius refractiones sint inefficaces, vt jam dictum est. Pari quoque modo rem concipio in panno flauo, aut viridi, seruata vmbRARUM, & lucis proportionem: pari in cæteris aut pannis, aut rebus, quarum colores affinitatem, ac velut ortum ex istis habent. At quorsùm ex commistione lucis cum plurima vmbRA generantur illi colores oppositi, croceus, & cæruleus? Videmur posse quoddam indicium ex eodem Trigono habere. Nempe quia radij versus basin traijciuntur longiore via; ideò plura corpuscula per contexturam vitri occurrunt, quæ totidem retundant radios, sicque vmbELLAS vmbellis adiiciant: vnde efficiatur color cro-

cœus, qualis apparet quoque in flamma, ex qua crassioris fumi corpuscula per ipsam diffusa totidem auerunt lucis radios ab oculis; & qualis in Sole, aut Luna, quorum plusculi radij à vaporum corpusculis interpositis retunduntur. Et quia versus fastigium traijciuntur breuiore, paucioraq; occurrunt obstitentia corpuscula; idcirco paucae supersunt umbellæ, ex quibus commistis lux quasi luescat, fiatque color cæruleus; qualis apparet etiam in cælo, seu vastitate interminata, cuius quæ foret obscuritas diluitur per radios ex corpusculis interpositis reflexos in visum. Vt cumque autem sit, possunt minutissimæ quæque corporum particulæ eam habere dispositionem, ut permistam umbellis lucem ea temperatione reflectant, qua perueniat ad oculum, ut Trigono trajecta peruenit, dum coloris crocei, cæruleive imprimit sensum. Sed hæc iam nimis; nisi quia tacendum non est, coniiciendo solum, ac balbutiendo ista dici; cum sciri reuerâ non possit, qualia sint lucis corpuscula, & quali cum vibratione, aut euolutione ferantur; qualia corpora reflectentia, aut refringentia; & qualem, aut quàm multiplicem reflexionem, refractionemque facere debeant: qualis, quanta, & quovsque umbellarum commistio, cæteraque huiusmodi, quæ etiam quamvis pernossemus, sciri nihilominus non posset, quamobrem lux tali appulsu, & cum tali reflexione, aut refractione, in tali loco, & cum tali umbrarum permistione facta; colorem potius rubeum. quàm cæruleum, aut cæterorum quemlibet gignat? cur ex tali appulsu exprimatur sensio adedò pulchra, qualis vi-

sio est; & seu pupula, seu retina, seu cerebrum, seu facultas, non solum ictum, siue plagam, vt Lucretius loquitur, sed colorem quoque percipiat? Ecqua enim est analogia inter quodvis horum, & quemvis colorem, colorisve sensum?

X. Quæris Quartò (quæsieras tertio; sed commutare visum est) *Cur articulo undecimo indefinitè dixerim, esse visum, seu facultatem interiorem, quæ iudicet de re externa, pro conditione imaginis in oculi fundo impressæ.* Respondeo fecisse, vt simul vulgarem loquendi modum retinerem, quo non modò visus, sed oculus etiam, de coloribus iudicare dicitur: & antiquorum sententiam non abnuerem, quorum celebre est effatum, *mens videt, mens audit.* Ac ne fortè existimes defensores atomorum id non sensisse, quod cæteros; ecce illi voluerunt visum, & quemlibet sensum se habere merè passiuè; hoc est nihil aliud, quàm speciem rei externæ excipere: mentem verò esse, quæ de re ex eius specie iudicet, seu rem talem esse, qualis ipsi sensui exhibetur, pronunciet. Atque exinde est, cur illos traduci videas à pluribus, quòd dixerint *Sensus nunquam falli*; cùm tamen ipsa re spectata, nihil potuerint dicere verius; quatenus falsitas non est nisi in iudicio, & ipsi negarunt sensibus iudicium. Heinc multiplex quidem fallacia circa objecta sensuum, ac potissimùm visus, intercurrit; at si falsitas consequatur, non culpa est sensus, sed solius mentis. Nam sensus nudè refert apparentiam, quæ & reuerâ talis est, & reuerâ habet causam physicam, atque necessariam, quare talis sit; mens verò est, quæ iudicat ta-

lem apparentiam ita conuenire rei, quæ apparet, vt rem talem esse, qualis per apparentiam repræsentatur, pronunciet. Ex quo fit, vt cùm apparentia possit ob multiplicem causam fieri in sensu multiplex; ipse quidem semper verè afficiatur; at mens sola idè fallatur, quòd apparentiæ causas non discernens, ipsas non discutiatur, sed præcipitem opinionem ferat. Sic cùm per Trigonum vitreum, de quo paullò antè dicebam, res appareant & tali existentes in loco, & tali colore imbutæ; si quis opinetur res esse & in eo loco, & cum eo colore, dices illum falli; at agnoscis saltem inter apparentiam, & opinionem discrimen; nam apparentia quidem vera est; sed opinio falsa. Apparentia, inquam vera; quoniam reuerà talis est, & causam habet veram, atque necessariam, ob quam talis sit, & qua posita non esse non possit: Opinio autem falsa; quoniam non proptereà res ibi, neque eius coloris est; cùm sublatâ causâ eius apparentiæ, apparentia ampliùs non sit, & supersit alia, quæ rei magis conformis sit, neque perinde refelli possit. Agnoscis proinde non sensum errare, cuius est sola apparentia, sed mentem, cuius est opinio: ac illos admodum loquendi, potiùs quàm ad rei veritatem attendere, qui id reprehendunt, *Sensus nunquam falli.* Sunt profectò etiam ex Patribus Sanctis, qui effatum id mirificè probent, & in Academicos inuehantur, quòd falsitatem sensibus tribuentes, *omnem naturæ ordinem turbent, ipsiusque Dei providentiam excacent; quasi cunctis operibus suis intelligendis, incolendis, dispensandis, fruendiq; fallaceis, & mendaceis dominos præferit sensus.*

Diceres Lucretium isthuc respexisse, illis versibus:

*Etsi non poterit ratio dissolvere causam,
Cur ea, quæ fuerint iuxta quadrata, procùl sint
Visa rotunda: tamen præstat rationis egentem
Reddere mendosè causas utriusque figure,
Quàm manibus manifesta suis emittere quæque,
Et violare fidem primam, & conuellere tota
Fundamenta, quibus nixatur vita, salusque.*

XI. Sed hæc ut mittam, adnoto solum, cum inter rationes, quibus illi falsitatem sensibus negabant, eam attulerint, quod omnis sensus sit irrationalis, & memoriæ incapax; insinuatum tacite fuisse, præter apparentiam, quæ in sensu secundum imaginem fit impressionem quandam intus fieri, ex qua & recordatio rei, quæ apparuerit, excitetur, & de ea fiat ratio-cinatio, cum menti collibuerit. Ac specialis quidem illis fuit explicandi memoriam modus, etiam per insomnia, ex allapsu externarum imaginum: at quia, seu ille, seu quisquis alius sit magis, aut minus verisimilis, supponitur semper remanere intus impressum quoddam vestigium rei per sensum antè perceptæ; ideò superesse difficultas posset de modo, ac forma huiusmodi impressionis. Cum illi porrò, Aristotelesque, & alij vellent impressionem transmitti ex oculo usque, & aliis organis externis, ad commune usque sensorium, videlicet pectus, aut cor; præclarius Plato, & alij, ut mihi quidem videtur, senserunt, cum designauere cerebrum, in quo, ut communi sensorio, talis impressio fieret, & in quo, ut in arce resideret mens, ad quam pertinet memoria, & ratio. Nam, ut

nihil dicam de sensibus aliis, constat res visum percellenteis posse faciliè impressionem sui transmittere in cerebrum; quandò retina, in quam agunt, collecta in opticum neruum, desinit intra cerebrum, motaque ex parte oculi, mouere simul cerebrum, qua parte per neruum illi hæret, potest. Tunc proinde quidam veluti character imprimitur in cerebro; non qui sit quidem coloratus, vt imago in oculi fundo; sed qui tamen aliquam partium distinctionem retineat, quomens veluti admoneri de cæteris imaginis conditionibus valeat, vt vestigio animalis impresso in luto, de animalis conditionibus; idque præsertim cum videatur, iuxta Aristotelem, debere intelligentem ad phantasmata, siue rerum imagines, quarum recordetur, conuerti. Ac huiusmodi sanè aliquam impressionem fieri id arguit, quòd contentione opus sit, eaque diuturna, ac repetita; quasi neruus intentus non possit momento, neque vna vice profundè satis infigi, characteremque non faciliè debilem imprimere. At, quonam modo, inquires, tanta characterum varietas in tantulo cerebri loco? Sanè heic præsertim balbutiendum est; sed cum te mea quoque insomnia delectent, repetendum heic est, quod dixi de tenuitate corpusculorum, quorum tot myriadas natura compingit in conformando acari; & quibus non debent ad contexendum cerebrum vsurpari minùs tenuia. Notandum ad-hæc, cum, exempli causâ, libri paginam legimus, caputque immotum habemus, moueri quidem & pupillam, & cum ipsa visionis axem; at propter retinam immotam, tam feriem dictionum,

literarumque vnus versus à læua ad dextram, quàm
 seriem versuum à parte superiore in inferiorem, ferre
 successiuè alias, aliasque parteis retinæ, atque adeò per
 alias, aliasque parteis optici nerui, alias, aliasque ce-
 rebri parteis: ex quo fiat, vt deinceps recordari possi-
 mus rerum conscriptarum in pagina; ipsâ paginâ qua-
 si iterum legeremus, menti obuersante. At quare su-
 peruenientes characteres non delent priores, vt cùm
 paginam aliam simili modo percurrimus? An quia nul-
 la est alia non diuersa series, ac proinde ex qua non
 diuersi characteres in diuersis loculis, ac diuerso mo-
 do impressionem faciant: cùm id parî modo dicen-
 dum sit de cæteris omnibus rebus? Quo loco oportet
 profectò cerebrum concipere non instar ceræ muta-
 bilis, aut chartæ atramento scriptæ, sed instar chartæ,
 papyriue mundæ, plicatilisque in omnem partem.
 Quippe & innumerabilis est plicarum varietas, qua-
 rum foliolum capax est: & quantumvis multas secun-
 dum omnem obliquitatem superinduxerimus, priores
 tamen omnes manent; & secundum series inductæ,
 quamcùmque earum seriem repetierimus, facilè se-
 quuntur, & apparent omnes, quæ in ipsa sunt. Heinc
 proinde licet aliqua ratione intelligere, Tum quomo-
 dò aut narrationem, aut orationem, quam didiceri-
 mus, exorssi, ad calcem vsque repetamus; scilicet tota,
 vt in papyro, plicarum series consequitur. Tum quo-
 modo reminiscamur, quæ sita rei specie, quæ ex con-
 sequutione deducat in eam, cuius obliti nobis videmur;
 scilicet arripienda est, velut in papyro, plica distin-
 ctior, quæ excitare confusiores ad exoptatam vsque

possit. Tum quomodo obliuiscamur, nec reminisci amplius possimus: scilicet, velut in papyro, plica, aut plicarum series, partim iteratæ plicationis defectu, partim aliarum superuentu, ita debilis facta est, vt resumi, assurgere, successionem habere non valeat. Tum quomodo semper melius recordemur quæ frequentius repetimus, aut recentius addiscimus: scilicet, velut in papyro, plicæ distinctiores, roboratioresque redduntur, aut fiunt. Et cùm mens, ex eodem Platone, in continuo motu, seu nisu cogitandi sit; & aliunde agitati continuo spiritus continuam motionem in cerebro excitent, licet quoque aliqua ratione intelligere, Tum quomodo opus contentione sit, vt quo delectu, ac ordine volumus, quidpiam recordemur, ac intelligamus: scilicet, velut in papyro, facilè transitur ex vna plicarum serie in aliam; ex eoque fit, vt innumera; eaque diuersissima ob continuum illum motum intercurrent, quæ non aduertenteis diuertant, aut etiam inuitos abripiant, vt in recentibus, fortibusque dolorum, aliarumve passionum impressionibus. Tum quomodo inter somniandum aliquando quidem rationalia cogitemus; vt plurimum verò absona supra omnem fidem; scilicet, velut in papyro, aliquando quidem plicæ consequuntur ex ordine: at quia somnus velut iligat rationis delectum, ac imperium; idcirco ob illam agitationem continuam variæ, illarum series ita plerumque perturbatè, ac indiscriminatim excitantur, vt incohærentissima, & inexpectatissima copulentur. Sed quonam euadunt hæc mea insomnia? Insomnia sunt sanè, quæcumque de rebus adeò abditis, incom-

XII. Quæris Quintò , *An-non sit causa aliqua Physica ; ob quam aër* (& , quod dixi articulo vigesimo primo , totus iste globus Telluris) *cùm inania quædam insensilia , quasi poros quosdam patiatur ; non ferat tamen grandia , quæ quasi quædam vulnera sint ?* Respondeo causam physicam (nam ego quoque allatam illam ex comparatione , moralem agnosco , non minùs quàm vulgarem , decantatamque ex horrore naturæ) non videri mihi esse aliam , quàm incubationem , & fluxilitatem aëris , ac naturalem exclusionem duorum , vel plurium corporum ex eodem singulari loco. Cùm incubationem dico ; intelligo , quemadmodùm aqua solidiori parti terreni globi incubat : sic aërem tam ipsi aquæ , quàm terræ circum incumbere , necessitatéque non minore reuinciri ; siue sit vis quædam magnetica Terræ , quæ ipsum quasi circumliget ; siue grauitas infita , quâ , perinde ac ipsa aqua , in terram feratur ; vt perinde ac ipsa , grauiori corpori subeunti locum cedit , & fursùm abit. Cùm fluxilitatem dico : intelligo corpuscula , ex quibus contextitur , non ita esse continua , vt rigidum quidpiam constituent , sed ita solùm contigua , vt si opus fuerit , nullo labore dissociari , & quoquo versum diuertere possint ; ex in aceruo singula grana. Cùm dico plurium corporum ex eodem loco exclusionem ; intelligo etiam parteis corporis eiusdem , quarum donec vna spatium singulare , seu partem rotalis spatij occupat , non patiatur aliam subire ; sed vel consistat , vel spatium cedat , cùm ipsi interim vicina , aut vicinum corpus spatium aliud fecerit libe-

rum, in quod se recipere possit. Iam concipe effusa grana generum variorum in modium; cùm nullum quidem intus sit granum, quod non à circumstantibus diuersimodè contingatur; concipis nihilominus interstitia quædam inter singula, in quibus granorum nihil sit. Tum si succutias modium, aut molem versus fundum premas; deprehendes molem non-nihil subsidere; non sanè granis subeuntibus, subingredientibusve in grana; sed granis sese adinuicem ita comparantibus, vt dum cuspides non cuspidibus, aut tumoribus è directo stant, verùm mutuò quasi adrepunt, interstitia illa minora euadant. Quantumcùmque porrò succusseris, aut prefferis, non efficies tamen molem semper minorem, minoremque; sed facta granorum accommodatione, quanta maxima fieri poterit, moles consistet. Hac ratione, videtur regio ista mundi occupata ab aëre, concipienda esse, vt textura quædam corpusculorum, quasi granulorum, ex terra, ex aqua, ex mistis corporibus exhalatorum, variæque configuratorum, quam appellemus aërem. Cùm huiuscemodi verò corpusculorum nullum sit, quod non vndequaque à circumstantibus contingatur; intelligimus tamen debere spatiola quædam inania inter ipsa intercipi, quæ, si corpuscula pressa fuerint, imminui quadantenus possint; possitque adeò aëris portio in minorem molem cogi, redigique. Hoc scilicet modo intelligi licet comprimere aërem intra tubulos catapulticos puerorum, intraque recens adiuventas catapultas pneumaticas. Quippe aliquovsq; quidem inclusus aër comprimitur, quod ipsius corpuscula in-

terstitiis diminutis accomodentur propius ; at non potest amplius deinceps in minus spatium redigi, quòd nullum corpusculum ingressum alterius in se , aut in locum à se occupatum patiat. Et de causa quidem impetus, quo aër deinceps exsilit, & prorumpens globulum , sagittamve explodit , non est cur aliquid adijciam ; cum constet vnumquodque corpusculum violenter compressum, fieri quasi machinulam , quæ, quamprimum libertas est, repulsione in oppositum facta nisum suum exprimat, & tantò quidem vehementiorem, quantò compressio fuerit violentior.

XIII. Redeo ad aceruum granorum , intra quem, si immittas manum , occupabit quidem illa tantum spatium , quanta ipsa est : sed præter tantillam compressionem , animaduertes duo euenire. Vnum, vt si manum reduxeris, spatium , quod prius occupabat, non inoccupatum remaneat , sed eodem momento à granis circumstantibus , confluentibusque repleatur. Alterum, vt manus locum sibi faciens, acerui superficiem (tanquam granis grana compellentibus) intumescere cogat ; & locum relinquens , eandem superficiem (tanquam granis grana consequentibus) subsidere faciat. Ex quo sequitur , vt quantumcùmque grana fluxa sint, siue facile compellantur, consequanturque ; nisi tamen locus ultra superficiem , quò discedant (pateat, vt si aceruus vndique concludatur, comprimaturque à solido corpore , sitque solum ingressus magnitudine, & forma tui pugni, fore eo) casu vt non possis pugnum intra aceruum immittere , facereve manui locum intra illum. Colligis ex his quid di-

cere velim. Nam primò, vt grana acerui sese diuersi-
modè contingentia non modo patiuntur aliqua inter
contactus interstitiola, in quibus granorum nihil sit;
sed etiam esse sine ipsis, spectata figurarum condi-
tione, non possint; ita corpuscula aëris contingentia se
inuicem, non modò patientur spatiola quædam in-
nania inter contactuum punctula: sed nec esse quidem
sine ipsis poterunt, ob conditionem figurarum. Se-
cundò, vt grana, tametsi patiantur illa interstitiola;
ob sui tamen fluxilitatem non patiuntur grandia in-
terstitia, cuiusmodi est amplitudo pugni, & longè
minor, ac vix grano maior; ita corpuscula aëris tam-
etsi patiantur minora illa spatiola; non patientur ta-
men innania vlla grandia, etiam cuiusmodi est acari,
pediculive ipsius apex, donec erit, quod vel setoto,
vel angulo sui replere id possit. Tertiò, vt grana,
quantumcùmque fluxilia, vbi pressa fuerint, cedere
non possunt, nisi pateat locus, in quem abeant; ita &
partes aëris, quantumcùmque fluxiles, cedere prementi
corpori non poterunt, nisi locus sit, in quem se re-
cipiant. Hinc reddi videtur non absona ratio expe-
rimentorum vulgarium, quæ circa vacuum obijci so-
lent. Siquidem, vt vnum, aliudve attingam; id circò con-
cluso follium osculo, necquicquam contendis diducere
asserēs vltra modulū quoniam aër, quem vtrinq; vr-
ges, non habet locum, in quem excedat. Omnia siquidem
plena sunt; quandò aër vndique incubat, & vel ipse,
vel corpora alia tam propè, quàm procùl omnem
circum occupant locum (neque mirum est, si interea
facile moueantur, & cedant, quoniam vnum aliud

propellens, relinquit ipsi tantum loci, quantum ab ipso exigit; quod non faciunt aëres aduersus aërem, tua vi nitentes.) Verùm statim atque aperitur osculum; tum nullo negotio diducere potes; quoniam facta heinc inde leui compressione, subingressioneque contingentium corpusculorum, vt fiat motus initium; quantum aëris ad latera cogis, tantumdem, libertate infernè facta, eò versum propellitur, locumque simul intra folleis apparatus complet. Sic clepsydræ aqua non effluit per inferiora foramina; donec digito superius occludis; quoniam aër quidem suppositus premitur ab aqua, sed quia non habet locum paratum, in quem abeat, contiguumve, & vicinum propellat, idcirco resistit, nec effluere aquam patitur. At statim atque digitum attollis; quia tum aër potest ingredi supernè, & lateralis succedere, si ab inferiore pressus fuerit; fit, vt inferior aquâ pressus, cedere locum ipsi valeat (nempe dum lateralem pellit, inque illius locum succedit) sicque aqua denique defluat. Eadem ratione, cum phialæ aqua plenæ prouersum directè est osculum, ne gutta quidem effluit, quoniam aër æqualiter ab omnibus aquæ partibus vrgetur; & cum locum extraphialam habere non possit, non potest etiam locum quærere intra ipsam. At cum osculum non-nihil inclinatur: tum aquâ prope inferiorem partem orificij vehementius premente aërem sibi suppositum, quam premat residua: talis aer vrget minus pressum, isteque pressus versus aquam minus prementem, illam sursum cogit, ipsaque coacta cogit successiuè omneis partibus sibi superiores ad vsque supremam, quæ ipsa cogit successiuè

Successiue inferiores ad infimam vsque; donec ista magis pressa, magisque premente aërem suppositum, aër iste denique cedit, vt pote cedente ipsi aliq aëre, cui cedit aqua superior; ita vt aër bullatim ascendat ex vna parte, dum aqua ex alia guttatim descendit; sicque tantum aëris phialæ summum petat, quantum eius spatium aqua ima inuadit. Pari modo; cum cyathum prorsum sic mergis in aquam, vt aqua eius capacitatem vel totam, vel ex parte compleat, ipsumque deinceps directè, sensimque attollis, & vides aquam ascendere, seu supra planitiem residuæ attolli; cur id fieri putes, nisi quia cum omnia extra cyathum loca occupata sint, tantundem solum aëris extrinsecus cedit, quantum planities aquæ subsidit, talique aëri locum facit? At contenta interim aqua intra cyathum premit quidem non-nihil aquam suppositam; sed ipsam tamen magis premit vndique tota aque moles pressa ab aëre, quem superficies cyathi exterior propellit: quare & cum alibi reperire locum non valeat, sursum tendat necesse est. Idem in cæteris est iuris.

XIV. Quæris Sexto, ob ea, quæ dixi articulo proximo de contextura Diaphani, *Quomodo possit radius lucis, vt corpus quoddam intelligi; cum Sol, quacumque facie habuerit vitrum sibi oppositam, perpendiculararem pen ipsum transmittat?* Videlicet commemoras eximium Camerarium, scum de mea sententia institueretis colloquium, id ipsum tibi opposuisse. Neque verò quicquam fuit opus, vt quantus ille vir fiet describeres, cuius solertiam, iudicium, eruditionem, elegantiam,

ex editis libris iam pridem suspicio. Ac vereor quidem, ne nihil possim, quod satisfaciat dicere; sed ne balbutire, quia coepi, desistam, ac ne morosus videar, Respondeo me primum non satis percipere, quale vitrum sit, quod intelligis oppositum Soli. Nam si planum quidem sit, non transmittit Sol radium, radiosve perpendicularareis, nisi è regione, directève oppositum habeat; cum si inclinatum, obliqueve oppositum habuerit, eosdem radios refractos, siue obliquatos transmittat. Si curuum, tum solum perpendicularè transmittit, cum punctum è quo radius profluit, & punctum curuitatis cui allabatur, & centrum eiusdem in eadem sunt recta; etenim si pars curuitatis ita apponatur, vt radius in eam incidens, centrum in directo progressu non habeat, tum radius non nisi refractus, obliquusve transmittitur. Itaque, existimo te accipere vitrum, aut planum, quo directè Soli opposito, intelligas nullum esse in eo punctum, per quod radius perpendicularis non traiciatur; aut pilam vitream, vniformemque, qua quomodocumque Soli opposita, vnum punctum sit, per quod traiciatur perpendicularis. Quandoquidem verò eadem ratio est specialis cuiuslibet puncti in vitro sphærico, ac cuiuslibet spectati seorsim in plano; eapropter, vt de hoc potissimum dicam; manifestum est, neque nomine radij intelligi heic mathematicam lineam, neque nomine puncti mathematicum indiuiduum; cum natura non agat per lineas, indiuiduae huiusmodi; sed per materiam, & corpora magnitudinem, & partibus habentia. Intelliguntur ergo potius nomine qui-

dem Radij, corpusculum oblongum eius tenuitatis, vt sit filo aranæ inæstimabiliter tenuius; nomine verò Puncti, particula in superficie vitri adeò exilis, vt sit pediculo acari incomparabiliter exilior. Cùm tota porrò vitri superficies ex eiusmodi punctis constet; dico puncta eiusmodi esse alternis plena, & inania; adeò vt, cùm inanitas terminare visum non possit, sola puncta plena, corpuscula nempe in fronte locata, ipsum terminent; & non valente visu interinctionem discernere punctulis inanibus factam, tota superficies perfectè vnita, politaque esse appareat. Tum quia ex radiis in vitrum confertim allabentibus, alij incidunt in plena, seu corpuscula; alij in inania, seu porulos vacuos; ideò dico radios, qui in corpuscula incidunt, reflecti; qui in porulos inaneis, transmitti. Atque id quidem ea lege fieri, vt excipiendo puris chartis heinc reflexos, illeinc transmissos, lux ex reflexis composita tantò sit obscurior, quantò plures transmittuntur; & composita ex transmissis, tantò sit quoque obscurior, quantò plures reflectuntur; ac visus nihilominus, vt non potest discernere in vitro porulos corpusculis interceptos, ita non possit discernere in luce reflexa vmbellulas ex defectu radiorum transmissorum intermixtas, neque in transmissa vmbellulas ex defectu reflexorum interceptas. Non videtur autem alia esse ratio, quàm inexcogitabilis tenuitas corpusculorum, porulorumque; & radiusculorum, ac vmbellularum simul. Conijcere verò vt cùmque eam licet ex eo, quòd nullæ sint particulae aquæ, aut alterius liquoris, aërisve etiam, adeò te-

nues, quæ possint cum radiusculorum tenuitate comparari; quando nullæ non sunt magis crassiusculæ, quàm vt peruadere vitri porulos possint.

XV. Iam, cum certum esse videatur vitro Soli opposito pertransire aliquid ex ea regione, in qua est Sol, in eam quæ est vltra vitrum: siue censeas id esse corpus, nihil vetabit radium appellare corpusculum: siue existimes qualitatem; quoniam qualitas sine subiecto, & quasi vehiculo transire non potest, nihil rursus vetabit radium appellare corpusculum: nempe deuehens secum qualitatem. Cum difficultas verò sit de obuia vbiq; itineris rectitudine: vides primum illud *vbiq;* non esse metaphysicè, vt sic loquar, sed sensibilibiter intelligendum. Nam rigidè quidem, vt aiunt, loquendo, falsum videtur per omne punctum in superficie vitri existens transmitti perpendicularem radium; cum quæ occurrunt corpuscula, non transmittatur, sed reflectatur. At, si de puncto sensibili sit sermo, verum est nullum esse visu quantumlibet Lynceo designabile punctum, per quod radius non transmittatur; quatenus nullum est sensibile punctum adeò exile, vt non simul quemadmodum corpuscula innumera, ita innumeros porulos complectatur. Vides deinde, quacumque ratione id fiat, & quomodo cumque vitri textura, quando conflatur, coalescat; reliqui itinerula, quæ à facie anteriore in posteriorem directè contendant; scilicet vitri corpusculis ita se componentibus, vt illa patula remaneant; remanentibus simul aliis versus omnem obliquitatem. Rem declaravi quantum licuit, in cor-

textu articuli, ac potissimum ex comparatione vitri, & papyri. Addo iam, expetere me, vt consideres nebulam, in quam versus occasum sitam, exorto Sole, subingrediaris. Si enim paucos ingressus passus, Solem conuersus respexeris, vix quicquam obscuriorem illum iudicabis; quòd ex radiis innumeris, qui ex eius disco in oculum prodeunt, paucissimi sint intercepti, retusique à corpusculis, ex quibus nebula contexitur; & supersint adhuc itinerula recta innumera corpusculis non occupata. Progressus vltèrius, agnosces iam Solem obscuriorem fieri: nempe quia licet plurima adhuc itinerula à corpusculis non occupata supersint, non pauca tamen ex ijs, quæ prius remanserant libera, iam occupata euaserunt. Progressus adhuc, deprehendes magis, magisque factum obscurum, quòd pauciora, paucioraque itinerula inoccupata relinquantur. Denique tantum progredieris, vt non sis prorsus visurus Solem; tanquam nullis amplius itinerulis per penetratam nebulæ prolixitatem non occupatis. Quorsum hæc verò? Nempe, vt rursus consideres, nullum esse vitrum adeò pellucidum, quod non sit nebulâ quantumlibet densa incomparabiliter opacius. Id fortassis mirabere; sed accepto vitro plano purissimo, quod non sit folio papyri densius: accipe intra nebulam passus vnus spatium, agnosces sanè totum hoc spatium haudquaquam esse opacius: quin etiam vitro aliquantulum seposito ab oculo, obseruabis rem vno passu vltra ipsum constitutam sensibiliter obscuriorem alia, quæ intra eandem nebulam aliquot passibus distabit. Accipe Vitrum ex

eadem materia crassitudinis digiti vnus ; quàm deprehendes illud magno interuallo intra nebulam assumpto opacius ? Quid porrò , si habueris vitrum ex eadem materia vno pede crassum ? Certè id fiet ita opacum , vt iam vltra ipsum nihil sis visurus ; cùm nulla sit nebula adeò densa , vt non ad plureis non modo pedes , verùm etiam passus distantem rem videas. Quorsùm rursus hæc ? Nempe , vt exinde duæ quædam agnoscas. Vnum est , cùm dico ex porulis in vna vitri facie , siue superficie apertis , patere recta in aliam itinerula ; nolle me propterea omnia patere recta ; sed aliqua etiam à corpusculis per vitri crassitudinem constitutis intercipi (quippè id antè iam insinuaui , cùm de Trigono vitreo) ac tantò quidem plura intercipi , quantò maior fuerit crassitudo , seu profunditas vitri. Reciprocè autem velle me , tametsi per ipsam vitri crassitudinem itinerula multa intercipiantur ; superesse tamen posse recta aliqua , & tantò quidem plura , quantò vitrum fuerit tenuius ; tantò pauciora , quantò profundius ; eodem plane modo , quo in nebula obseruatum est. Alterum est ; cùm vitri contextura intelligi possit eadem proportionè , qua contextura nebulæ : quemadmodum non modò tu intra nebulam constitutus vides Solem , sed vident etiam sexcenti alij , qui ad dextram , læuamque sunt , quòd perinde ad ipsos vsque recta supersint itinerula à corpusculis nebulæ non occupata (ne memòrem , si illi te moderatè distantes circumstent , posse te ipsos æquè videre , quòd à te versus vnumquemque perinde remaneant inoccupata aliqua) eodem modo ;

Seu vitrum convexum, concavumve sit, posse non modò perpendicularem radium rectà traisci, sed innumeros etiam alios circum circà incidentis rectà penetrare ex vna superficie in aliam, quocùmq; angulo refringantur: Seu planum sit, & obliquè Soli oppositum, posse refractos semel radios in antica superficie, rectà penetrare in posticam, pro refractionis angulo; quòd aliqua recta itinerula ex omni parte in omnem partem pateant. Quod idem dicendum de aqua (quæ est etiam nebulâ opacior & de perspicuis cæteris. Venit porrò mihi in mentem vsurpare nebulæ exemplum, memor illius, de qua aliàs mihi narraſti, te, cùm intra eam versareris, per matutinum crepusculum, obseruasse homines per decliue montis supernè accedenteis, procùl proceriores, propè breuioreſ apparere: idque cùm tibi ediffererem, quemadmodum Martinus Hortensius in dissertatione mecum instituta de Mercurio in Sole viſo, occasionem fecisset philosophandi secùs, quàm antè, de apparente varia Lunæ, aliarumque rerum magnitudine, proùt oculus aut in tenebris, aut in maiore, minoreve est luce.

XVI. Petis denique, vt si quodpiam abs Liceto responſum habeam, ipſum tecum communicem. Obſequor ergo, mi Capellani; sed non sine pudore quodam, ob verba illa nimis bona, meque non adtinentia, quibus me vir magnus exornatum voluit. Tu sic accipe, vt intelligas me id reſpuere, quod non sum; & non alio fine exemplum literarum transmittere, quàm ne cauſari valeaſ, me aut tibi quicquam ne-

gare; aut non fatishabere cordi, vt summa viri comi-
tas, humanitasque innotescat. Cùm primùm mihi con-
fiterit editos libros, quos de variis Epistolæ capitibus
se editurum pollicetur, dabo operam, vt rescire va-
leas. Fortassis quoque te conuenire intereà temporis
licebit; ecce enim sum in procinctu, vt eò contendam,
vbi deliberabitur, istuc ne breui sim concessurus. Si
fecero, dabitur sanè hæc, quæ scripsi omnia, viua
edifferere voce; explanaréque coràm vberius; quandò
non tantùm suauioribus Musis, quibus tanto es orna-
mento, sed seuerioribus quoque istis adeò impensè de-
lectaris. Vtcùmque fuerit, tu me eum habe, quo
tuæ virtutis non sit reuerentior. Saluere iubeo, &
toto affectu complector optimum Magneium, cui te,
& tuam erga me beneuolentiam debeo. Vale. E no-
stro Musæolo, Eidib. Ianuar. M. DC. XLI.

11655

